


Агата Кристи



ПИЗҚУВАР
Пуаро





ЖАҲОН АДАБИЁТИ КУТУБХОНАСИ

Агата КРИСТИ



ҲИҚОЯЛАР

ТОШКЕНТ
«O'ZBEKISTON»
2016

УЎК: 821.111-3
КБК: 84(Ингл)
К 81

Рус тилидан **Иzzat АХМЕДОВ** таржимаси

Машхур инглиз ёзувчиси, «детектив қироличаси» Агата Кристининг асарлари дунёнинг юздан ортиқ тилларига таржима қилинган, кўплари саҳналаштирилган. «Қора қаргалар сири», «Ўнта негр боласи» фильмлари шулар жумласидандир.

Ушбу тўпламга адабанинг қизиқарли ҳикоялари танлаб олинган. Бу ҳикоялар сирли воқеаларга бойлиги билан ажралиб туради.

Ҳикоялардаги изқувар қаҳрамонларнинг фикри тинниклиги, жиноятларни фош қилишда яқиндан иштирок этиши китобхон диққатини тортади. Айниқса, қўнғиз мўйлов Пуаро ёки мисс Марплнинг воқеалар ва жиноятларни очиши, масала ечимидағи ёрқин, аниқ хуросалари хайратлантиради.

Тўплам кенг китобхонлар оммасига мўлжалланган.

ISBN 978-9943-28-684-9

© И. Ахмедов (тарж.), 2016
© «O'zbekiston» НМИУ, 2016



ИШТАР ИБОДАТХОНАСИДАГИ ҚОТИЛЛИК

— Ҳикоя қилиш навбати сизники, доктор Пендер. Қани, бизга нималарни сўзлаб бермоқчисиз?

— Менинг ҳаётим хилватларда ўтди, — дея гап бошлади кекса руҳоний хижолатомуз жилмайиб. — Шу боис қўп воқеаларга дуч келмаганман. Фақат навқиронлик чоғларимда ўзим гувоҳ бўлган жуда гаройиб ва фожиали бир ҳодиса бундан мустасно.

— Ў, — ҳовлиққанча хитоб қилди Жойс Ламприер хоним.

— Орадан қўп йиллар ўтган бўлса-да, — сўзида давом этди руҳоний, — мен бу ҳодисани ҳеч унутолмадим. Бу менга шундай таъсир қилганки, салгина эсимга тушса ҳам ўша даҳшатли манзара кўз олдимда қайта жонланади ва қўрққанимдан карахт бўлиб қоламан. Ўшандаги ҳеч кимга кўринмайдиган қурол билан қуролсиз одам ўлдирилганди.

— Доктор, сўзларингиздан этим жимиirlаб кетди, — нолиди жаноб Генри.

— Ўзимни ҳам қалтироқ босди. Ўша кундан бери даҳшатли воқеалар тўғрисида гаплашашётган одамлар устидан кулмайдиган бўлганман. Айтмоқчиманки, баъзи жойларда ёвуз руҳлар шунчалик кучли бўладики, уларни bemalol сезиш мумкин.

— Ҳа, албатта! — Руҳонийнинг гапини тасдиқлади Марпл хоним. — Мана шу Лорчеслар

уйида қанча баҳтсизликлар рўй берган. Ўзингиз ўйланг, қария Смитерс барча бойликларидан айрилиб, уйини сотишга мажбур бўлди. Карслейклар бу уйга кўчиб келмасданоқ Жонни Карслейк зинапоядан йиқилиб, оёғини синдириди. Кейинроқ, Карслейк хоним ҳам Франция жанубига бориб, даволаниб қайтди. Айтишларича, ҳозир ўша уйни эр-хотин Берденлар сотиб олибди. Яқинда эшигдим: кўп ўтмай бечора жаноб Берден жарроҳ тифига дуч келибди.

– Биз бу ерда ирим-сириларга ўралашиб қолганга ўхшаймиз, аҳмоқона ва ўйланмай тарқатилган миш-мишлар кўчмас мулкка катта зарар келтирмасмикан? – деди жаноб Петерик.

– Шахсан ўзим бир жуфт «арвоҳ» қучоқлашганини кўрдим, – дея қаҳ-қаҳ урди жаноб Генри.

– Доктор Пендерга ҳикоясини айтиб беришга йўл берсак бўларди, – таклиф қилди Реймонд.

Жойс иккала чирокни ҳам ўчириб қўйди. Энди хонада фақат каминнинг липиллаб турган ёлқини қолди. Ҳикояни давом эттиrsa бўлади.

Доктор Пендер кулимсиради ва оромкурсига ўрнашиброқ ўтириб, кўзойнагини олиб қўйди. Сўнг сокин овозда ҳикоя қила бошлади:

– Орангизда Дартмур ҳақида эшигтан одам борми-йўқми, билмайман. Мен ҳозир таърифламоқчи бўлган макон у билан ёнма-ён жойлашган. У ерларнинг табиати баҳаво, қўргон ҳам ажойиб бўлишига қарамай, сотилиши эълон қилинса-да, кўп йиллар харидорини тополмади. Бунинг сабаби бор, албатта. Қўргон қўрқинчли, хилват жойда эди. Уни Хейдон исмли киши сотиб олганди – жаноб Ричард Хейдон. Мен уни

колледжа ўқиб юргандаёқ билардим, анча вақт кўришмаганимизга қарамай, эски дўстлигимиз хурмати, у мени «Тинч ўрмон»ига таклиф қилди. У бу жойни шундай атарди. Зиёфатга кўп меҳмон чақирилмаган эди. Ричард Хейдоннинг ўзи, амакиваччаси Эллиот Хейдон, Маннеринг ва унинг рангпар қизи Виолет, капитан Рожерс хотини билан – ҳар иккаласи ҳам офтобда тобланган моҳир чавандозларга ўхшарди. Меҳмонлар орасида ёш доктор Саймондс ва Диана Эшли хоними ни учратдим. Диананинг сурати гўзаллар журналида, матбуотда бир неча марта эълон қилинган бўлиб, у шу мавсумдаги соҳибжамоллардан бири деб тан олинганди. Ҳақиқатдан ҳам унинг ҳусни жамолига таъриф йўқ эди. Баланд бўйли, қора сочли, юzlари оппоқ, кўзларини қисиб қараши эса Шарқ санамларини эслатарди.

Тангрим унга бетимсол шарқона ҳуснтароват берганди. Устига-устак, қизнинг тиник, қўнғироқдай овозини айтмайсизми?! Ташрифим давомида билдимки, дўстим Ричард Хейдонни бу нозанин маҳлиё қилиб қўйган экан. Базм ҳам шу малак учун атайин уюштирилаётгандек туюлди менга. Қизнинг хатти-харакатларида Ричардга мойиллик аломатлари сезилмади. Диана шундай қизлар тоифасидан эдики, бугун кун бўйи Ричард билан сұхбатда бўлиб, эртага унга қиё ҳам боқмай, кўпроқ Эллиотга лутф кўрсатиши мумкин эди. Кейин эса вазмин ва уятчан доктор Саймондсга ҳам жозибадор кулгусини ҳадя эта оларди.

Келишим билан мезбон бизга қўрғондаги барча хоналарни кўрсатди. Уй ташки қўринишидан

унча салобатли, сирли кўринмаса-да, лекин жуда қулай, девоншир мармаридан ғоят пишиқ ва турли хил табиий оғатларга бардошли қилиб қурилганди. Деразалар адирга, торф конига, шамол емирган қояларга қараб очиларди.

Якин қоялар бағрида қадимий қўрғон бўлиб, шу қўрғонда қидирув ишлари олиб борилганида, у ердан бронзадан ишланган қандайдир асбоб-анжомлар топилганди. Топилмалар Хейдонни қизиқтириб қолган экан, у бизга бу ҳақда ҳаяжон билан сўзлаб берди.

– Неолит даври одамлари, друидлар ва римликлар яшаган жойлар, ҳатто илк Финикия маданиятининг излари ҳам топилган бу ерда, – дея бу ерлар кўхна осори-атиқаларга ғоятда бой эканлигини таъкидлади Ричард. – Лекин бу жой энди «Тинч ўрмон» деб аталади.

Ричард қўлини чўзиб харсангтош, арчагул, кирққулоқлардан иборат ялангликнинг ўртасидаги – чамаси юз ярд¹ наридаги қалин дараҳтзорни кўрсатди.

– Мана бу манзарага бир қаранг, – ҳикоясини давом эттириди Хейдон. – Баъзи дараҳтлар қуриган бўлса, баъзилари ўсиб чиққан, лекин финикиялик кўчманчилар келгунча ва ундан кейин тўлиқ сақланган. Юинглар, бориб кўрамиз.

Ҳаммамиз унинг орқасидан йўлга тушдик. Ўрмонга кирганимизда негадир қалбимда ғашлик пайдо бўлди. Афтидан, бу фафлат ўрмонида биронта ҳам қуш ин қурмаганга ўхшайди. Атрофни умидсизлик, даҳшат қоплагандек эди, гўё. Хейдон менга сирли кулимсираб:

– Бу жой қандайдир ажабтовур таассурот қолдирмаяптими, Пендер? – деди. – Кўнглингизнинг бир четида безовталик сезмаяпсизми?

¹ Ярд – 91,44 см.га teng инглиз ўлчов бирлиги.

– Бу ер менга ёқмаяпти, – дедим бамайлихотир.

– Тушунарли, – деди у. – Бу ерда бир пайтлар файдидинларнинг қалъаси бўлган. Бу – «Астарта ўрмони».

– Астарта дейсизми? – сўрадим мен.

– Астарта ёки Иштар дейсизми, сизнинг хохишингиз, аммо мен финикияликлар иборасида «Астарта» дейман, – сўзида давом этди Хейдон. – Бу, менимча, шу атрофда Астартага сифиниш билан боғлиқ ягона жой. Етарли далиллим йўқ, аммо кўз ўнгимиизда ҳақиқий «Астарта ўрмони». Бу қалин дараҳтлар орасида бир пайтлар муқаддас маросимлар ўtkазилган.

– Муқаддас маросимлар, – шивирлади Диана хаёлга чўмиб. – Қизик, улар қандай ўтказилган экан?

– Унчалик ҳавас қиласиган эмас, – дея қутимаганда қаттиқ қулиб юборди капитан Рожерс. – Менимча, Иштар маросими дилларни ўртаб юборган.

Хейдон бу гапларга унча эътибор бермади ва гапини давом эттириди:

– Ўрмон ўртасида ибодатхона бўлиши керак. Ибодатхонани тасаввуримда тиклай олмайман, лекин хаёлан унинг қандай бўлганини айтишим мумкин.

Шу вақт биз ўрмон ўртасидаги чоғроқ ялангликка чиқдик. Яланглик марказида тошдан қурилган уйчани эслатадиган ғалати нарсани кўрдик. Диана Эшли Хейдонга саволомуз қараб қўйди.

– Мен уни саждагоҳ деб ўйлайман. Саждагоҳ ёки «Иштар ибодатхонаси».

Хейдон уйчага яқинлашди. Уйча ичида обнус дарахтидан ясалган қўполроқ тагликдаги арслон устида бошида ярим ой шакли тасвиrlанган аёл ўтирганди.

— Финикия Астартаси — ой маъбудаси, — эълон қилди Ричард Хейдон.

— Ой маъбудаси! — деди ҳаяжон билан Диана. — Келинглар, бугун шу ерда базми жамшид қурамиз. Ой тик қўтарилигдана никобли кийимлар кийиб келамиз-у, Астарта шарафига маросим ўтказамиз.

Мен кетишга шайландим, буни Ричарднинг амакиваччаси Эллиот Хейдон дарҳол пайқаб қолди:

— Сизга бу нарсалар ёқмаяпти-а, ота?

— Йўқ, ёқмаяпти, — қатъий жавоб бердим.

У бироз ажабланиб қараб турди-да:

— Булар ҳаммаси аҳмоқгарчилик, — дея таъкидлади. — Илохий ўрмон қаердалигини Ричарднинг ўзи ҳам билмайди. Бу унинг тасаввури, унга шунақаси ёқади. Агар ростакамига шундай бўлсайди...

— Балки, ҳақиқатдан ҳам шундайдир?..

У хижолатли қулди-да:

— Наҳотки, шу нарсаларга ишонсангиз? Сиз рухонийисиз-ку, — деди.

— Йўқ, ишонмайман, — жавоб бердим мен, — бундай бўлишига ҳеч ҳам ишонгим келмаяпти. Бироқ бу ерга қадам қўйишим билан гўё атрофимни ёвузлик ва хавф-хатар қуршаб олгандай бўлди.

Эллиот беихтиёр қайрилиб, менга файритабиий тикилди.

— Ха, — деди у, — бу ерда бир сир бор. Сиз нимани назарда тутаётганингизни тушундим. Лекин ҳақиқатдан анча узоқлашиб кетмадикмикан? Шундай эмасми, Саймондс?

Доктор бир-икки сония жим турди-да, шундай деди:

— Нима учунлигини билмайман-у, лекин буларнинг бари менга ёқмаяпти.

Шу пайт Виолет Маннеринг мен томон чопиб келди-да:

— Кўрқиб кетяпман, бу ерда қолиш хавфли. Тезроқ бу ердан кетайлик, — деди аллақандай кўркув билан.

Биз бу ерни тарқ этишга ошиқдик, орқамиздан бошқалар ҳам эргашди. Фақат Диана Эшли бироз ушланиб қолди. У ибодатхона олдидағи санамдан кўзини узмасдан ўзгача бир ҳаяжон билан тикилиб қолганди.

Ажойиб кун бўлди. Қуёш нурларини сахийлик билан сочарди. Шунинг учун Диана Эшлининг ниқобли кийимни кийиши таклифини ҳамма бажонидил қабул қилди. Барчада кўтаринки кайфият бор эди-ю, лекин ички бир безовталик ҳам йўқ эмасди. Кечки овқатга кирганимизда фоят завқли ва ёқимли бир овоз янгради. Рожерс ва хотини неандерталларга ўхшаб кийинишганди. Ричард Хейдон ўзини финикиялик денгизчи, амакиваччини эса қароқчилар сардори деб атади. Доктор Саймондс — бош ошпаз, Маннеринг хоним — ҳамшира, қизи эса — черкас аёли бўлиб гавдalandи. Каминани эса роҳиб деб эълон қилишиди. Диана Эшли кечки овқатга ҳаммадан кейин кирди. Унинг кенг-мўл маскарад кийимида судралиб юриши бизда шубҳа уйғотди.

– Нотаниш аёл, – деди у. – Мана, мен кимман. Қани, энди дастурхонга марҳамат.

Овқатланиб бўлгач, уйдан чиқдик. Тун ниҳоятда ажойиб, осуда эди. Ой чиққанди. Суҳбатлашиб, сайр қилиб, вақт қандай ўтганини билмай қолибмиз. Бирор соатдан кейин орамизда Диана Эшли йўқлигини пайқаб қолдик.

– Балки, ухлашга кетгандир, – деди Ричард Хейдон.

– Йўқ, – бошини чайқади Виолет Маннеринг, – ярим соат олдин қўргандим, – у қўли билан ой ёруғида қорайиб кўринган ўрмон томонни кўрсатди, – Диана ўша томонга қараб кетди.

– Кизиқ, бу қизнинг эси жойидами? – гудранди Ричард Хейдон. – Онт ичаманки, бу ерда бирон маккорона хазил борга ўхшайди, юринглар, бориб кўрайлик-чи.

Ҳаммамиз қизиқиш аралаш ҳадик билан ўрмонзорга йўл олдик. Дараҳтзорда қандайдир ноҳуш ҳодиса рўй беришини аввалдан сезгандек, у ерга боришга оёғим тортмади. Ўзимни ёмон ҳис қила бошладим. Бор кучимни тўплаб, ўзимни зўрға ушлаб турдим ва бу жой бехосият эканини, назаримда, ҳаммадан аввал сездим. Сузиб бораётган ой ёғусида дараҳтлар шоҳларини атайн эгган-у, бизларни ўтказишни хоҳламайдигандек эди. Кундузги осуда ўрмонзор тунда турли шивир-шивирга тўлганди. Ҳаммамиз сирли бир кўркувдан бир-биримизнинг пинжимизга тиқилишиб, қўлларимизни ушлашиб, астасекин илгарилай бошладик.

Ўрмонзор ўртасидаги ялангликка бориб худди ўзга сайёрадан келгандек қотиб қолдик. Остонада харир либосда товланиб гўзал бир санам туар-

ди. Унинг бошидаги ҳурпайған қора сочи иккита ярим ой шаклида эди.

– Худойим! – дея хитоб қилди Ричард Хейдон. Унинг қошлари орасида тер томчилари пайдо бўлганди.

Виолет Маннеринг сезгирироқ экан:

– Бу Диана-ку! Ўзига ўзи ўхшамай қолибди, – деди.

Шу сонияда ҳалиги шарпа ибодатхонага кираверишда қўлини қўтариб, бир қадам олдинга юрди. Сеҳрли овоз билан шундай деди:

– Мен маъбуда Астартаман! Менга яқинлашманглар, бўлмаса ажалингизни топасиз!

– Керакмас, Диана, – Маннеринг уни инсофга чақирмоқчи бўлди. – Сиз бизни қўрқитяпсиз. Ўзи шундай ҳам ваҳимали-ку бу ер!

Хейдон ўзини унга отди:

– Менинг илохий маъбудам – Диана! Сен гўзалсан!

Кўзларим ойнинг ёруғига ўрганиб қолди. Энди атрофдаги нарсаларни аниқроқ кўра бошладим. Диана ҳақиқатдан ҳам, Виолет айтгандек, боятда ўзгарганди. Юзи шарқона тус олиб, кўзларида янада қатъиятлик жилоланган, лабларида шундай қаҳрли заҳарханда табассум зохир эдики, уни бу ҳолатда ҳеч қачон кўрмаганман.

– Секинроқ, – огоҳлантирди у. – Маъбудага яқинлашманг. Ким бўлишидан қатъи назар, менга яқинлашса, ўлдирман.

– Сен жуда гўзалсан, Диана, – хитоб қилди Хейдон. – Ўтинаман, ҳазилни бас қил. Бу ишлар менга... унчалик ўтиришмаяпти.

Хейдон унинг ёнига боришга қатъий қарор қилди, «маъбуда» қўлини Хейдон томонга чўзди.

– Тўхта! – бақирди у, – яна бир қадам ташласанг, мен сени Астартанинг илохий кучи билан нобуд қиласман.

Ричард Хейдон кулди-да, яна қадамини тезлатди. Шу пайт бирдан кутилмаган ҳодиса содир бўлди. Ричард гандираклади, сўнгра қоқинди ва бутун гавдаси билан ағдарилиб тушди.

У шу кўйи ерда юзтубан ётганича қайта ўрнидан турмади.

Кутилмаганда Диана жазавали кула бошлади. Фалати ва қўрқинчли қах-қаҳа ўрмон тинчини бузди. Эллиот қаҳр-ғазаб билан олдинга интилди.

— Мен бошқа чидолмайман! — бақирди у. — Тур, Дик. Турсанг-чи!

Аммо Ричард Хейдон йиқилган жойида ётаверди. Эллиот югуриб келди-да, чўккалаб, эҳтиёткорлик билан Ричарднинг бошини тепага ўғирди ва юзига тикилди. Кейин бирдан сапчиб ўрнидан турди.

— Доктор! Худо хайрингизни берсин, тезроқ келинг. Менимча, у ўлганга ўхшайди.

Саймондс унинг ёнига югурди. Эллиот эса секин-секин биз томонга кела бошлади. Негадир унинг ҳаракатлари беўхшов эди.

Гап нимадалигини тушуниб етган Диана энди бор овозда фарёд сола бошлади:

— Мен уни ўлдирдим! Эй Худо! Бундай бўлишини хоҳламагандим-ку? Наҳотки, мен қотил бўлсан?

Шундай дея у ўтлар устига беҳол йиқилди.

Шу пайт Рожерс хонимнинг саросимали овози эшитилди:

— Бизга ҳам бир нарса бўлмасидан бу қўрқинчли жойдан кетайлик. Қандай даҳшат!

Эллиот қўлини елкамга қўйди.

— Бундай бўлиши мумкин эмас, — шивирлади у. — Сизга айтяпман, бўлиши мумкин эмас.

Инсонни худди шундай ўлдириш мумкинлигига ишонмайман. Бу... бу – қандайдир тайритабий-ку!

– Амакиваччангизнинг юраги хаста эди-ку, – мен уни тинчлантиришга уриндим. – Балки ҳаяжон, руҳий зўриқиши ўз кучини кўрсатгандир.

– Сиз ҳеч нарсани тушунмаяпсиз, – дея Эллиот сўзимни бўлди ва кафтини очди. Унинг кафти қон эди. – Дик касалликдан ўлгани йўқ. У тиф зарбидан жон берди. Лекин, ажабланарлиси, бу ерда ҳеч қандай қурол йўқ эди-ку?

Таажжубланиб унга тикилдим. Бу орада Саймондс мархумни текшириб бўлди ва олдимизга келди. Унинг ранги оқариб кетган ва қалтиради.

– Наҳотки ҳаммамиз ақлдан озган бўлсак? – сўради Саймондс. – Агар шундай ҳодисалар бўлиб турса, бу қандай жой ўзи?

– Демак, бу ҳақиқат экан-да, – дедим мен.

У гапимни тасдиқлагандай ишора қилди.

– Зарба узун, ингичка ханжар билан етказилган бўлиши мумкин, бироқ мен ҳеч қандай ханжарни кўрганим йўқ.

Бир-биrimизга қарадик.

– Ундей бўлса, ханжар шу ерда бўлади! – таъкидлами Эллиот Хейдон. – У шу атрофда, қаердадир ётибди, қидириб топиш зарур.

Ўтлар орасини пайпаслай бошладик, шунда Виолет Маннеринг:

– Ха, эсимга тушди, Диананинг қўлида нимадир бор эди. Ханжарга ўхшаган бир нарса. Ха, рост. У Ричардга таҳдид қилаётгандан нимадир ярақлаб кўринганди, – деб қолди кутилмагандা.

– У лоақал уч қадам ҳам унинг яқинига бормаганди, – эътиroz билдирид Эллиот Хейдон.

Маннеринг хоним бехуш Дианага энгашди-да:

– Ҳозир унинг қўлида ҳеч нарса йўқ, ерда ҳам ҳеч нарса кўринмайди, – деди. – Виолет, адашмаганингга ишончинг комилми?

Доктор Саймондс ҳам Диананинг олдига келди:

– Уни уйга олиб бориш керак. Рожерс, ёрдамлашворинг. Аввал мисс Эшлини олиб кетамиз. Сўнг Ричард билан шуғулланамиз.

Пендер ҳикоя қилишни тўхтатиб, кўз қири билан тингловчиларга қаради:

– Мурда қаердан топилган бўлса, уни ўша ерда қолдириш кераклигини ҳозир ёш бола ҳам билади. Лекин у пайтда бундай қилишга фаҳмимиз етмабди. Хейдоннинг жасадини гранит уйнинг хобхонасига олиб бордик. Кейин хизматкорни велосипедда полицияга юбордик. Миршабхона ўн икки чақирим нарида эди.

Бир пайт Эллиот Хейдон мени четга чақирдида:

– Қулоқ солинг, мен ўрмонга қайтмоқчиман, қуролни, албатта, топиш керак, – деди.

– Агар у бор бўлса, – дедим мен шубҳаланиб.

У елкамдан ушлаб, жаҳл билан қаттиқ силтади:

– Миянгиздаги аҳмоқона хаёлларни чиқариб ташласангиз-чи! Наҳотки, бу ўлим аллақандай ёвуз кучлар томонидан амалга оширилган, деб ўйласангиз? Яхшиси, ўзим ўрмонга бораман ва масалага ойдинлик киритаман.

Уни тўхтатишга беҳуда уриндим. Ўша дарахтзорни эслашнинг ўзи кўнглимни оздираётганди. Шу билан бирга, юрагимдаги хижиллик яна бир баҳтсизликдан дарак бераётганди, гўё.

Тун фоят қўрқинчли ўтди, мижжа қоқиши хақида гап ҳам бўлиши мумкин эмас эди. Полициячилар бизнинг кўрсатмаларимизга ишончсизлик билан қараб, мисс Эшлини сўроқ қилиб, унинг фикрини билмоқчи бўлишди. Бироқ доктор Саймондснинг таклифи билан қарорларини ўзгартиришди. Мисс Эшли хушига келганда, доктор унга кучли таъсир қилувчи уйқу дорини берди. Ҳар қандай ҳолатда ҳам Дианани эрталабгача безовта қилмаслик керак эди.

Эрталаб соат еттигача Эллиот Хейдонни ҳеч ким эсламади. Фақат Саймондс тўсатдан унинг қаердалигини сўраб қолди. Кечаги воқеани айтганимдан сўнг авзойи бузук докторнинг кайфияти баттар ёмонлашди.

– Яхшиси, бундай қилмагани тузук эди. Бутелбалик-ку!

– Сиз бирор нохушлик рўй беришини ўйла-маяпсизми мабодо?

– Ўйлайманки, ҳеч нарса бўлмайди. Ундан кўра мен билан ўша ёққа юринг!

Доктор ҳақ, лекин яна сирли ўрмонни кўриш учун мен ақл-хушимни йифиб олишим ва жасур бўлишим керак эди. Биз бирга машъум ўрмонга йўл олдик. Икки марта «Эллиот!» деб қичқирдик, бироқ ҳеч қандай садо чиқмади. Тонгги қуёшнинг заррин нурлари кўриниб турган яйдоқ жойга кўтарилдик. Саймондс ховлиқканча қўлимни шундай қаттиқ қисдики, бақириб юборишимиға сал қолди. Кеча амакиваччаси ётган жойда бугун Эллиотнинг ўзи худди шу алфозда ётарди.

– Худойим! – аста шивирлади Саймондс. – Уни ҳам...

Жон ҳолатда югуриб борганимизда Эллиот Хейдон ҳүшсиз ётарди. Энди фожиа сабаби аниқ эди: унинг елкасига узун ва ингичка бронза ханжар қадалганди.

— Яхшиямки, зарба юракка эмас, елкага тегибди. Нима дейишга ҳам ҳайронсан. Ҳар қалай, у тирик, нима бўлганини ўзи сўзлаб беради, — деди доктор.

Афсуски, Эллиот Хейдоннинг ҳикояси ҳам бизга ёрдам беролмади. Унинг сўзларига ишониши қийин эди. У ханжарни қидириб кўрмоқчи бўлган. Аммо харакатлари беҳудалигини тушунган ва бутхона ёнида тўхтаган. Ўша жойда гўёки уни кимдир дарахтлар орасидан кузатаётгандек туюлган. Унинг сўзларига қараганда, кутилмаганда ибодатхона ичкарисидан кучли совуқ шамол эсган. У ибодатхона ички қисмини кузатиш учун кирибди ва маъбуданинг мўъжал ҳайкалчасини кўрибди. Айтишича, маъбуда тобора катталашиб бораётгандек эмиш. Шунда бошига берилган қандайдир зарбадан қулаб тушибди. Йиқилаётиб чап елкасида қаттиқ оғриқни сезибди...

Ханжардаги белгилардан бири унинг шу ерда ўтказилган қазишмалар чофида топилганини ва Ричард Хейдонга тегишли эканлигини тасдиқлади. Аниқланишича, ҳеч ким ханжар аслида қаерда — уйда ёки ўрмондаги ибодатхонада сақланганми, билмас экан.

Полиция Ричардни Мисс Эшли ўлдирган деган тахминга келди, аммо бизнинг кўрсатмаларимиздан сўнг бу тахминдан воз кечишга мажбур бўлди. Сирли ўлим сирлилигича қолаверди.

Ҳикоячи бир зум тўхтади ва орага жимлик чўқди.

– Нима ҳам дейиш мумкин? – сукунатни бузди Жойс Ламприер. – Кўриниб турибиди, юракни сескантирувчи файритабиий воқеа. Доктор Пендер, содир бўлган воқеа хусусида ўзингизнинг мулоҳазаларингиз борми?

– Ха, – бошини қимирлатди руҳоний, – бироқ менинг мушоҳадаларим барча нарсага ҳам ойдинлик киритолмаса керак.

– Мен кўп марта спиритик сеансларда¹ бўлганман, – деди Жойс. – У ерда шундай ғаройиб ходисалар рўй берадики, асти қўяверасиз. Балки бу сехр-жодудир. Ўша аёл ўзини ростакамига маъбуда Астарта деб ҳис қилган бўлиши мумкин. Маннеринг хоним кўрган ханжарни ўша аёл ирғитгани ҳам эҳтимолдан йироқ эмас.

– Балки бу ўқдир? – тахмин қилди Реймонд Уэст. – Бундан ташқари, билишимча, ўша тун унчалик ойдин бўлмаган. Ким билади, балки унинг қўлида бошқа бир қурол бўлгандир? Мен оммавий гипнозни назарда тутяпман. Ўйлашимча, ўшанда ҳар бир киши қандайдир ҳалокат рўй беришини ич-ичидан сезган.

– Циркда қуроллар ва пичноқ билан турли кўзбўямачиликлар кўрсатишганига кўп маротаба гувоҳ бўлганман, – деди жаноб Генри. – Менимча, дараҳтлар орасида бирор яширинган ва нишонни мўлжаллаб, пичноқ ёки ханжарни отган. Тушуниб турибман, бу сизга файритабийдек туюлиши мумкин, аммо бу ягона тўғри тахминидир. Бир эсланг-а, жабрланган иккинчи кишига дараҳтлар панасидан кимdir пойлаётгандек туюлганди. Лекин Маннеринг хонимнинг айтишича, мисс Эшлининг қўлида ханжар бўлган. Судда

¹ Спиритик сеанс – турли иримлар воситасида гўё арвоҳлар билан сўзлашиш сеанси.

эса далиллар бошқалар томонидан инкор этилади, бу эса мени ҳайратлантириди. Тажрибаларимга таяниб шуни айтишим мумкинки, битта қотиллик ҳақида бешта гувоҳнинг кўрсатмалари шунчалик даражада фарқ қилиши ақл бовар қилмас хол.

– Биз барча тахминлар орасида энг муҳим нарсага эътиборсизлик билан қарайпмиз, – деди томоқ қириб жаноб Петерик. – Курол нима бўлди? Эшли хоним очиқ жойда туриб ўқ узган бўлса, бу ишонарли эмас. Мабодо найза яширган кимса томонидан санчилган бўлса, у ҳолда ўлган одам йиқилганда унинг баданида бўлиши керак эди. Шунинг учун биз ҳар хил тахминий гапларни тўхтатиб, аниқ далилларга мурожаат қиласайлик.

– Улар қайсилар?

– Нима бўлгандаям, бир ҳолат аниқ. Ўлаётган одамнинг олдида ҳеч ким бўлмаган. У ўзига-ўзи қурол санчган бўлиши мумкин. Хулоса шуки, Ричард ўзини-ўзи ўлдирган.

– Уни бундай қилишга нима мажбур қилдийкин? – ҳайрон бўлди Реймонд Уэст.

– Бу масаланинг бошқа бир жиҳати, – деди адвокат йўталиб, – ҳозир мени назария қизиқтирамайди. Илохий кучларга эса сира ишонмайман. Агар адашмасам, ҳаммаси худди мен айтгандек содир бўлган. Яъни, у йиқила туриб ўзига тиф санчган ва ханжарни суғуриб олиб дарахтлар панасига ирғитган. Унчалик ишонарли далил эмас-у, лекин шундай бўлгани ҳам эҳтимолдан узоқмас.

– Тўла ишонч билан айтолмайман-у, аммо ҳаётда баъзан ғалати ҳодисалар ҳам рўй бериди турари, – деди Марпл хоним.

– Холажон, сиз, Ричарднинг ўлимида бироўнинг қўли йўқ, демоқчисиз, шундайми? – сўради Реймонд.

– Афсуски йўқ, азизим! – жавоб берди Марпл хоним. – Менимча, бу ерда бир сир бор, бечора Ричард қасдан ўлдирилган бўлиши ҳам мумкин. Нега у қоқиниб кетган, ҳозир шуни билгим келяпти. Балки дараҳтнинг илдизи сабаб бўлгандир. У аёлдан кўзини узмай унга қараб юрган, шунда оёғи нимагадир илашган бўлиши ҳам эҳтимолдан холи эмас.

– Сизнингча, тиф санчиб жаноб Ричардни ўлдиришнинг ягона йўли бўлган. Сизни тўғри тушундимми, Марпл хоним? – дея руҳоний унга қизиксанниб қаради.

– Воқеанинг бу ёғи жуда қайгули, шу боис унга тўхталгим келмаяпти. У ўнг қўлидан фойдаланган, шундай эмасми? Мен чап елкани жароҳатлашнинг ягона йўлини назарда тутяпман. Бечора Жек Бейнзга ҳар доим раҳмим келади. Эслайсизми, Appasдаги қирғинбарот урушдан кейин у ўзини оёғидан отган. Госпиталга борганда оёғини кўрганман. Сўнгра ўзининг бу аҳмоқлигидан узоқ вақт уялиб юрди. Мен шунга аминманки, бадбаҳт Эллиот Хейдон ўзининг бу даҳшатли жиноятидан қўп фойда кўрмайди.

– Эллиот Хейдон дейсизми? – сўради Раймонд. – Бу ишни у қилганми?

– Ундан бошқа ким ҳам қилиши мумкин, – дея қўл силтади Марпл хоним. – Ўткинчи тахмий гумонларни тўхтатиб, келинг, яхшиси, жаноб Петерикнинг маслаҳатига қулоқ тутиб далилларга мурожаат қиласлийлик.

Шундай қилиб, Эллиот биринчи бўлиб амакиваччасининг олдига келди... Фақат угина

бошқаларни гавдаси билан тўсган ҳолда ўзига зарур ишни қилиши мумкин эди. Чунки у қароқчилар бошлиғи кийимини кийганди, шунинг учун ҳам унинг белида қандайдир қурол бўлгани табиий...

Меҳмонларнинг нигоҳи доктор Пендерга қаратилди.

– Бор ҳақиқатни, – дея сўзини давом эттириди у, – фожиа содир бўлганидан кейин орадан беш йил ўтгач, барча тафсилотлари билан билиб олдим. Буларнинг барчаси Эллиот Хейдон менга жўнатган хатда битилган эди. У ўз хатида ушбу қотилликда унинг қўли борлигидан гумонсираб юришимни аввалдан сезганини, бу мудҳиш қотиллик унинг ўзи учун ҳам кутилмаган воқеа бўлганини таъкидлаганди. Эллиот ҳам Диана Эшлини яхши кўрган, бироқ у бор-йўғи камбағал ҳуқуқшунос эди. Агар Ричард унинг йўлига тўғаноқ бўлмаганида, у насаб ва қўрғон меросхўри бўлиб қолар, келажаги порлоқ бўлар эди. У амакивачаси устига эгилганида белидаги ханжар сирғалиб ерга тушган, у фурсатни бой бермай ханжарни санчишга ва беркитишга улгурган. Шубҳа уйғотмаслик учунми, кейин ўзига ҳам ханжар урибди... У бу хатни Жанубий қутбга экспедицияга жўнаш олдидан, баъзи сабабларга кўра, ортга қайтмаслиги ҳам мумкинлигини назарда тутиб ёзган. Шуниси аниқки, Марпл хоним пайқаганидек, бу жиноят унга ҳеч қандай наф келтирмади. «Беш йилдан бери, – деб ёзади у, – мен руҳий қийноқдаман. Ўйлайманки, гуноҳларимни ўзимнинг муносиб ўлимим билан юваман».

Хамма бирдан суқутга толди.

– Ва у ўз ор-номуси билан ўлди, – деди жа-ноб Генри. – Сиз бу ҳикоянгизда исм-шарифлар ва жой номини ўзгартирган бўлсангиз ҳам, доктор Пендер, гап ким ҳақида кетаётганлигини дар-ров пайқадим.

– Юкорида айтиб ўтганимдек, – сўзини давом эттириди кекса рухоний, – биз барибир воқеанинг тубига етолмадик. Лекин нима бўлгандаям, мен ҳозиргача ўйлайманки, бу бадбаҳт ўрмонда бечо-ра Эллиот Хейдонни Астарта маъбудаси йўлдан урган. Ҳар доим шуни эсласам, изтиробга туша-ман.





БОЙВАЧЧАНИНГ ҚАСРИ

Бутазор билан ўралган хиёбон бурилишида икки киши пайдо бўлди.

– Нихоят етиб келдик, – деди Реймонд Уэст. – Хорейс Биндлер эса чексиз ҳаяжонда.

– Э Худо, кўзларимга ишонмайман! – Аввалига унинг овози ҳаяжонли, кейин эса бирдан тушқун ҳолда янгради. – Ишониш қийин. Ажо-йиб санъат асарининг ўзи.

– Сизга ёқишини билгандим, – деди хурсандчилигини яширолмай Реймонд Уэст.

– Ёқиши ҳам гапми?! – деди Хорейс ҳовлиқиб сўз тополмасдан. У фотоаппарати филофини ечишга киришди. – Бу коллекциянинг дурдонаси бўлади, – деди баҳтиёр қиёфада. – Коллекция йигишга доимо қизиқиб келаман. Ҳайратга соладиган бундай мўъжизани охирги бор Генуядаги Кампо-Сантода утратганман. Лекин буниси бўлакча. Дарвоқе, у қандай аталади?

– Билмадим, – деди Реймонд.

– Барibir унинг қандайдир номи бўлиши керак-ку.

– Албатта, бўлиши керак. Фақат бу ерни ён-атрофдаги одамлар «Фалати Гриншоу» деб аташларини эшитганман.

– Гриншоу уни қурган одамми?

– Ҳа, тахминан 1860–1870 йилларда. Жулдор кийинган бир болакайдан бундай машҳур киши етишиб чиқсанлиги хақидаги қизиқарли ҳикоя.

У нима учун бу уйни қурганлиги түғрисида ҳар хил баҳс-мунозаралар бор: биревлар унинг бойлиги ошиб-тошиб кетгани учун бу ишга қўл урган дейишади, айримлар эса сармоядорларни жалб этиш учун шундай қилган деб айтишади. Аксига олиб, у сармоядорларнинг эътиборига туша олмади. Охир-оқибат унинг ишлари юришмаган ва касодга учраган бўлса керак. «Фалати Гриншоу» ҳам шунга ишорадир балки.

– Ана бўлди, – деди қониқиши билан Хорейс фотоаппаратини чиқиллатиб. – Менга қачон бўлмасин коллекциядаги 310 рақамлисини кўрсатишни эслатинг, бу Италия услубидаги бетакрор камин. – У уйга бир назар ташлади-да, яна қўшимча қилди.

– Тасаввур қилолмаяпман, жаноб Гриншоунинг хаёлига бундай фикр қаердан келдийкин?

– Буни тушуниш қийинмас, – жавоб қилди Реймонд. – У Лаура қасрида бўлган. Мана бу миниатюраларга бир эътибор беринг-а. Кейин Шарққа саёҳат қилган. Ўз-ўзидан Тожмаҳал унда кучли таассурот қолдиргани шундай сезилиб турибди. Анави мавританча деворлари ва Венеция саройига хос безаклар ҳам ёмонмас.

– Қизиқ, у ўзининг барча ғояларини рўёбга чиқариш учун меъморни қаёқдан топдийкин?

Реймонд елка қисди.

– Бу унчалик қийин иш бўлмаса керак. – Бу ерда ишлаган меъмор умрининг охиригача етгулик мўмайгина ҳақ олган. Бироқ унга ҳақ тўлайвериб бечора қария Гриншоу хонавайрон бўлган.

– Бошқа томондан ҳам томоша қилсак бўладими? – деди Хорейс. – Бу билан хусусий мулкка дахл қилмаймизми?

— Албатта, шундай, — жавоб қилди Реймонд. — Лекин энди бунинг аҳамияти йўқ.

У уйнинг бурчагига етиб бурилди ва йўл бошлиди, Хорейс унинг ортидан эргашди.

— Ҳозир бу уй кимга қарашли? Етимларга бошпанами? Ё меҳмонхонами? Ҳар ҳолда, мактаб бўлмаса керак. Чунки болалар майдончаси кўринмайди. Уларнинг шовқини ҳам эшитилмайди.

— Бу уй ҳалиям Гриншоуники. Унинг ўзи қасодга учрагани билан, уй сақланиб қолди. Уйни катта Гриншоунинг ўғли мерос қилиб олди. У ўтакетган зиқна одам бўлиб, шу атрофда яшаган. Умри давомида бир тийин ҳам сарфламаган. Ҳозир бу уйда унинг турмушга чиқмаган қизи туради. Қандайдир фалати ва сирли қариқиз.

Реймонд ана шуларни айта туриб, меҳмонга «Фалати Гриншоу»ни кўрсатиш фикри хаёлига келганидан хурсанд бўлди. Адабиётчиларнинг барчаси шунаقا, ўзларини табиат жинниси қилиб кўрсатишади-ю, шаҳарни тарк этишлари биланоқ зерикиб қолишади. Бугун эса Хорейс Биндернинг машхур коллекциясини тўлдириш учун «Фалати Гриншоу»ни кўрсатишга кетаётганидан, Реймонд Уэст мамнун эди.

Улар бинони айланиб ўтиб, қаровсиз қолган майсазорга чиқишиди. Ўтлоқ ёнида тошлардан кўтарилиган тепачалар, ажойиб боғ бор эди. У ерда энгашганча бир аёл ишлаётганди.

Уларни кўрган ҳалиги аёл қўлида боғонлар куракчасини қўймасдан ўрнидан турди. У нисбатан анча бўйдор экан. Оқ оралаган, таралмаган соchlари елкасига тушган, бошидаги похолдан тўқилган шляпаси худди Италияда отларга кийгизиб қўйиладиган қалпоқчаларга ўхшаб кетар-

ди. Гулли чит кўйлаги тўпифигача тушган. Аёлнинг юзларида, шамол ялаган фуборли қўзларида қувлик аломати зохир.

– Кўққисдан бостириб келганимиз учун узр, мисс Гриншоу, – деди унга яқинлашаркан Реймонд Уэст. – Биласизми, менинг меҳмоним Хорейс Биндер, – Хорейс шляпасини ечиб, эгилиб таъзим қилди, – қадимги тарихга... яъни меъморий обидаларга жуда қизиқади. – Реймонд Уэст ўзини худди ҳамма нарса унга мумкиндай, гўё машхур одамдек тутарди. У орқасига – ҳашаматли қасрга бир қараб олди.

– Ростдан ҳам жуда ажойиб бино, – деди фуур билин Гриншоу хоним. – Уни бувам мен туғилмасимдан олдин қурган. Айтишларича, бувам маҳаллий аҳолини лол қолдиришни жуда-жуда истаган экан.

– Хоним, менимча, бувангиз мақсадига эришган, – деди Хорейс Биндер.

– Жаноб Биндер – таникли адабиётшунос, – қўшиб қўйди Реймонд Уэст.

Мисс Гриншоунинг адабиёт ихлосманди эмаслиги кўриниб турарди. У Реймонднинг сўзларини охиригача бепарво эшилтиди.

– Бу уйни бувамнинг даҳосига тикланган ёдгорлик деб ҳисоблайман, – деди мисс Гриншоу. – Уйни нега сотмаслигим ёки ижарага бермаслигим ҳақида жуда кўп одамлар келиб сўрашади. Квартирада нима қиласман. Уй меники бўлса, мен унда яшасам. – Мисс Гриншоу ўз ўтмишини эслаб, жим бўлиб қолди. Сўнгра яна сўзлай бошлади:

– Биз оиласда уч киши эдик. Лаура узокда яшайдиган рухоний ёрдамчисига турмушга чиқди. Отам рухонийларга боқий дунё неъматлари

ёт, деб уларга ҳеч қандай бойлик бермади. Лаура түлғоқ пайтида оламдан ўтди. Бола ҳам ўлди. Нетти эса бир отбоқар билан қочиб кетди. Отам уни ҳам меросдан маҳрум қилди. Унинг эри – Флетчер жудаям келишган бўлса-да, ярамас одам эди. Флетчер билан кетиб Неттининг баҳти очилди, деб ўйламайман. Шундоғам кўп яшамади. Улардан бир ўғил қолди, холос. Баъзи-баъзида ўша боладан менга хат келиб туради. Шундай бўлса-да, у Гриншоулар авлодидан эмас. Мен – бу авлоднинг сўнгги вакилиман.

У буқчайган елкасини кибр билан кўтариб, похол шляпасини чаққонлик билан тўғрилаб қўйди. Кескин бурилиб:

– Ҳа, миссис Крессуэлл, нима гап? – деди.

Уй томондан келган аёл, айниқса, ёнма-ён турганда, мисс Гриншоуга сираям ўҳшамасди. Миссис Крессуэллнинг ҳафсала билан бўялган соchlари ажойиб йўсинда турмакланганди. У гўё катта бир тантанага тайёргарлик кўрган француз хонимларидек ясаниб олибди. Эгнидаги кора кўйлак ипакдан тўқилгандек туюлса-да, бу кўйлак яқиндан қараганда сатиннинг бир тури экани маълум бўларди. Унинг овози салобатли эшитиларкан.

– Треска балиғидан олиб келишни Альфредга айтгандим, у боришни хоҳламади.

– Хоҳламади, дейсизми?

– Хоним, Альфред жуда димоғдор-да.

Кутилмаганда мисс Гриншоу лой бўлган икки бармоғини лабига яқинлаштириб, қулоқни қоматга келтиргудек хуштак чалди. Шундай қилиб у Альфредни чакирди.

Хуштак овозини эшитиб боғ бурчагидан қўлида белкурак ушлаган ўспирин чиқиб келди. Унинг чехраси очик, мулойим эди. Яқинлашаркан, миссис Крессуэллга бошқача қараб қўйди.

- Мени чақирдингизми?
- Xа, Альфред. Нима гап ўзи? Нега балиқ олиб келишга бормадинг?
- Сиз айтсангиз, бораман, мисс, – деди ийманиб Альфред. – Фақат буюрсангиз бўлгани.
- Xа, мен шуни хоҳлайман. Кечга балиқ ейишни истайман.
- Хўп бўлади, мисс.

У миссис Крессуэллга ёвқараш қилди-ю, нимадир деб тўнфиллади.

- Меҳмонларнинг келиши худди биз кутган-дек бўлди, – деди Гриншоу хоним. – Шундай эмасми, миссис Крессуэлл?

Миссис Крессуэлл шошиб қолди:

- Кечирасиз, хоним, тушунолмадим.
- Жуда яхши тушуниб турибсиз, – деди бoshини қимирлатиб мисс Гриншоу.
- Номига васиятнома ёзилаётган одамнинг унга аралашишга ҳаққи йўқ. Тўғрими? – деди у Реймонд Уэстга юзланиб.
- Тўғри, – тасдиқлади Реймонд.
- Мен қонунларни яхши тушунаман, сизлар ҳам бундан мустасно эмасдирсиз, деб ўйлайман. – У қўлидаги куракни саватга ташлади. – Мен билан кутубхонага чиқиш сизларга малол келмайдими?
- Бундан жуда хурсанд бўлардик, – дадил жавоб берди Хорейс.

Уй соҳибаси олдинга қараб йўл бошлади. Улар француз услубидаги дераза олдидан

узун сариқ-олтинранг меҳмонхонадан ўтиб, кенг даҳлизга чиқиши. Зинапоя орқали эса учинчи қаватдаги хонага кўтарилиши.

– Бувамнинг кутубхонаси, – изоҳ берди мисс Гриншоу.

Хорейс эса теварак-атрофни роҳатланиб томоша қилди. Унинг фикрича, бу уй гаройиб нарсалар билан тўлган. Мебелларнинг ҳеч кутилмаган жойларида сфинксларнинг бошлари кўриниб қоларди. Худди тасаввурдагидек, мисдан ясалган улкан жуфтлик – авлиё Павел билан Биби Малям сиймоси кўзга ташланади. Бундан ташқари, яна у ерда ниҳоятда катта, безакланган, мисдан ясалган қадимги соат ҳам бор эди.

– Ажойиб китобларни кўряпсизми? – деди мисс Гриншоу.

Реймонд аллақачон китобларни вараклашга тушиб кетганди. Бундай қараганда, бу ерда бирорта ҳам қизиқарли ва ўқилмаган китоб йўқ, деган хулоса чиқариш мумкин. Китобларнинг барчаси дабдабали қилиб муқоваланган, тўқсон йил илгариги боёнларнинг кутубхонасини эслатарди. Улар орасида алоҳида эски романлар ҳам учраб қолар, бироқ бу асарлар саҳифаларига умуман қўл теккизилмаганди. Мисс Гриншоу кенг ёзув столининг фаладонларини титкилаб, пергаментга ёзилган бир парча ҳужжатни топиб олди.

– Менинг васиятномам, – деди у. – Ахир, кимгадир шунча бойликни қолдириш керак-ку. Агар васиятнома қолдирмасам, буларнинг бари анави от жаллобининг ўғлига қолади. Херри Флетчер истараси иссиқ кўринганди, аммоunday бўлиб чиқмади. Мен унчалик тушунмадим: нега энди ҳамма нарса унга мерос бўлиб қолиши

керак экан? Йўқ, меросни Крессуэллга ёзиб қолдираман. Қарорим қатъий.

– Иш юритувчингизга қолдирмоқчимисиз?

– Ҳа, унга ҳаммасини тушунтирдим. Бисотимдаги бор нарсамни унга васият қилиб қолдираман-у, аммо бир чақа ҳам тўламайман. Бу бўлгуси харажатларимни тежайди ва ҳамёнимни тўлдиради. Энди у ўзи хоҳлаган пайтида хисоб-китоб қилиб кетолмайди. Сиз жуда кўп фронтларда қатнашгансиз ва кўпгина таниқли инсонларни кўргансиз. Унинг отаси оқибатли, диёнатли қувур тузатгич эди.

Мисс Гриншоу пергаментни ағдариб кўрди ва патқаламни сиёҳдонга ботириб олиб, ўзининг исм-шарифини ёзди: Кэтрин Дороти Гриншоу.

– Ана, кўрдингизми, мен қандай имзо чекдим, – деди у. – Энди барчангиз имзо чекишингиз шарт, шундагина у қонуний бўлади.

Гриншоу патқаламни Реймонд Уэстга тутқазди. У бирдан қайрилиб, имзоси муҳим эканлигини сезиб, имзо чекди.

Хорейс унинг қўлидан патқаламни олди ва қисқагина имзо чекди.

– Марҳамат, тайёр, – деди у. Мисс Гриншоу китоб жавонлари олдидан ўтиб тўхтади-ю, истаристамас Реймонд ва Хорейсга бир қараб қўйди. Сўнгра китоб жавонини очиб, у ердан битта китобни олиб, ичига керакли пергаментни қўйди.

– Менинг махфий жойим, – деди у.

У китобни қўяётганда, Реймонд Уэст китобга кўз ташлаб: «Леди Одлининг махфий жойими?» – деди. Мисс Гриншоу эса заҳарханда қилиб кулди.

– Ўз даврида у жуда машхур эди, – деди Реймонд.

– Бироқ сизнинг асарларингиздаймас.

У Реймондни дўстона қучиб бурчакка олиб борди. «Китоб ёзишимни қаёқдан билдийкин?» – ҳайрон бўлиб ўйлади Реймонд. Реймонд Уэстнинг ёзувчилигини ҳамма ҳам билавермасди. Аммо унинг машхур эканлигига шубҳа йўқ эди. У ўз асарларида ҳаётнинг муҳим қирраларини тасвирлар, шунинг учун ҳам Реймонд ўсмирларни ўзига жалб қила бошлаганди.

– Ана шуларни суратга туширсам, ажойиб иш бўларди, – деди ҳаяжонланиб Хорейс.

– Хоҳишингиз, – жавоб берди мисс Гриншоу. – У Париждаги кўргазмалардан сотиб олинганга ўхшайди!

– Балки, шундайдир, – деди-ю, Хорейс уларни суратга тушира бошлади.

– Бувам вафот этганидан буён бу уйга ҳеч ким кирмаган, – деди мисс Гриншоу. – Мана бу ёзув столи эса унинг қундаликлари билан тўла. Жуда қизиқ бўлса керак. Уларни мен ҳам ўқимаганман. Чунки кўзим яхши кўрмайди. Нашриётта топширишдан олдин синчилаб таҳрир қилиш керак.

– Сиз бу ишни кимгадир топшиrolасизми? – сўради Реймонд Уэст.

– Тўғри айтдингиз, мен ҳам шу фикрдаман. Реймонд Уэст соатига қаради.

– Энди бизга рухсат берсангиз, кетайлик.

– Сиз билан учрашганимдан фоятда хурсандман, – миннатдорчилик билдириди мисс Гриншоу. – Ҳали бу ёқقا келаётганингизни кўриб, қандай полициячи экан, деб ўйловдим.

– Нега энди айнан полициячи? – қизиқиб савол берди Хорейс.

– Соат нечалигини билмоқчи бўлсангиз, полициячидан сўранг, у сизга аниқ жавоб беради, – деди мисс Гриншоу. Бу кутилмаган жавоб Хорейсни кулгисини қистатди.

* * *

– Бугун жуда ажойиб кун бўлди, – деди Хорейс уйига қайтаётиб. – Бу уйда тирик жондан бўлак ҳамма нарса бор. Кутубхонада истаган китобларингиз, ҳаттоқи, қадимий саргузашт романлар ҳам борлигини айтмасам ҳам бўлаверади. Хоҳлаган асарларингиз мавжуд. Биласизми, эски романларда талайгина қотилликлар айнан мана шундай кутубхоналарда содир бўлади.

– Агар сизни қотиллик мавзуси қизиқтиrsa, – деди Реймонд, – унда Жейн хола билан бир бор суҳбатлашсангиз бўларкан.

– Жейн холангиз биланми? Сиз мисс Марпл ҳақида гапиряпсизми? – Хорейс бироз саросимага тушди.

– Ҳа, албатта, – деди Реймонд. – Қотиллик ҳақидағи гапларни у яхши қўради.

– Вой Худойим-ей! Қандай қизиқарли-а! Сиз нималарни назарда тутяпсиз?

– Мен шуни айтмоқчиманки, – деди Реймонд, – кимдир қотиллик содир этади, бошқалар эса унинг бевосита сабабчиси бўлади.

– Нималар деяпсиз? Ҳазиллашяпсизми?

– Йўқ, сира ҳам ҳазиллашмаяпман. Хоҳласангиз, сизни Скотланд-Ярдинг собик раҳбари, бир неча констеблларга бош¹ ва жиноий-тергов бўлими инспекторига жўнатишим мумкин.

¹ Констебль – Англиядада полициячиларнинг қуий унвони.

* * *

Хорейс: «Мен ҳозир қизиқарли воқеаларни билиб келаман», – деб чиқиб кетди. Ошхонада эса Реймонднинг хотини Жоан Уэст, унинг жияни Луиза Оксли ва кекса мисс Марпл йўқолган нарсалар ҳақида фикрлашишаётганди.

– Нима бўлганда ҳам даҳшатли ҳодисалар рўй берган, – деди Хорейс. – Энди иш юритувчига қийин бўлади. У маргимушни чойнакка солиб ичаверсин. Хўжайини унинг номига васиятнома ёзганини ҳар ким ҳам билавермайди.

– Жейн хола, сиз айтинг-чи, бу ерда қотиллик содир этилганми, йўқми? Сиз нима деб ўйлайсиз? – сўради Реймонд.

– Сизга бундай ишларда ҳазил қилиш ярашмас экан, – деди мисс Марпл. – Маргимушни топиш қийин эмас, ундан саройда тўлиб ётиди.

– Ҳа, тўғри, – майин сўзлади Жоан Уэст.

– У мерос қолдириб жуда ажойиб иш қилган, – деди Реймонд. – Бечора кампир мана бу ҳайбатли уйдан бошқа нимани ҳам қолдиарди. Уй кимга ҳам керак?

– Балки у киночиларга ёки бирор-бир ташкилотга керак бўлиб қолар, – деди Хорейс.

– Агар улар буни текинга олишмаса, – гапни бўлди Реймонд. Мисс Марпл бошини чайқади.

– Реймонд иккаламиз бу масалада келишолмас эканмиз. Мен айтмоқчи бўлган нарса маблағ билан боғлиқ. Отахонга Худо бойлик берган-у, ақлдан сал қисган экан-да! У зарар қўриши ҳам мумкин эди-ку! Бирок у бир амаллаб бойлик тўплаган. Агар шундай қилмаганида ўғлига хеч нарса йиғолмасди-да. Ўсли эса отасининг акси.

Бир тийин учун жонини берадиган ўта хасис одам. Менимча, у бутун умрини бойлик түплаш билан ўтказган. Мисс Гриншоу ҳам уларнинг бир тури. Пул сарфлашни ёмон кўради. Унинг бир замонлар яширган мўмайгина даромади бор.

– Мен Луиза ҳақида ҳам шундай фикрдаман, – деди Жоан Уэст.

Улар печка ёнида жимгина ўтирган Луизага қарашибди.

Жоан Уэстнинг жияни Луиза яқинда турмушга чиққанди. Унинг икки нафар фарзанди бўлиб, мўмайгина маблағи ҳам бор экан. Энди гап ўша қўлга киритилган маблагни саклашда экан.

– Мен ана шуни назарда тутяпман, – сўзини давом эттириди Жоан. – Агар мисс Гриншоу ҳақиқатдан ҳам кимнидир кундалигини олиб, уни китоб қилиб чоп этишни хоҳласа...

– Бу ҳали хом хаёл, – деди Реймонд.

Луиза:

– Бу ишни қойиллатиб бажариш қўлимдан келади, – деди. – Ўйлайманки, бу иш менга ёқади, – қўшимча қилди у.

– Унга шундай деб ёздираман, – деб ўрнидан турди Реймонд.

– Қизиқ, бу кекса хоним полициячи ҳақида нима демоқчи ўзи?

– Ха, бу шунчаки ҳазил.

Мисс Марпл бошини сарак-сарак қилиб:

– Бу менга жаноб Нэйсмитни эслатади, – деди.

– Ким у жаноб Нэйсмит деганлари? – қизиқиб сўради Реймонд.

– Асаларичилик билан шуғулланади, – деди Мисс Марпл. – У якшанба кунидаги газетада

ажойиб классик шеър эълон қилдирди. У одамларни чалғитишни яхши кўради. Баъзи пайтлар бу унга омад ҳам келтиради.

Даврада ўтирганлар жаноб Нэйсмит ҳақида фикр юритишида-да, кейин жим бўлиб қолишиди. Баҳс тугагунча, кекса Жейн хола қарилик сабаб баъзи бир нарсаларни чалкаштириб юборди...

* * *

Хорейс Бандлер ўз коллекциясига ҳеч қандай янгилик киритолмасдан, Лондонга қайтиб кетди. Реймонд Уэст эса мисс Гриншоуга хат ёзиб, мисс Луиза Окслига ишонч билдирганини, эсадаликлар устида иш олиб боришга қодир эканлигини билдириди. Бир неча кундан сўнг чумоли юргандек ёзувда жавоб келди. Мисс Гриншоу мисс Окслининг олдига келиб, у билан учрашишини айтибди. Луиза таклифномани қабул қилиб, Гриншоу билан учрашиб, ишни бошлаб юборди.

– Сиздан беҳад миннатдорман, – деди у Реймондга. – Менга жудаям яхши бўлди. Болаларни мактабга элтаман, кейин эса «Фалати Гриншоу»га бораман. Қайтишда эса болакайларни уйга олиб қайтаман. Ишларимни бундай тез юришиб кетганига ақлим бовар қилмайди. Ҳалиги кампирни худди тушимда кўргандайман. Уни яна бир кўришим керак-да.

Кечқурун ишдан уйга қайтиб, Луиза таассурутлари билан ўртоқлашди.

– Иш юритувини бирров кўрдим, холос, – деди илтифот билан Луиза. – Соат ўн икки яримда қўлида бир финжон қаҳва ва бир бўлак торт билан ноз ила олдимга кирди-да, лом-мим демай

чиқиб кетди. Унга мени ёмонлашгани ёқмаяпти, шекилли, менимча, боғбон Альфред билан улар ўртасида адоват борга ўхшайды. У ишёқмас маҳаллий болалар билан гаплашмас экан. Мисс Гриншоу шундай деди: Мен эсимни таниганимдан бері боғбон ва уй хизматкори ўртасида низо бор. Бувам пайтида ҳам ахвол шундай эди. У замонлар боғда уч киши ва бир бола, уйда эса саккиз оқсоч хизмат қиласынан. Улар орасида дөмө келишмовчиликлар бўлиб турарди.

Эртаси куни Луиза жуда хурсанд ҳолда уйга қайтди.

– Биласизми, мисс Гриншоу мендан жиянига қўнғироқ қилишни сўради.

– Жиянингами?

– Ҳа, у актёр. Ёз мавсумида Борхэмда ўтказиладиган труппада ўйнайди. Театрга қўнғироқ қилиб, эртага тушда боришимни айтиб қўйишларини илтимос қилдим. Қизиқ-да, тўғрими? Кампир бу ҳақда иш юритувчи билишини хоҳламайди. Мисс Крессуэлл унинг жаҳлини чиқариш учун бирон-бир гап айтганга ўхшайды.

– Эртага энг зўр серияларидан бири бўлади, – дея тўнғиллади Реймонд.

– Ростданам кўп серияли фильмга ўхшайди-а? Жиянини муросага келтириш ва қон тўкилмаслиги учун васиятнома қайта ёзилади. Жейн хола, сиз жудаем жиддийлашиб кетибсиз.

– Шунақами?

– Сен, азизим, полиция ҳақида бошқа ҳеч нарса эшитмадингми?

Луиза ўзини ноқулай сезди.

– Полиция ҳақида ҳеч нарса билмайман.

— Танбех бериши-ю, койиши — бу унинг огоҳлантириши, — деди мисс Марпл. — Аммо нимадир бўлиши керак эди.

Эртаси куни Луиза ишга аъло кайфиятда келди. У ўз хонасига факат байрамлардагина очиладиган эшикдан кириб борди. Уйнинг эшик ва деразалари доимо очик турарди. Бундан факат мисс Гриншоугина хабардор эди. У қулфбузар ўғрилардан қўрқмасди. Чунки уйда бир тоннacha хар хил арзимас матоҳлардан бошқа ҳеч нарса йўқ эди.

Йўлакда унга Альфред тўқнаш келди. Альфред хаёл суреб ўтиради. Луиза яқинлашиши билан зарда қилиб супургини олди-ю, ердаги хазонларни супура бошлади. Болакай бекорчи бўлса-да, бироқ анча одобли эди. Унинг юз тузилиши кимнидир эслатди. Луиза зал орқали ўз хонасига ўтди. Кейин эса зинапоялардан юриб кутубхонага борди. Натаниелнинг хурмат тахтасидаги тошга ишланган чиройли катта портретига қаради. Суратда Натаниель Гриншоу ҳашаматли оромкурсида ястаниб ўтирас, қўлларида эса олтин соатнинг занжири кўзга ташланиб турарди.

Луиза портретга бошдан-оёқ разм соларкан, миясига, унча ёмонмас экан-ку, деган фикр келди. У Альфредга бироз ўхшаб кетаркан...

Луиза учинчи қаватдаги кутубхонага чиқиб эшикни ёпди ва ёзув машинкаси ёпқичини олиб ташлади. Хона бурчагидаги ёзув столидан кундаклик дафтарни олди. Луиза кўз қири билан дераза ойнасидан пастга қараб, тўқ-қизил кўйлак кийган мисс Гриншоуни кўрди. У гулзордаги гулларнинг бегона ўтларини юлиш билан овора эди.

Икки кун тинмай ёққан ёмғир гулларни ўтлардан тозалашга имкон бермасди.

Луиза шаҳарлик қиз әмасми, ўзи ҳақида ўйлай бошлади. Унинг қачондир ўз бояи бўладими? Дараҳтларни парваришилаш осон әмас. Бунинг учун қаттиқ меҳнат қилиш керак. Луиза шуларни ўйлади-ю, яна ўз ишига шўнғиб кетди.

Мисс Крессуэлл ўн икки яримда кутубхонага патнисда қаҳва кўтариб кирди. Бир қарашда у ноҳуш хабарни айтмоқчидек эди-ю, аммо айтмади. У қўлидаги патнис билан столга урилди ва хуш кайфиятда шундай деди:

– Тушликка меҳмон чақирилган, бироқ уйда ҳеч вақо йўқ. Нима қилишим керак, шуни билмоқчи эдим. Альфреднинг ҳозир қаердалигини билмайман. Мен бу томонга келаётганда, у йўлакларни супураётганди.

– Сиз тўғри гапирияпсизми, демак, мукофотга лойиқсиз.

Мисс Крессуэлл хонадан чиқиб, эшикни ёпди. Луиза ўзича кулимсираб қўйди. У нимани ўйлаётгани номаълум, бироқ уни Гриншоунинг жияни қизиқтираётгани эҳтимолдан холи әмас.

Луиза қаҳва ичиб, ўз иши билан машғул бўлди. Вақт эса ўтиб борарди. Натаниель Гриншоу талвасага тушмай, очиқчасига кундалик тутарди. Кўшни шаҳарлик официант ҳақида мароқ билан ёзилган жойни қайта ёза туриб, Луиза бу жой ҳали жиддий таҳиррга муҳтож экан, деб ўйланиб қолди.

Унинг бу ширин хаёлларини боғ томондан қўйқисдан келган ноҳуш овоз бўлиб юборди. Луиза сесканиб кетиб, сакраб ўрнидан турди ва деб раза томонга қаради. Мисс Гриншоунинг боғ то-

мондан шошилмай одимлаб келаётганини кўрди. У қўлини кўкрагига босиб олган, бармоқлари орасидан найзанинг учи чиқиб турарди. Шу алпозда хушидан кетиб қолди. Ўзига келгач эса қўлида найза борлигини сезди. Бошидаги фижимланган шляпаси сирғалиб кўкрагига тушди. У Луизага илтижо қилиб шундай деди:

– Отди... у мени отди... найзада... Ёрдам беринглар! – Луиза эшикни очмоқчи бўлиб тутқични бураганди, эшик очилмади. У эшикни очишга қанчалик ҳаракат қилмасин, бефойда эди. Шундан кейин эшик қулфланиб қолганига амин бўлди.

У югуриб дераза олдига бориб бақира бошлади.

– Мен бу ердаман, қулфланиб қолганман.

Мисс Гриншоу Луизага тескари ўгирилиб, қўшни хонадаги иш юритувчига шундай деди:

– Полицияга қўнфироқ қилинг... Телефон...

Мисс Гриншоу маст кишидек у ёқ-бу ёкка чайқала бошлади. Кейин эса бирданига ғойиб бўлди. Биринчи қаватдаги меҳмонхонада қанақа қилиб йиқилиб тушганига ақл бовар қилмайди. Бироздан сўнг чинни идишларнинг чил-чил синаётган овози эшишилди. Бирпастдан кейин эса жимиб қолди. Луиза ўтириб ўзича ўйлай кетди. Мисс Гриншоунинг боши айланган ва чой ичиладиган столга қоқилиб тушган.

Луиза кутубхонани бошига кўтариб ёрдамга чақира бошлади. Деразадан тушишнинг ҳеч иложи йўқ.

Нихоят, у эшикни уришдан тўхтаб, дераза олдига келди. Шу пайт қўшни хонадаги деразадан иш юритувчи бошини чиқарди.

– Мени қутқаринг, мисс Оксли, қулфланиб қолганман.

– Мен ҳам.

– Вой Худо, бу қандай даҳшат! Мен полицияга қўнғироқ қилдим. Мисс Оксли, бу ердаги телефонлар бир-бирига уланган, ҳеч фойдаси йўқ. Бизни ким қулфлади? Эшикни кимдир қулфлаганини эшитганим йўқ. Сиз-чи?

– Мен ҳам ҳеч нарсадан бехабарман. Худойим-еъ, энди нима қиласиз? Балки Альфред бизга ёрдам берар. – Луиза бор овози билан «Альфред, Альфред» дея бақирди.

– Альфред овқатлангани кетган бўлса керак. Соат неча бўлди?

Луиза соатига қаради.

– Ўн иккидан йигирма беш дақиқа ўтди.

– Жиноятчи қочиб кетиши мумкин. Тезроқ ҳаракат қилиш керак.

– Сиз ўйлайсизки... Сиз ўйлайсизки...

Луиза: «Сиз ўйлайсизки, у ўлганми?», – деб сўрамоқчи бўлди. Бироқ айтмоқчи бўлган гапи бўғзида қолаверди.

Кутишдан ўзга чора йўқ. У дераза токчасига чиқиб ўтирди. Бу кутиш унга жуда чўзилиб кетгандек туюлди. Уй муюлишида беўхшов темир қалпоқ кийган полиция констеблининг гавдаси кўринди. Луиза деразадан кўриниш берди. Буни полициячи пайқади-ю, юзини кафти билан қуёшдан бекитиб бақириб юборди:

– Бу ерда нима бўляпти ўзи? – қатъий сўради у. Луиза ва миссис Крессуэллар бу уйда рўй берган воқеалар хусусида тушунтиришга шошилишарди.

Констебл қалам ва ёзув дафтарини олиб ёза бошлади.

– Хоним, сиз иккинчи қаватга чиқиб қулфланиб қолибсиз-да! Испингиз нима эди, хоним?

– Бизларни кимдир қулфлаб қўйди. Тезроқ юқорига чиқинг-да, бизни қутқаринг!

Констебл эса жаҳл билан «Шошилманг», деди-ю, биринчи қаватдаги деразадан уй ичига кириб фойиб бўлди.

Вақт жуда секин ўтарди. Бир соатдан кейин машиналарнинг овози эштилди. Дақиқалар ичидаги полиция сержантини аввал миссис Крессуэлни, сўнгра Луизани озод қилди.

– Мисс Гриншоу-чи? – Луизанинг овози бўғилди. – Унга нима бўлди?

Сержант томогини қириб қўйди.

– Хоним, қайгули бўлса ҳам сизга айтиб қўйишим керак: Мисс Гриншоу вафот этди.

– Уни кимдир ўлдириб кетибди, – деди миссис Крессуэлл. – Яъни, қотиллик содир этилган.

Сержант ўзича тахмин қила бошлади:

– Балки, бу бахтсиз ҳодисадир? Ёки кимдир отганмикин?

Машинанинг овози эштилди.

Сержант: «Хойна-хой, врач келган бўлса керак», деди-да, пастга тушиб кетди.

Шундан сўнг Луиза ва миссис Крессуэлл зинапоядан пастга тушишди. Улар эшиқдан нотаниш йигит қириб келганини ва талмовсираб ўзини Луизанинг яқин танишидек кўрсатиб, овоздини Гриншоуга ўхшатиб: «Кечирасизлар, бу ерда мисс Гриншоу яшайдими?» – деб сўради.

– Марҳамат қилиб фамилиянгизни айтсангиз, – деди сержант унга яқинроқ бориб.

- Флетчер, – деди ёш йигит. – Аникрофи, Нэт Флетчер, мисс Гриншоунинг жияниман.
- Сизни тушундим, жаноб. Сизга қийин бўлди-да.
- Нима бўлди? – сўради Нэт Флетчер.
- Бахтсиз ҳодиса рўй берган. Холангизнинг кўкрагига ўқ тегибди.
- Холангизни ўлдириб кетишибди, ана, нима бўлди. Тушундингизми?

* * *

Инспектор Уэлш столга яқин ўтириб, хонадаги тўрт кишини кузата бошлади. У миссис Луиза Оксли кўрсатмасини яна бир бор тасдиқлаш учун Уэст олдига борди.

- Отди, у мени отди, дея ёрдам сўраганига аниқ ишонасизми?

Луиза бош иргади.

- Соат неча эди?
- Соатга орадан бироз вақт ўтгач қарадим. Ўн иккидан йигирма беш дақиқа ўтганди.
- Соатингиз тўғри юрадими?
- Ўша заҳотиёқ девордаги соатга ҳам қарандим.

Луизанинг бу сўзлари ҳеч қандай шубҳага ўрин қолдирмади.

Реймонд «Галати Гриншоу»да бўлган воқеалардан қисқача сўзлаб берди.

- Сизнинг бу кўрсатмангиз масалани ҳал қилиши мумкин, – деди Уэлш. – Мисс Гриншоу васиятномани миссис Крессуэлл фойдасига ҳал бўлишини сизга аниқ айтган, шундай эмасми? Худди шундай, агар борди-ю, у вафот этса, иш юритувчиси фойданинг маълум қисмини мисс Крессуэллга бермаслиги ҳам мумкин.

- У менга худди шундай деди.
- Миссис Крессуэллинг бу воқеалардан хабари борми? Сиз нима деб ўйлайсиз?

– Ха, албатта, у билади. Миссис Гриншоуга нотариал идора ходими васиятни гувоҳсиз қолдириш мумкин эмаслигини айтди. Миссис Крессуэлл гап нима ҳақида бораётганини жуда яхши биларди. «Биз у билан ҳаммасини келишиб қўйганмиз», – деганди мисс Гриншоу.

– Бу эса миссис Крессуэлл учун ҳам жуда қизиқ эди. Бунинг учун унда асос бор эди. Агар шундай бўлмаганида, у энг олдинги гумондорлардан бири ҳисобланади. Ёки у ўз уйида қамалиб қолмаганда ҳам уни эркак киши отган.

– Унинг ўз хонасида қамалиб қолгани аниқмикин?

– Ха, бўлмасам-чи! Уни сержант Кейли қутқарди. Эшикларда катта эски қулф солинган бўлиб, калит унда қолдирилганди. Албатта, эшикни ичкаридан қандайдир йўллар билан қулфлаш мумкин эди. Ишонч билан шуни айтишим мумкинки, миссис Крессуэлл уйда қамалиб қолган ва у хонадан чиқиб кетолмаган. Бундан ташқари, уйда на камон, на ўқ бор эди. Қизик, мисс Гриншоуни қандай отишганийкин, деразада ҳам бирон-бир тирқиши йўқ...

Уэлш бироз жим турди-да, сўнгра сўзида давом этди:

– Айтинг-чи, сизнингча, мисс Гриншоу бу хусусда бирор хийла ишлатиши мумкинми?

Мисс Марпл ўтирган жойида узоқ хаёлга чўмиб қолди.

– Демак, васиятнома миссис Крессуэлл фойдасига ҳал бўлмаган экан-да, – деди мисс Марпл.

Инспектор Уэлш бошини күтариб, унга ажабланиб қаради.

— Хоним, бу пухта режа асосида амалга оширилган иш, — деди у. — Ҳақиқатан ҳам миссис Крессуэлл васиятномада меросхўр сифатида тилга олинмаган.

Мисс Марпл бошини қимирлатди.

— Мисс Гриншоу унга бутун бойлигини қолдирмоқчи бўлган ва бунда ўзига тўла ишонган. Нима учун «Леди Одлининг сири»да васиятномани яшириб хурсанд бўлганини, мана, энди тушундик.

— Яхшиямки, мисс Оксли васиятноманинг қаердалигини айтиб берди, — деди инспектор. — Бўлмаса, биз анча овора бўлардик.

— Викториядаги кулгили воқеаларга ўхшайди, — деди Реймонд Уэст.

— У, энг аввало, ўз жиянига маблағ қолдириши керак эди, — деди Луиза.

Инспектор бошини қимирлатиб:

— Йўқ, бундай эмас, — деди. — Нэт Флетчерга бир тийин ҳам қолдирмаган. Гарчи бу ерга энди келган бўлсам-да, у хақдаги шов-шувлар менгача етиб келди. Мисс Гриншоунинг синглиси билан илгаридан муносабати яхши эмас экан. Маблағни ёш ва чиройли синглисига қолдирган. Йўқ, у ўз пулларини жиянига ҳам қолдирмаган... У барча маблағларни Альфредга мерос қилиб қолдирган.

— Боғон Альфредгами? — хайрон бўлиб сўради Жоан.

— Ха, миссис Уэст, Альфред Поллокка.

— Нега? — дея Луиза ҳаяжонланди. Мисс Марпл йўталиб тез гапирди:

— Балки мен адашаётгандирман, бу ерда бир сир борга ўхшайди. Оилавий можаро бўлса керак.

— Эҳтимол, шундайдир, — деди инспектор. Қишлоқда барчага таниш Томас Поллок, Альфреднинг бобокалони, кекса жаноб Гриншоунинг никоҳсиз туғилган фарзанди.

Бу гапни Луиза ҳаяжонланиб тасдиқлади. У Альфредни четлаб туриб уйга кирди ва кекса Гриншоунинг қиёфасини кўрди.

— Менимча, — деди мисс Марпл, — у ўйлаганки, Альфред бу уй билан фаҳрланган. Ҳаттоқи, бу хонадонда, агар хоҳласа, яшаши ёки дуч келган одамга сотиб юбориши мумкин эди. У актёр-ку, шундай эмасми? У ҳозир қайси пъесада роль ўйнаяпти?

«Кекса леди энди гап ташийди, шекилли», — ўйлади инспектор Уэлш. Кейин у шундай деди:

— Менимча, хоним, улар бу мавсумда Жеймс Бэррининг пеъсасини қўйиши керак.

— Бэрри?! — ўзича ғудранди мисс Марпл.

— Ҳа, «Аёл нимани ҳам биларди», — инспектор шундай деб бирдан тутақиб кетди. — Пъесанинг номи шундай. Мен буни ўзимча тўқиганим йўқ. Ўтган ҳафта хотиним кўрган экан, — қўшиб қўйди инспектор.

— Бэрри жуда кўп ажойиб пъесаларни ёзган, — деди мисс Марпл. — Бэрриевлик қадрдон дўстим генерал Истерли билан «Кичкина Мэри»ни кўргани борганимизда уятдан ерга кириб кетгудек бўлдик.

«Кичкина Мэри» пъесаси унга нотаниш бўлган инспектор ўзини йўқотди.

Мисс Марпл бир талай исмларни санаб ташлади. Инспектор эса ўзини бутунлай йўқотиб қўйганди.

— У «Гўзал Кричтон», «Роуз Мэрри» каби пъесаларни ёзган. Жуда яхши эслайман. Мен бу

асарларни кўрганимда қаттиқ ҳаяжонланганман, ҳатточи кўзимдан ёш ҳам чиқиб кетган. «Кўча зодагонлари» пъесаси менга унчалик ёқмайди. Бироқ «Шумшук қизнинг бўсаси» пеъсаси ниҳоятда яхши ёзилган.

Инспектор Уэлшнинг спектакль кўришга тоқати йўқ эди. У гапни бошқа ёқقا буриб ажабланиб:

– Қизиқ, – деди. – Васиятни унга қолдирганини Альфред Поллок билармикин? Унинг бундан хабари бор. Альфред Поллок Борхэмдаги камончилар клубининг аъзоси. Бунинг устига у жуда яхши мерган ҳам.

– Ҳаммаси тушунарли, – деди Реймонд Уэст. – Эшиклар қандай қулфланганлигини энди тушундим. У бу икки аёл қайси хонадалигини билган.

Инспектор унга ачиниб қараб, чуқур хўрсинди-да, шундай деди:

– Айборни аниқлаш керак.

Реймонд Уэст эса:

– Қуролли кишилар хар доим шубҳали туюлади, – деди.

– Эҳтимол, шундайдир, жаноб, – деди инспектор Уэлш. – Сиз жуда ақлли одамдай фикрлайсиз.

– Мен детектив романларимда бундай кўрқинчли воқеаларни тасвирламайман, – деди Реймонд Уэст.

– Шуни айтиш керакки, алибилар шубҳали, – давом этди инспектор Уэлш, – аммо афсуски, фактлар исботланмай қолмоқда.

У жимиб қолди.

– Бизнинг уч гумондоримиз бор. Улар ўзлари сезмаган холда жиноят содир этилган жойга бо-

риб қолишган. Ҳар қандай шубҳа-гумонларга бо-рилмасин, улар жиноят қилишмаган кўринади. Мен иш юритувчининг жияни ҳакида айтгандим. Нэт Флетчер мисс Гриншоу ўлдирилган пайтда бензин олаётган бўлган. Ундан кейин кўчани қандай кесиб ўтишни сўраган. Альфред Поллокдан бошқа ўн икки нафар одам ўн иккidan йигирма дақиқа ўтганда «Кучук ва ўрдаклар» қаҳвахонасиға бориб, одатдагидек, нон, дудланган балиқ ва пиво ичишиб, роппа-роса бир соат ўтиришган. Буни улар онт ичиб айтишяпти.

Бу гапдан сўнг ўртага узоқ жимлик чўқди. Реймонд бошини мисс Марпл томон бурди. У ўз курсисида ястаниб олиб чукур ўйга толганди.

– Жейн хола, энди барча умидимиз сиздан, – деди у.

– Мен қанчалик ҳақлигимни билолмадим-у, аммо барчаси ойдай равшан эмаслигини англайпман, – деди мисс Марпл. – Қотиллик, жаноб Реймонд, бу сизга ўйинчоқ эмас. Бечора мисс Гриншоу бундай бемалол ўлишини ҳеч қачон билмаган. Бу режа асосида шафқатсизларча содир этилган аянчли ўлим. Шу боис ҳам бу жиноят билан ҳазиллашиб бўлмайди.

– Кечиринг, – деди Реймонд. – Мен сиз ўйлаганчалик бафритош эмасман. Бу даҳшатли фожиани унутиш учун шундай қилишга тўғри келади.

– Менимча, бу мисли кўрилмаган жиноятга ўхшайди, – деди мисс Марпл. – Балки, мен адашаётгандирман.

– Биз уни умуман билмас эканмиз, – деди Жоанна.

– Мана бу ҳақиқат, – деди мисс Марпл. Хоним, сиз уни билмас экансиз.

– Тұғри, мен уни яхши билмайман. Реймонд да билиш мүмкін бўлган сухбат ёзилган тасма сақланган. Луиза эса у билан икки кун илгари танишган.

– Жейн хола, – сухбатта Реймонд аралашди. – Бу ҳақда сизнинг фикрингиз қандай? Сиз эътиroz билдиrmайсизми, инспектор?

– Йўқ, – жилмайиб жавоб берди инспектор.

– Хўш, дўстим, кекса ледини ўлимидан манфаат топадиган уч инсон бор. Ўшалардан бирор таси бу қотилликни содир этган. Иш юритувчи мисс Гриншоуни ўлдириши унчалик ишонарли эмас. Чунки унинг ўзи ҳам хонасида қулфланиб қолган-ку! Бундан ташқари, хўжайнинг айтишича, уни эркак киши отган. Боғбон ўша дамда «Кучук ва ўрдаклар» қаҳвахонасида бўлган. Жияни эса бензин олишга кетганди.

– Шубҳасиз, хоним, ҳаммаси тўғри, – деди инспектор.

– Ушбу фактларга тўла ишониб бўлмаса-да, бу ишни бегона одам қилиши мумкин эмас.

– Инспектор худди ана шуни билмоқчи, – деди Реймонд Уэст.

– Биз уйдаги барча нарсаларни синчиклаб текшириб кўрдик, – деди ҳазин оҳангда мисс Марпл. – Яхшиси, гумондорларнинг хатти-ҳаркатлари ўрнини ўзгартириб кўрсак-чи? Шунда қандай ўзгариш бўларкин?! Балки, ана ундан кейин қотилни аниқлармиз?

– Сизнингча, қотиллик содир этилганда, соатлар тўхтаб қолган, шундайми? – деди Луиза.

– Йўқ, азизам, мен ундей демоқчи эмасман, – деди мисс Марпл. – Менимча, қотиллик сиз ўйлаган вақтда эмас, бошқа пайтда содир этилган.

– Мен буни кўрганман, – деди ҳаяжонланиб Луиза.

– Биласизми, азизам, менинг тахминимча, сиз буни кўришингиз керак эди. Шунинг учун ҳам бу ишни сизга топширишди.

– Сиз нимани назарда тутяпсиз, Жейн хола?

– Ҳа, азизам, менга ҳаммаси даҳшатли түюляпти. Мисс Гриншоу чиқимни ёқтирмасди. Аммо у сизни бу жойга хизматга ёллашга тўла рози бўлади. Менимча, кутубхонанинг учинчи қаватида юзингизни деразага қаратиш олдиндан ўйлаб қўйилган. Чунки сиз бизнинг бошимизни қотираётган, тушуниш мураккаб, содир этилиши аниқ бўлган қотилликнинг ягона гувоҳи бўлишингиз лозим эди-да.

– Сиз мисс Гриншоуни ўлдириш олдиндан режалаштирилган, деб ўйлайсизми? – сўради ишонмайроқ Луиза.

– Азизам, сиз мисс Гриншоуни билмас экансиз. Реймонд бир неча кун илгари уни кўрганини айтияпти. Бизда шундан бошқа хеч қандай маълумот йўқ. Бу гапда жон борга ўхшайди. Унинг эгнида гулли эски кўйлак, бошида похол шляпа, соchlари тўзғиган эди. Бу Реймонд берган маълумотларга мос келади. Кўряпсизми, бу икки аёл ёши, бўйи ва бошқа жиҳатлари билан бир-бирига жуда монанд. Мен иш юритувчи ва мисс Гриншоуни айтипман.

– Аммо иш юритувчи семизроқ, озгина тўлишганроқ, – деди Луиза.

Мисс Марпл йўталиб қўйди.

– Бу фикрингиз унчалик тўғримас, мен уларни дўконда ўз кўзим билан кўргандим. Ҳозир эса ҳар ким ўз тасаввурича сўзлаяпти.

– Сиз нимани назарда тутяпсиз? – сесканди Реймонд.

– Менинг хаёлимга шундай фикр келди: иккита ролни битта актриса ўйнаши мумкин. Буни Луиза яхши билади. Дарвоқе, Луиза, эрталаб қаҳва келтирди, деб айтдингиз-ку! Актёрлар жуда эпчил бўлишади. Улар сониялар ичида кийимни алмаштириб, саҳнада ролни ижро этаверишади.

– Жейн хола, мисс Гриншоу сиз ишга келганингизда вафот этганмиди?

– Йўқ, у ҳали тирик эди. Мен унга наркотик таъсир қилган бўлса керак, деб ўйлагандим. Бундай найранглар хўжалик бекасига ўҳшаганларга ҳеч гап эмас. У сизлар билан бирга келиб, жиянига қўнфироқ қиласди. Сўнгра белгилаб қўйилган тушликка таклиф этади. Ақли бор одам буни тушунади. Мисс Гриншоу ҳам, Альфред ҳам уйда йўқ эди. Агар ёдингизда бўлса, сиз ишлаётган вақтда ёмғир ёғаётганди. Мисс Гриншоу эса уйда эди. Альфреднинг дастидан бу уйга ҳеч ким кирмасди. Ўша куни эрталаб мисс Гриншоу боғда хиёбонни супураётганди. У боғдаги ишларга қарашишимни истарди.

– Сизнингча, мисс Гриншоуни Крессуэлл ўлдирганми?

– Менимча, воқеа бундай бўлган: иш юритувчи сизга қаҳва келтирган, у ердан чиқиб, сизни кутубхонада қулфлаган ва меҳмонхонада бехуш ётган мисс Гриншоуни уйдан ташқарига судраб

олиб чиққан. Сүнгра эса мисс Гриншоуга ўхшаб кийиниб бокқа чиққанда, сиз уни кўргансиз. У қўлида ёйни ушлаб, гўёки ўзини бўғаётгандек қилиб кўрсатиб, уйга қараб чопган. Одамлардан ёрдам сўраган. Иш юритувчидан гумонсирашлари учун «У мени отди», деган, аслида, унинг ўзи бу ишни амалга оширган. Иш юритувчини кўргандек дераза олдига борган. Кейин меҳмонхона томон юргурган. Идиш-товоқ турган стол устидан сакраб ўтиб зинапоядан тушган. Тезда ясама сочини кийиб, дақиқалар ичида деразадан сакраб, уйга кириб олган-у, сизга ўзини қулфланиб қолганини айтган.

– Ростдан ҳам у қулфланиб қолганди, – деди Луиза.

– Мана шундай қалтис вазиятларда полициянинг ўрни яққол сезилади.

– Қайси полициячи ҳақида гапиряпсиз?

– Сиз тўғрингизда. Воеа содир бўлган жойга қачон ва қандай етиб келдингиз?

Инспекторнинг боши қотганди.

– Мисс Гриншоунинг иш юритувчисига ўн иккidan йигирма тўққиз дақиқа ўтганда мисс Крессуэлл эрини отишгани ҳақида қўнфироқ қилишди. Мен ва сержант Кейли зудлик билан ўн икки-ю ўттиз бешда воқеа содир бўлган жойга етиб бордик. Шунда мисс Гриншоунинг ўлиб ётганини, икки хонимни эса ўз хонасида қулфлоғлик эканини кўрдик.

– Ана шундай гаплар, азизам, – дея мисс Марпл Луизага юзланди. – Сиз кўрган констебль полицияда ишламас экан. Сиз шу ҳақда лоақал бирор маротаба ҳам эслаб кўрдингизми? Бизнинг конун ҳимоячиларига хурматимиз баланд.

– Аммо гап қандай полициячини хурмат қилишда. «Қүёшни ўпиб» спектаклида полициячи ролини ўйнаш учун Нэт Флетчер костюми керак бўлади. У ушбу спектаклда роль ўйнаётганда, бензин қуийиш шохобчасидан ўтиши лозим эди. У ўша ердан ўта туриб соат неча бўлганини сўрайди. Соат ўн иккidan йигирма тўққиз дақиқа ўтган бўлади. У полициячи кийимини кийиб олади-да, ўз ролини ўйнай бошлайди.

– Наҳотки?

– Кимдир эшикни қулфлаши, кимдир эса найзани мисс Гриншоунинг бўйнига тираб туриши керак эди. Аммо уни отмаслиги лозим эди. Бунинг учун эса куч керак бўлади.

– Сизнингча, улар битта жойда бўлишганми?

– Ха, худди шундай. Она ва ўғил.

– Мисс Гриншоунинг онаси аллақачон ўлган-ку!

– Шундайку-я, лекин бунда ҳам менинг шубҳам бор. Жаноб Флетчер икки марта уйланган. Менимча, бу ишда унинг ҳам қўли бор. Яна шуни айтмоқчиманки, унинг ўғли вафот этган, жияни деб юргани унинг иккинчи хотинидан, у бунга ҳеч қандай қариндош ҳам эмас. Бу аёл ўрнини эгаллаб, барчасини ўз кўзи билан кўрмоқчи бўлади. Ҳаттоқи, ҳазиллашиб полициячи кийимида бўлиши ҳам мумкин, дейди. Эслайсизми, полициячи кутаётганини айтганди. Ўйлашимча, мисс Гриншоу бу ёлғондан шубҳаланган ва уни қабул қилишдан бош тортган. Агар у васиятнома қолдирмай вафот этган тақдирда ҳам у меросхўр бўлиб қолаверарди. Билишимизча, у васиятномани иш юритувчига қолдирган. Бу борада унинг омади чопган.

– Ўқ нега керак бўлдийкин? – ўйланиб қолди Жоан.

– Албатта ўйнаш учун эмас, азизам! Альфреднинг омади юришмагани шундаки, у камончилар клубида бўлган ва ўн иккidan йигирма дақиқа ўтганда ресторонда ўтирган. Шунинг учун уни айблашга тўғри келяпти. У хар доим белгилаган вақтидан олдин борарди. Ҳа, бу жуда хунук иш.

Инспектор томоғини қириб қўйди.

– Хоним, бундай тахминларингиз таажжубли, – деди. – Мен ҳаммасини қайта текшириб чиқаман...

* * *

Мисс Марпл ва Реймонд Уэст боғдаги қиялик йўл ёқасида ҳар хил ўсимликлар билан тўлдирилган сумкага қараб туришарди.

Мисс Марпл сўз бошлади:

– Қизилча, қўнғироқча, тош майдалагич... Ҳа, менга бошқа ҳеч қандай далиллар керакмас. Бу жойни кеча эрталаб кимdir ўтоқ қилди. Боғбон бўлмагани учун гулларни томири билан узиб ташлаган. Энди ҳаммасини тушуняпман. Дўстим Реймонд, мени бу ерга олиб келганинг учун раҳмат сенга. Ўзим ҳам бу жойни жуда жуда кўргим келганди.

Ҳозир улар бошларини эгиб «Фалати Гриншоу»нинг чалкаш ва аянчли тақдиридан фазабланниб, жаҳллари чиқиб турарди.

Қарама-қарши томондан йўтал овози келди ва улар бараварига қайрилиб қарашибди. Қаддиқоматлари келишган ёш йигитлар ҳам ажойиб кошонага ҳайрат-ла боқиб туришарди.

– Ақлни шоширадиган, маҳобатли, гүзал, улкан кошона, – деди йигитлардан бири. – Айтишларича, бу кошона ўз даврида энг улкан иншоот бўлган экан. Лотереяга катта ютуқ чиқса, шундай улкан қаср қуарар эдим.

Альфред уялинқираб кулди ва шамолда тўзғиган соchlарини тўғрилаб қўйди.

– Энди, бу ҳақда гапирсам бўлаверади. Ушбу иншоотни бобокалоним қурган, – деди Альфред Поллок. – Зоро, бу жойга «Фалати Гриншоу» номи берилган бўлса-да, уй барибир асл зодагонларга тегишли!





ЙЎҚОТИЛГАН КАЛИТ

– Хах, ярамас! – жиғибийрон бўлди Пат.

Қиз қовоғини қаттиқ уйган ҳолда «Театр сумкаси» деб ном кўйган ипак халтачасини обдан қоқди. Икки йигит ва бир қиз хавотирланиб уни кузатишарди. Улар Патриция Гарнет квартираси эшиги олдидаги зинапоя майдончасида туришарди.

– Фойдаси йўқ, – деди ниҳоят Пат. – Бу ерда йўқ. Энди нима қиласиз?

– Квартиранинг калитисиз нима қиласиз энди? – тўнғиллади ўрта бўйли, кенг елкали, мовий кўзли Жимми Фолкнер.

Пат жаҳли чиқиб унга ўгирилди:

– Ҳазиллашма, Жимми, масала жиддий.

– Яна бир қараб кўр-чи, Пат, – деди Донован Бейли. – Калит, сумкангда бўлиши керак.

Патнинг ёқимли, бироз чўзиб гапириш одати унинг қорача юзига жуда ҳам мос тушарди.

– Калитни ўзинг билан бирга олганмидинг, ишқилиб? – деб сўради Милдред Хоуп.

– Албатта олгандим, – жавоб берди Пат. – Чамамда, биронтангизга берганман. – У йигитларга синовчан тикилди. – Доновандан калитни олволишини сўрагандим.

Бироқ айбни бировга тўнкаш осон бўлмади: Донован ўзига қўйилган айбни рад этди, Жимми эса уни қўллаб-кувватлади.

– Сумкага калитни солганингни ўзим кўргандим, – деди Жимми.

– Унда сумкамни кўтара туриб кимдир тушириб қолдирган. Ўзим икки маротаба қўлимдан тушириб юбордим.

– Икки марта! – Донован унинг ортидан қайтарди. – Ҳа, сен сумкани камида ўн мартадан кам туширмадинг, кулай пайт туғилиши билан унутиб қолдирганингни ҳисобламаганда.

– Бор ашқал-дашқалингни йўқотмаганингга ҳайронман! – дея Жимми кулимсиради.

– Энг ёмони – биз уйга энди қандай кирамиз? – илжайди Милдред.

Милдред фаросатли қиз бўлгани сабабли доимо асосий гапни гапирав, бироқ доимо қандайдир ҳангомаларга учрар, кўнглига келган ишни қиласверадиган довдир-совдир Пат сингари жозибали эмасди.

Бир муддат тўртови ҳам ёпиқ эшикка жимгина қараб қолишиди.

– Дарбон ёрдам беролмасмикан? – таклиф қилди Жимми. – Унда универсал калит ёки шунга ўхшаш нарса бормикан?

Пат бошини чайқади. Калит бор-йўғи иккита эди. Биттаси қуфланган квартиранинг ошхонасида осиғлиқ, иккинчиси эса мана шу бадбаҳт сумкада бўлиши керак эди.

– Квартира биринчи қаватда бўлгандаиди! – дея Пат гапни чўзди. – Ойнани синдириб ошиб тушардик... Сен уриниб қўришни хоҳламасдинг-а, Донован?

Донован мулойимгина, бироқ қатъий рад этди.

– Квартира бешинчи қаватда, бу ҳазилкам иш эмас, – сўз қотди Жимми.

- Ўт ўчириш нарвони-чи? – сўради Донован.
- Унақаси йўқ, – деди Пат.
- Бўлиши керак, – деди Жимми. – Олти қаватли уйларда ўт ўчириш нарвони бўлиши керак.
- Биласанми, бўлиши керак дейиш билан бир нарсага эришолмаймиз, – жавоб берди Пат. – Мен ўз уйимга қандай кирай энди?
- Бу ерда йўқми – ҳалиги нима эди? Тўқмоқланган гўшт ва брюссел карамини дўкондорлар қандай қилиб квартирага етказади? – сўради Донован.
- Ҳа, озиқ-овқат учун юккўтаргичми? – сўзни илиб кетди Пат. – Бироқ бу бор-йўғи симга уланган сават-ку. Шошманглар, билдим! Кўмир лифтидан фойдаланиш мумкин.
- Мана бу яхши фикр, – деди Донован.
- Милдред шубҳа-гумон билан гап қистирди:
- Патнинг ошхона эшиги ичкаридан қулфланган бўлса-чи?
- Милдреднинг тахмини дархол рад этилди.
- Фақат Пат ошхонасида эмас, – деди Жимми. – Пат ҳеч нарсани қулфламайди.
- Мен ҳам эшик қулфланган деб ўйламайман, – тасдиқлади Пат. – Бугун эрталаб чиқинди челакни ташқарига қўйгандим, эшикни қуфламаганимга ишончим комил. Шундан бери эшикка яқин ўйламадим.
- Хўш, – деди Донован, – бу далил бизга асқотиши мумкин. Шунга қарамай, азизам Пат, ижозат бер, бундай эҳтиёtsизлик туфайли ўғрилар чангалида қолиш хавфи борлигини таъкидлай.
- Пат унинг огоҳлантиришига ҳеч қандай эътибор бермади.

– Кетдик, – бақирди у ва пастга қараб йўналди.

Қолганлар тезда ортидан эргашди. Пат ҳамроҳларини зинапоя тагидаги болалар аравачасига тўла, коронғу, хилват жойдан олиб ўтиб, ертўла эшигини очди. Улар чиқинди тўла челак турган лифт олдига яқинлашдилар. Донован челакни четга суриб, очиқ лифтга кирди ва бурнини жийирди.

– Бироз хид келяпти, – таъкидлади у. – Майли, ҳечқиси йўқ. Бу қалтис саёҳатга ўзим киришайми ёки камина билан бирга кимдир чиқадими?

– Мен сен билан, – деди Жимми. – Фақат лифт мени ҳам кўтаролса бўлгани.

– Сен бир тонна кўмирчалик оғир эмассанку, – деди узунлик ва оғирлик тизими бўйича унчалик билимли бўлмаган Пат.

– Лифт кўтароладими-йўқми, ҳозир аниқлик киритамиз, – деди хурсанд бўлиб Донован ва арқонни ушлади. Платформа гичирлаб, шифирлаб, Жимми билан Донован кўздан фойиб бўлишди.

– Бу лифт деганлари жуда баланд овоз чиқараркан, – деди Жимми улар кўтарила туриб бутунлай қоронғуликда қолганларидан. – Бошқа квартирада яшовчилар нима деб ўйлашади?

– Арвоҳ ёки ўғри, – жавоб берди Донован. – Арқон ёрдамида кўтарилиш осон эмас. Фрайаз Меншенз¹ эшик қоровулининг иши мен ўйлагандан кўра оғирроқ экан. Қулоқ сол, Жимми, қаватларни санаяпсанми?

– Вой Худо, бутунлай унугибман!

– Майли, мен ўзим санадим, адашмаймиз. Ҳозир тўртингиздан ўтдик. Кейингиси – бизники.

¹ Фрайаз Меншенз – киммат квартирали кўп қаватли бинолар.

– Шунда Пат эшикни қулфлаб олган бўлади, – тўнгиллади Жимми.

Улар беҳудага хавотир олишганди. Ёғоч эшик биринчи тегинишдаёқ очилиб кетди, Донован, унинг орқасидан эса Жимми қоп-коронғу ошхонага қадам қўйишиди.

– Бундайин тунги хавфли ишда бизга ёритқич аскотарди, – деди Донован ва фикрини ойдинлаштириди: – Патни биламан, унинг барча нарсалари полга сочиб ташланган. Ёққичга етиб боргунча кўп идишларни синдириб юборамиз. Мен чироқни ёқмагунимча, сен жойингда тур.

У пайпасланиб секин-аста ошхона томон юра бошлиди. Биқини столнинг қиррасига урилганда бўғиқ овозда: «Хаҳ ярамас», – деди. Ниҳоят ёққичгача етиб борди ва Жимми яна бир бор коронғуликдан «Хаҳ ярамас!» деган сўзларни эшиитди.

– Нима бўлди?

– Чироқ ёқилмаяпти. Лампочка куйганга ўхшайди. Бир дақиқа тўхтаб тур, меҳмонхона чирофини ёқаман.

Меҳмонхонага олиб киравчи эшик йўлакнинг бошқа томонида эди. Жимми Донован эшикни қандай очганини, сўнgra бўғиқ сўқинганини эшиитди. У секин ёnlамасига ошхонани кесиб ўтди.

– Яна нима бўлди?

– Билмайман. Кечаси уйни кимдир сехрлаб қўяётгандек: стол-стуллар, барча нарсалар кутилмаган жойдан чиқиб қоляпти. Лаънати! Яна нимагадир урилдим!

Аммо бахтига Жимми ёққични пайпаслаб топди. Чиқиллаган товуш эшитилди. Чироқ ёнди, йи-

гитлар сассиз қўрқувдан бир-бирларига анқайиб қолишиди.

Улар турган хона сира Патнинг меҳмонхонаси эмасди. Улар квартирини адаштиришганди.

Биринчи навбатда кўзга ташланган жиҳати – бу жой Патнинг хонасига нисбатан ўн баробар зич тарзда жиҳозлар билан тўлдирилганди. Дононинг стол ва стулларга тўқнашиб кетишидан таажжублангани сабаби энди ойдинлашди. Хонанинг ўртасида катта думалоқ стол турар, деразада эса ёронгулли тувак бор эди. Умуман олганда, ёшлар квартира эгасига бу ерга кириб қолганлари сабабини тушунтириш осон бўлмаслигини англазди. Ҳали ўзларига келмай туриб, стол устида бир даста хатларга кўзлари тушди.

– Эрнестина Грант хоним, – Донован стол устидан хатжилдни олиб хўрсинди. – Эй Худойим, ўзинг асра! Нима деб ўйлайсан, у бу ерга кирганимизни эшитдимикин?

– Унинг эшитмай қолгани мўъжиза, – пи-чирлади Жимми, – қанча сўқиндинг, мебелларни синдирединг. Барча азиз-авлиёлар ҳакқи, бу ердан тезроқ кетайлик!

Улар шоша-пиша чироқни ўчиришиди ва оёқ учida лифтга қайтишиди. Йигитлар ҳеч қандай муаммосиз лифтга етиб олиб, оёқлари остида лиқиллаб турган лифт платформасини ҳис этишганда Жимми енгил нафас олди.

– Бунчалик қаттиқ ухлаб ётган аёл менга ёқмаслиги мумкин эмас, – деди у аёлни мақтаб. – Нима бўлганда ҳам Эрнестина Грант хонимнинг маъқул томонлари ҳам бор.

– Нима учун қаватда адашганимиз энди тушунарли бўлди, – деди Донован. – Биз биринчи қаватдан эмас, ертўладан кўтарилдик-ку, ахир.

У яна арқонга осилди ва лифт бирпасда ке-йинги қаватга күтарилди.

– Бу сафар янглишмадик.

– Шундай деб умид қиласан, – деди Жимми яна-тағин зулматга шўнгишар экан. – Яна бир шундай зарба бўлса, асабларим дош беролмайди.

Аммо, бу сафар барчаси ортиқча оворагарчиликсиз амалга ошди. Чироқни ёқишлари билан Патнинг ошхонасида пайдо бўлишди. Бир дақиқадан сўнг эшикни очишиди ва ташқарида кутаётган қизлар кириб келишди.

– Жуда узок йўқ бўлиб кетдинглар, – деб минфирилади Пат. – Милдред иккимиз кўп кутиб қолдик.

– Англашилмовчилик юз берди, – деди Донован. – Сал қолса бизни хавфли жиноятчилар сифатида полиция маҳкамасига олиб боришлари мумкин эди.

Пат меҳмонхонага ўтди ва чироқни ёқиб, ўзини диванга ташлади. У Донованнинг гапларини қизиқиши билан тинглади.

– У сизларни тутиб олмаганидан хурсандман. У вайсақи кампир эканлигига аминман. Бугун тонгда ундан кичкина хат олдим – менга нимадандир шикоят қилиш учун учрашмоқчилигини айтибди, менимча, пианино чалишим унга халал беряпти. Пианино товушини ёқтирмайдиган инсонлар кўп қаватли уйларда яшамаслиги керак. Донован, менга қара, қўлинг тилиниби, бармоқларинг қон, ювиб ташла.

Донован ажабланиб қўлига қаради ва индамай хонадан чиқиб кетди. Бироздан сўнг Жиммини чақирди.

– Нима бўлди? – сўради у. – Қаттиқ ярала-нибсанми?

– Хечам яраланганим йўқ, – жавоб берди Донован.

Унинг овози шунчалик ўзгардики, ваннахона-га кирган Жимми унга анқайиб қолди. Донован унга ювилган кафтини кўрсатди ва Жимми ҳеч бир кесилган жойни кўрмади.

– Фалати, – деди у қовоғини солиб. – Лекин қон кўп эди. Қаердан юқдийкин?

Кейин тўсатдан фаросатли дўсти аллақачон тушуниб етган нарсани у ҳам англаб этди.

– Вой Худойим-еъ! – хитоб қилди у. – Кон... нариги квартирадан. Бу қон эканлигига ишон-чинг комилми? Балки бўёқдир?

Донован бош силкиди.

– Йўқ, бу қон эди!

Улар бир-бирига қарашди. Шу пайтда улар-нинг миясига бир хил фикр келди. Жимми би-ринчи бўлиб сўз қотди.

– Менга қара, – қийналиб гапиради у, – сен нима деб ўйлайсан, биз яна... пастга тушиб... гап нимадалигини аниқлашимиз керак эмасмикан?!
Ҳаммаси жойидалигини текшириш лозиммасми.

– Қизлар нима қилишади?

– Уларга оғиз очмаймиз. Пат ошхона пеш-бандини тақянти – ҳаммамизга қўймоқ тайёрлаб бермоқчи. Йўқлигимизни пайқагунларича қайтиб келамиз.

– Майли, кетдик, – рози бўлди Донован. – Хоҳламаяпман-у, аммо пастга тушмасак бўлмайди. Умид қиласманки, у ерда ҳеч бир ёмон нарса со-дир бўлмаган.

Улар лифтга чиқишиди ва қуи қаватга тушиши. Қийинчиликсиз квартирага кириб, чироқни ёқишиди.

— Менимча, айнан худди шу ерда... қонга чапландим, — деди Донован. — Ахир, ошхонада ҳеч нарсага тегинмагандим.

Донован иккалови ҳамма жойни қараб чиқишиди. Икковининг ҳам қовоғи уйилган. Кўринишдан барчаси саранжом-саришта, гўёки зўравонлик ва қон тўкилиши ҳақида гап бўлиши мумкин эмасдай.

Бирдан Жимми даҳшатдан сесканиб кетди ва шеригининг қўлидан ушлади:

— Қара!

Донован Жиммининг қалтираган қўллари ишора қилган томонга қаради ва бақириб юборди. Пишиқ чивик газламали оғир парда остидан лаклари ёрилган туфлидаги аёл кишининг оёғи чиқиб турарди.

Жимми парда олдига келди ва тезлик билан очди. Полда акашак бўлиб аёл жасади ётарди. Ёнгинасида ёпишқоқ кўлмак корайиб турибди. Аёл жон берган — бунга шубҳа йўқ. Жимми жасадни кўрмоқчи бўлди, аммо Донован уни тўхтатди.

— Яхшиси, тегма. Полиция келмагунча унга яқинлашиш мумкин эмас.

— Полиция? Ха, албатта. Хунук иш-а, Донован? Бу ким деб ўйлайсан, Эрнестина Грант хонимми?

— Шунақага ўхшайди. Нима бўлганда ҳам, агар бу уйда яна кимдир бўлса, у ҳайратланарли даражада хотиржамликни сақлаяпти.

— Энди нима қиласиз? — сўради Жимми. — Югуриб бориб полицияни чақирамизми ёки Патнинг уйидаги телефондан хабар берамизми?

– Ўйлашимча, қўнфироқ қилганимиз маъқул. Юр, энди эшикдан чиқсан ҳам бўлади. Туни билан бу бадбўй лифтда тушиб-чиқиб юрмаймиз-ку.

Жимми рози бўлди. Эшикка етиб боришганда, Жимми тўхтади ва иккиланиб қолди.

– Шошма. Полиция етиб келгунча биттамиз шу ерда қолиб қоровуллик қилишимиз керак эмасми?

– Ҳа, гапинг тўғри. Агар сен қолсанг, мен юқорига чиқиб, қўнфироқ қиласман.

Донован зинапоядан югуриб чиқиб, эшик қўнфирофини босди. Эшикни қизаринқираган Пат очди. У пешбанд тақиб олган бўлса-да, малоҳатли кўринарди. Қизнинг кўзлари мошдек очилди.

– Сен? Бироқ қандай қилиб... Нимадир юз бердими?

Донован қизнинг кўлини секингина ушлади.

– Ҳаммаси жойида, Пат... Фақат... биз пастки қаватда нохуш нарсани аниқладик. У ерда бир аёл ўлиб ётибди.

– Вой! – кўркувдан бир зумга қизнинг тили калимага келмай қолди. – Қандай даҳшат! Юрак хуруж қилган ёки шунга ўхшаш нимадир бўлганимкин?

– Йўқ. Кўринишидан ... қисқаси, бу кўпроқ қотилликка ўхшайди.

– Вой, Донован!

– Тушунаман, бу жуда нохуш ҳолат.

Донован ҳали ҳам унинг қўлини ушлаб турарди. Қиз қўлини тортиб олмасди, ҳатто озгина йигитга яқинлашгандек эди. Дилрабо Пат! Донован уни қанчалик севарди! У ҳам Донованга бефарқ эмасмикин? Баъзида ундан эмас, деб ўйларди, гоҳида кўркардики, Жимми Фолкнер...

Пастда қолган Жиммини ўйлаб, виждон азобини хис этди.

– Пат, азизам, биз полицияга қўнфироқ қилишимиз керак.

– Месье ҳақ, – Донованнинг елкаси оша овоз эшитилди. – Уларнинг келишини кутар пайтимизда, балки сизга фойдам тегиб қолар?

Донован ва Пат эшик олдида тик туриб сухбатлашишарди, ушбу сўзларни эшитиб зина-поя майдончасига қарашди. Бир неча пиллапоя юқорида бир киши турарди. У пастга тушди ва улар қархисида намоён бўлди. Икковлари жойларидан қимирламай, жанговар тарзда мўйлови осилган ва тухум бош, ўрта бўйли эркакка тикилишди. Унинг эгнида ажойиб халат ва оёғида гуллик уй туфлиси бор эди. Эркак Патга одоб билан таъзим бажо қилди.

– Мадемуазель, – деди у, – мен, худди сиз каби, балки биларсиз, сиздан юқори қаватдаги квартирани ижарага олганман. Менга баландда яшаш, айниқса, Лондоннинг гўзал ва кенг манзараси ёқади. Мен О'Коннор исми билан квартирани ижарага олганман, бироқ мен ирландиялик эмасман. Менинг фамилиям бошقا. Шунинг учун хизматимни таклиф этишга жазм этдим. Ўтиниб сўрайман.

Нотаниш киши ташриф қофозини тантанали равишда чиқариб Патга узатди.

– Месье Эркюль Пуаро! Ў! Ўша месье Пуароми? Таниқли детективми? Сиз ҳақиқатан ҳам бизга ёрдам берасизми?

– Ҳа, менинг мақсадим ҳам шундай, мадемуазель. Бундан анча илгарироқ ҳам ўз ёрдамимни таклиф қилмоқчийдим.

Пат унга ҳайрон бўлиб қараб қолди.

– Квартирангизга қандай киришни муҳокама қилаётганингизни эшитгандим. Қулфни очадиган мосламаларни танлашга жуда устаман, шубҳасиз, эшигингизни оча олардим. Аммо камина ўз хизматимни таклиф этишга жазм этмадим, чунки сизда менга нисбатан жиддий шубҳа пайдо бўларди.

Пат кулиб юборди.

– Энди, месъе, – Пуаро Донованга мурожаат қилди у, – сиздан ўтиниб сўрайман, бориб полицияга қўнғироқ қилинг. Мен пастки қаватга тушаман.

Пат Пуаро билан пастки қаватга тушиб кетиши. Улар Жиммининг соқчилик қилиб турганига гувоҳ бўлиши. Пат Пуарони таништирди. Жимми, ўз навбатида, Донован билан бу уйга қандай тушиб қолишганини сўзлаб берди. Изқувар диққат билан тинглади.

– Сиз ошхонанинг эшиги ёпиқ эмасди, деб айтдингиз? Шунда ошхонага ўтдингиз, аммо чироқ ёқилмади. – Сўзлашда давом этиб, Пуаро ошхонага кирди ва чироқни ёқди. – Чироқ ёқилганда *Tiens! Voila ce qui est curiu!*¹ – деди у чироқ ёниши билан. Энди ҳаммаси жойида. Қизиқ...

Шунда у бош бармоғини қўтариб, жим бўлишга ишора қилди ва қулоқ тутди. Кучсиз товушлар сукунатни бузарди; ухлаётган кишининг хуррагини бемалол ажратиб олиш мумкин эди.

– A! – деди Пуаро. – Chambre de domestique².

У ошхонани оёқ учида босиб ўтиб, қоронгу буфетли хоначага кирди, у ердан яна бир эшик хизматкор хонасига олиб киради. Пуаро эшикни очди ва чироқни ёқди. Хона архитекторлар томо-

¹ Ана холос! Қизиқ! (фр.)

² Бу хизматкор аёлники. (фр.)

нидан одам яшashi учун кичик-кичик ҳужраларга ўхшатиб қурилган эди. Хонани деярли қизил яноқли қиз ухлаб ётган каравот эгаллаганди. Қизнинг оғзи ланг очиқ, бегам хуррак отарди.

Пуаро чироқни ўчирди ва шошиб у ердан чиқди.

– Уйғонмайди, – деди у. – Полиция келгунга қадар ухлашига имкон берамиз.

Пуаро меҳмонхонага қайтди, Донован ҳам келиб уларга қўшилди.

– Полициядагилар тезда етиб келишларини айтишди, – деди Донован. – Ҳеч нарсага тегин-маслигимиз лозим.

Пуаро маъқуллади:

– Биз ҳалиям тегинмаймиз. Шунчаки қараймиз, холос.

У хонага қараб йўналди. Милдред Донован билан биргаликда пастга тушганди, энди тўрт киши эшик олдида уймалашишди, нафасларини ичга ютиб, Пуарони кузатишарди.

– Мен бир нарсани ҳеч тушунолмаяпман, жаноб, – Пуарога мурожаат қилди Донован. – Мен деразага яқин ҳам келганим йўқ. Қўлимга қон қаердан юққанини билолмаяпман?

– Менинг дўстгинам, саволингизга жавоб шундоққина олдингизда. Дастанхоннинг ранги қанақа? Қизил, шундайми? Сиз, албатта, қўлингиз билан столга тегингансиз.

– Ҳа, демак бу... – Донован тутилиб қолди.

Пуаро бош силкиди ва стол остига энгашди. Қўли билан қизил рангдаги доғни кўрсатди.

– Худди шу жойда жиноят содир этилган, – деди тантанали равишда. – Жасадни кейин кўчиришган.

Пуаро қаддини ростлаб, секин хонани қўздан кечирди. Жойидан қимирламади, қўли билан ҳеч

нарсага тегмади. Унинг ортидан қузатиб турган ёшлар наздида хонадаги ҳар бир буюм айниган ҳаво билан биргаликда изқуварнинг нигоҳи остида ўз сирларини очарди. Эркюль Пуаро бошини чайқади: у қониқиши ҳосил қилғандек эди.

– Тушунарли, – деди эшитилар-эшитилмас.

– Нима тушунарли? – қизиқиб сўради Донован.

– Гап шундаки, сиз, шубҳасиз, хона жиҳозлар билан тўла эканлигини ҳис қилдингиз.

Донован ғамбода жилмайди.

– Мен ҳақиқатан ҳам бикинимни уриб олдим,

– тан олди у. – Албатта, бу ерда барча нарса Патнинг уйидагидек эмасди, шу сабабли ўзим турган жойни аниқлай олмадим.

– Ҳаммаси эмас, – эътиroz билдириди Пуаро.

Донован унга саволомуз қаради.

– Устма-уст квартиralар жойлашуви бир хиллиги, эшиклар, деразалар, хоналар бир хилда жойлашганлигини назарда тутяпман, – деди Пуаро муроса оҳангиди.

– Бундай тафсилотлар кимга керак? – сўради Милдред. У Пуародан бироз кўнгли қолғандек назар ташлади.

– Ҳар бир нарсани доимо аниқ баён қилиш керак. Бу сизнинг наздингиздаги менинг кичик ожизлигим.

Зинапояда оёқ товушлари эштилди ва хонага уч киши – полиция инспектори, констебль ва полиция навбатчи врачи кириб келишди. Инспектор Пуарони таниди ва юзида ҳурмат ифодаси билан сўрашди.

Кейин эса ўғирилиб бошқаларга қаради.

– Мен ҳар бирингиздан кўрсатма олишим керак, – деб сўз бошлади. – Бироқ биринчи навбатда...

Пуаро унинг сўзини бўлди:

– Менда кичкина таклиф бор: биз юқоридаги уйга чиқамиз, у ерда мадемуазель қўймоқ тайёрламоқчи эди. Мен қўймоқни жуда ёқтираман. Сўнгра, жаноб Inspecteur¹, сиз бу ердаги ишингизни тугатганингиздан кейин олдимизга чиқасиз ва шошилмай саволларингизни берасиз.

Таклиф қабул қилинди ва Пуаро ёшлар билан Патнинг уйига кўтарилиши.

– Пуаро жаноблари, сиз жуда дилкаш инсон экансиз, – деди Пат. – Щу боис мана бу ажойиб қўймоқ сизга. Мен ростданам қўймоқ тайёрлашни қотираман.

– Ажойиб. Бир пайтлар, мадемуазель, камина англиялик чиройли бир қизни севиб қолгандим, у сизга жудаям ўхшаб кетарди. Афсуски, таом тайёрлашни билмасди. Баҳарнав, ҳаётда нимадир амалга ошмаса, эҳтимол, бу яхшиликкадир.

Пуаронинг овозида фамгинлик аломати бор эди ва Жимми Фолкнер унга ҳайрат билан тикилди. Лекин улар Патнинг квартирасида эдилар, Пуаро ўзини қувонарли ҳолатга тайёрлагандек бўлди. Пастки қаватда содир этилган нохуш фожиа деярли унутилди.

Инспектор Райснинг оёқ товушлари эшитила бошлаганда, қўймоқ ейилиб, пазандага баҳо бериб бўлишганди. Инспектор врач ҳамроҳлигида уйга кирди, констеблни эса пастки қаватда қолдиришди.

¹ Инспектор (фр.)

– Хўш, месъе Пуаро, – деди инспектор, – иш, менимча, жуда оддий, тўғрисини айтсам, сиз учун қизиқарли эмас. Бироқ жиноятчани тутишда қийинчиликлар туғилиши мумкин. Мен мурдани қандай топганингизни билмоқчи эдим.

Жимми ва Донован ўша кечаси нима со-дир этилганини бирма-бир бошдан-оёқ сўзлаб беришди. Инспектор танбехнамо алфозда Патга ўгирилди.

– Сиз ошхона эшигини нима бўлган тақдирда ҳам ҳеч қачон очиқ қолдирмаслигингиз лозим, хоним.

– Энди ҳеч қачон очиқ қолдирмайман, – таъкидлади Пат сесканиб. – Кимdir кириб, бу бечора аёл сингари мени ҳам ўлдиради.

– Зеро, улар бу йўл билан уйга киришмаган, – эътироф этди инспектор.

– Сиз нимани аниқлаганингизни бизга айтинг берасизми? – сўради Пуаро.

– Буни айтишимиз, умуман... тақиқланган... Аммо, модомики, бу сиз экансиз, месъе Пуаро...

– Precisement¹, – деди Пуаро. – Бу ёшлар оғзидан гуллаб қўйишмайди.

– Барибир, тез орада газета саҳифаларида пайдо бўлади... – таслим бўлди инспектор. – Ҳа, бу ишда ҳеч қандай алоҳида сирлилик йўқ. Шундай қилиб, ўлдирилган аёл – ҳақиқатан ҳам Грант хоним. Мен аниқлаш учун дарбонни чақирдим. Аёлнинг ёши ўттиз бешларда. У стол ёнида ўтирган ва уни кичик калибрли автоматик тўппончадан отиб ўлдиришган. Эҳтимол, унинг рўпарасида ўтирган киши бу ишни амалга ошир-

¹ Аниқ (фр.)

ган. Грант хоним боши билан столга йиқилган – дастурхондаги қон излари мана қаердан келган.

– Хеч ким ўқ овозини эшитмаганми? – сўради Милдред.

– Тўппончага овоз пасайтирувчи мослама қўйилган. Шу боис ўқ овозини эшитиш мумкин эмасди. Сиз бекаси ўлганини хизматкорга айтганимизда, унинг бақириб юборганини эшитдингизми? Йўқ. Мана шу нарсанинг ўзи кимдир ўқ овозини эшитиши жуда қийин эканлигини англаатади.

– Хизматкор ҳеч нима айтмадими? – сўради Пуаро.

– Кечқурун у бўш бўлган. Калит унинг ўзида бўлган. Кечқурун соат ўнда уйга келган. Ҳаммаёқ тинч бўлганлиги учун уй бекаси ухляяпти, деб ўйлаган.

– Демак, у меҳмонхонага кирмаган.

– Ҳа, кечки почта билан хат олиб келган. Аммо жаноб Фолкнер ва жаноб Бейли биринчи марта ҳеч нарса сезмагани каби у ҳам бехабар қолади. Ахир, қотил ўликни жуда пухталик билан парда ортига яширган.

– Унинг бу иши сизга фалати бўлиб туюлмаяптими?

Пуаронинг овози жуда осуда жарангларди, унда инспекторни машхур изқуварга шаҳд билан қарашга мажбур қиласидиган нарса йўқ эди.

– Жиноятчи қочиб кетгунига қадар жинояти очилишини истамаган.

– Мумкин, бўлиши мумкин, аммо ўтинаман, давом этинг.

– Хизматкор соат олтида уйдан чиқиб кетган. Дўхтири ўлим вақтини тахминан тўрт-беш соат илгари, деб аниқлади. Шундайми?

Доктор камгап одам эди, у ўзининг хулосасини қатъий бош иргаш билан тасдиқлади.

– Хозир ўн бешта кам ўн икки. Қотиллик содир этилган вақт, ўйлашимча, жуда тўғри аниқланди.

Инспектор фижимланган қофозни олди.

– Биз буни ўликнинг кўйлаги чўнтағидан топдик. Уни олишингиз мумкин, бармоқ излари йўқ.

Пуаро қофозни текислади. Унда бир нечта сўз босма ҳарфларда чиройли қилиб ёзилганди:

«МЕН СЕНИНГ ОЛДИНГА КЕЧҚУРУН САККИЗ ЯРИМДА КЕЛАМАН».

Ж. Ф.

– Ташлаб юбормай қолдириш учун ҳаддан ташқари обрўга путур етказадиган ҳужжат, – деди қофозни қайтара туриб Пуаро.

– Аммо қотил қофоз қурбоннинг чўнтағидалигини билмаган, – эътиroz билдириди инспектор. – У, ҳойнаҳой, хатни йўқ қилган деб ўйлаган. Бу шундан далолатки, жиноятчи жудаям тартибли инсон. Биз ўлик остидан тўппонча топиб олдик, бироқ унда ҳам ҳеч қандай бармоқ излари йўқ. Барчаси ипакдан тикилган дастрўмолча билан артиб ташланган.

– Дастрўмолча ипакдан эканлигини қаердан биласиз? – қизиқди Пуаро.

– Чунки биз уни топиб олдик, – мағрур сўзлади инспектор. – Қотил пардани торта туриб дастрўмол тушиб қолганини сезмай қолган кўринади.

Инспектор оқ рангли ипак дастрўмолни барчага намойиш этди. Дастрўмолнинг ўртасида кўзга ташланувчи белги аниқ кўриниб турарди. Пуаро у ердаги исмни овоз чиқариб ўқиши учун инспектор бармоғи билан нуқиб кўрсатишига ҳожат йўқ эди:

– Жон Фрейзер.
– Ана шундай, – давом этди инспектор. – Хатчада Жон Фрейзер – Ж. Ф. ёзуви бор. Биз энди кимни қидиришни биламиз. Яна шуни қўшимча қиламанки, биз мархума ҳаёти тафсилотлари, танишлари доирасини аниқлаб, қотилниинг изига тушамиз.

– Шубҳам бор, – таъкидлади Пуаро. – Йўқ, мон cher¹, сиз Жон Фрейзерни жуда осонгина топасиз, деб ўйлайман. У ғалати одам: тартибли, дастрўмолига белги қўяди ва жиноят содир этган тўпкончасидан бармоқ изларини йўқ қиласди, шу билан биргаликда шунчалик эҳтиётсизки, дастрўмолини йўқотади ва ашёвий далил бўлиб хизмат қиласдиган хатни изламайди.

– У ниҳоятда асабий ҳолатда бўлган, – деди инспектор.

– Эҳтимол, – рози бўлди Пуаро. – Ха, бу эҳтимолдан холи эмас. Бинодан чиққанини ҳеч ким кўрмаганми?

– Бу пайтда жуда кўп одам бинога кирибчиқади. Бу ерда хонадонлар кўп. – Инспектор дарҳол ёшларга мурожаат қиласди: – Сизлардан ҳеч ким бу уйдан кимдир чиққанини кўрмадими?

Пат бошини чайқади:

– Биз эртароқ – соат еттиларда кетдик.
– Тушунарли. – Инспектор юқорига кўтарилилди. Пуаро уни эшиккача кузатиб қўйди.

– Марҳамат қилиб, менга қотиллик содир этилган уйни кўриб чиқишим учун ижозат берасизми?

– Албатта, жаноб Пуаро. Бошқармада сиз хақингизда жуда яхши фикрдалар. Сизга калитни қолдираман, менда ортиқчаси бор. Уйда ҳеч

¹ Азизим (фр.).

ким йўқ. Хизматкор қариндошлариникига кетди:
у қаттиқ қўрққан, уйда бир ўзи қололмайди.

– Миннатдорман, – деди Пуаро. У уйга чукур
ўйга толган ҳолда қайтди.

– Кўнглингиз тўлмадими, жаноб Пуаро? –
сўради Жимми.

– Ха, тўлмади.

Донован қизиқиб унга қаради:

– Сизни нима безовта қиляпти?

Пуаро жавоб бермади. Икки дақиқалар
қовоғини солиб жим турди, ўйга толди, кейин
бирданига бетоқат бўлиб елкасини силкитди.

– Сизга хайрли тун тилайман, мадемуазель.
Пишир-куйдир билан чарчадингиз.

Пат кулди.

– Фақат қўймоқ пиширдим, кечки овқатни
тайёрламадим. Донован Жимми билан келишиб,
овқатга таклиф этишди. Биз Соходаги кичик
қаҳвахонага бордик.

– Кейин, шубҳасиз, театрга?

– Ха. «Каролинанинг қора қўзлари»га.

– О, бу мовий қўзлар бўлса яхши эди – сиз-
нинг мовий қўзларингиз, мадемуазель.

У ҳаяжонли тарзда эгилди ва яна бир бор
Пат ҳамда Милдредга хайрли тун тилади. Мил-
дред Пат билан бирга қолди. Агар Пат бир ўзи
уйда ёлғиз қолса, қўрқувдан ақлдан озиши мум-
кин эди-да.

Жимми ва Донован Пуаро билан биргаликда
чиқишиди. Эшик ёпилгандан сўнг ёшлар хайр-
лашишга тараддуудланган эдилар ҳамки, Пуаро
улардан олдин:

– Навқирон дўстларим, кўнглим тўлмаганини
айтганимни эшитдинглар? Eh bien¹, бу хақиқат.

¹ Яхши (фр.).

Мен ҳозир кичкина тергов олиб бориши мўлжаллаяпман. Менга ҳамроҳ бўлишни истайсизми?

Унинг таклифини қабул қилишди. Пуаро биринчи бўлиб пастга тушди ва инспектор берган калит билан эшикни очди. Уйга кириб йигитлар кутганидек меҳмонхонага эмас, ошхонага қараб юрди. Пастаккина ошхона чаноги тагида чиқинди ташлайдиган катта темир челак турганди. Пуаро чеълакнинг қопқоғини очиб, энгашганча овчи кўпак важоҳати билан уни титкилай бошлади.

Нихоят гавдасини тўғрилаб, мағруронга нигоҳ ташлади. Унинг қўлида қопқоғи берк кичкина шишача бор эди.

– Voila¹, – деди у. – Мен нимани қидирсан, шуни топаман. – Қопқоқни секин ҳидлади. – Афусски, мен engrume², менда тумов бор.

Донован унинг қўлидан қопқоқни олиб ҳидлади, бироқ ҳеч қандай ҳидни сезмади. У қопқоқни шишадан тортиб олди ва шишачани бурнига яқинроқ келтирди, Пуаро уни тўхтатмоқчи бўлди.

Донован ҳидлади ва худди тўнкадек ағдарилиб кетди. Пуаро йиқилаётган жойидан уни ушлаб колишга улгурди.

– Тентак! – қичқириб юборди у. – Шундай ҳам қиласими? Қопқоқни шунчалик ҳам тентакларча очадими? У мен шишача билан қандай эҳтиёт бўлиб муомала қилганимни кўрмадими? Эҳ, месъе... Фолкнер, шундайми? Марҳамат қилиб, озгина конъяк олиб келинг. Меҳмонхонада графинни кўрдим.

Жимми шошилиб чиқди. У қайтиб келганда, Донован полда ўтиради. Айниқса, заҳарли бўлиши мумкин бўлган буюмлар билан муомала

¹ Мана, марҳамат (фр.)

² Шамоллаганман (фр.)

қилганда, эҳтиёткор бўлиш лозимлиги тўғрисида маъруза эшишига тўғри келди.

– Мен уйга кетганим маъқул, – деди ўзига ишонқирамай оёққа туриб Донован. – Албатта, агар фойдам тегмаса. Сезишимча, ҳали тўлиқ ўзимга келганимча йўқ.

– Албатта, – тасдиқлади Пуаро. – Шундай қилсангиз яхши бўларди. Жаноб Фолкнер шу ерда бир дақиқа тура қолинг, мен тезда қайтаман.

У Донованни эшиккача кузатиб, ортидан зинапоягача борди. Улар бир неча дақиқа зина-поя майдончасида тик туриб гаплашишди. Пуаро уйга қайтганда, Жимми меҳмонхона атрофига бетоқатлик билан қараётганини кўрди.

- Хўш, жаноб Пуаро, энди нима қиласиз?
- Хеч нарса. Иш тамом бўлди.
- Қандай қилиб!?
- Мен ҳаммасини биламан.

Жимми унга ҳайрон тикилди.

- Сиз топган кичкина шишача...
- Ҳа, худди ўша кичкина шишача.

Жимми бошини чайқади:

– Хеч нарсани тушунмадим. Сиз негадир қандайдир Жон Фрейзерга қаратилган айловга норози бўлдингиз.

– Қандайдир, – секин қайтарди Пуаро. – Агар шундай одам умуман мавжуд бўлса, мен қаттиқ ажабланган бўлардим.

- Тушунмадим.
- У фақат исм, холос. Исми ва фамилияси тартиб билан дастрўмолчада акс эттирилган.
- Хат-чи?
- Сиз эътибор бердингизми, у босма ҳарфларда ёзилган? Нима учун? Мен сизга айтаман. Ҳар қандай қўлда ёзилган ёзувни айнан ўхшатиш

мумкин. Машинкада ёзилганда эса сиз тасаввур қилгандан кўра ҳам тезроқ жумбоқнинг калитини топиш мумкин. Агар бу хатчани ҳақиқатан ҳам Жон Фрейзер ёзганда эди, бу икки вазијат унинг миясига келмасди! Йўқ, хатча аниқ мақсадни мўлжаллаб ёзилган ва уни топиш учун марҳумнинг чўнтағига солиб қўйилган. Жон Фрейзер исмли киши йўқ.

Жимми саволомуз унга қаради.

– Шундай қилиб, – давом этди Пуаро, – мени қизиқтирган биринчи нуктага қайтдим. Айтганимдек, хонада баъзи нарсалар доимо мавжуд шароитга кўра белгиланган жойда жойлашади, деганимни эшитдингиз. Мен учта мисол келтирдим. Тўртинчи мисолни ҳам келтиришим мумкин – электр ёққич.

Жимми янада кўпроқ тушунмаган ҳолда тикилди. Пуаро эса давом этди.

– Дўстингиз Донован дераза олдига яқинлашмаган – у столга суюниб қўлини қонга белаган. Мен дарров ўзимга савол бердим: нима учун у столга суюнган? Коронфу хонада пайпасланиб, у нима иш қилган? Ёдингизда бўлсин, дўстим, ёққич доимо бир жойда – эшик ёнида бўлади. Нима учун у хонага кирганда ёққични топмаган ва чироқни ёқмаган? Бу табиий, одатий ҳол бўларди. Унинг таъкидлашича, ошхонада чироқни ёқишига ҳаракат қилган, лекин бунинг уддасидан чиқмаган. Аммо мен ёқмоқчи бўлганда, барчаси жойида эди. Балки у ўша пайтда ошхонада чироқ ёқилишини хоҳламагандир? Агар чироқ ёқилганда, унда бегона уйда эканлигинги ни аниқлардингиз. Унда ушбу хонага киришга эҳтиёж қолмасди.

– Жаноб Пуаро, сиз нимага шама қиляпсиз? Сиз нимани назарда тутаётганингизни билолмаяпман!

- Мен мана буни айтаяпман. – Пуаро унга французча калитни күрсатди.
- Бу шу уйнинг калитими?
- Йўқ, mon ami.¹ Мадемуазель Патриция уйининг калити, жаноб Донован бугун унинг сумкасидан ўғирлаган.
- Нега, нимага?
- Parbleu!² Бу имконият топиб уйга кириш ва бирон-бир шубҳа қолдирмаслик учун лозим эди. Кўмир лифтининг эшиги қулф әмаслигини бир неча соат олдин билган.
- Сиз калитни қаердан олдингиз?
- Пуаро қаҳ-қаҳ отиб кулди.
- Мен уни топишимга ишонган жойимдан – жаноб Донованнинг чўнтағидан топдим. Кўряпсизми, бу кичкина шиша ёрдамида айёрлик билан жаноб Донованни тутиб олдим. Менимча, у албатта қилиши лозим бўлган ишни бажарди – қопқоқни очди ва ичидагини ҳидлади. Кичкина шишадаги этил хлориди – у жуда кучли ҳушсизлантирувчи восита; дарҳол таъсир қилади. Бехушлик менга зарур бўлган икки дақиқани берди. Унинг чўнтағидан иккита нарсани олдим. Улардан бири калит, бошқаси эса... – У жим турди ва кейин яна сўзида давом этди: – Мен инспекторнинг ўлик парда ортига яширилганлиги сабабини айтганда шубҳаландим. Бу вақтдан ютиш учунми? Йўқ, бу ерда бошқа бир нарса яширинганди. Шунда мен, дўстим, фақат бир нарса – почта ҳақида ўйладим. Тўққиз ярим ёки шунга яқин вақт ичida олиб келинадиган кечқурунги почта хаёлимга келди. Айтайлик, қотил излаган нарсасини топа олмайди, шунда у излаган нарсани кечқурунги почтада олиб келишлари мумкинлигини англай-

¹ Дўстим (фр.)

² Жин урсин! (фр.)

ди. Шубҳасиз, у қайтади. Марҳумани биринчи бўлиб хизматкор топмаслиги лозим, у ҳолда хонани полиция муҳрлаб қўяди. Мана шунинг учун марҳумани парда ортига яширади, хизматкор ҳеч нарсадан шубҳаланмайди, одатдагидек, хатларни стол устига қўяди.

– Хатлар?

– Ҳа, хатлар. – Пуаро чўнтағидан ниманидир чиқарди. – Жаноб Донован хушсиз ётганида мен унинг чўнтағидан олган иккинчи нарсам.

У машинкада манзили ва кимга тегишлилиги ёзилган хатжилдни кўрсатди: «Эрнестина Грант хоним».

– Аввало, биз бу хатнинг мазмуни билан танишамиз. Жаноб Фолкнер, мен сизга битта савол бермоқчиман. Сиз мадемуазель Патрицияни севасизми ёки йўқми?

– Мен Патрицияни жонимдан ҳам ортиқ севаман. Бироқ ҳеч қачон ундан ҳам шундай севгини умид қилмаганман.

– У жаноб Донованни севади, деб ўйлайсизми? Балки аввал бошида унга нисбатан қандайдир хиссиётларни туйган бўлиши мумкин, дўстим, аммо бу бошида шундай бўлган. Сиз содир бўлган воқеаларни унутишида мадемуазелга ёрдам беришингиз ва оғир дамда, мусибат етганда ёнида бўлишингиз керак.

– Мусибат? – Жимми кескин сўради.

– Ҳа, мусибат. Биз бу иш туфайли унинг номи ҳам тилга олинмаслиги учун барча чораларни кўрамиз, бироқ бундан кутулишнинг иложи бўлармикин?! Ахир, унинг учун қотилликка қўл урилган.

Пуаро шахт билан хатжилдни йиртди, ичидагиси эса столга тушди. Бу нотариал идорада қисқача ёзилган илова хат эди: «Хоним! Сиз юбо-

рилган ҳужжат ҳақиқий, тузилган никоҳ Англия-дан ташқаридан ҳам қонуний кучини йўқотмайди.

Ўқиб чиқиб, қабул қилинг».

Пуаро хатга солинган ҳужжатни очди. Бу саккиз йил илгари Донован Бейли ва Эрнестина Грант ўртасидаги шартнома – никоҳ гувоҳномаси эди.

– Вой Худойим-еий! – хитоб қилди Жимми. – Пат бу аёлдан хат олгани, у учрашишни ўтиниб сўраганини айтганди, аммо Пат қандайdir муҳим нарса ҳақида сўз бораётганини тасаввур ҳам қилмаган.

Пуаро бош силкиб қўйди.

– Донован бу ҳақда билган. У Патнинг олдига боришдан олдин хотини олдига киради. Тақдир тақозоси билан бу бечора аёл рақибаси яшаётган уйдаги квартиralардан бирига жойлашиди. Шу боис у хотинини шафқатсизларча ўлдириб, кўнгилхушлик қилгани кетган. Мархума унга но-тариал идорага гувоҳномани жўнатгани, тез орада жавоб олишини айтган бўлиши керак. Шубҳасиз, Донован хотинини гўё никоҳ гувоҳномаси ҳақиқий эмаслигига ишонтиришга ҳаракат қилган.

– Донованнинг кайфияти оқшом бўйи жуда яхши эди. Сиз унинг қочиб кетишига йўл қўймайсиз-ку?! – Жимми сесканди.

– Унинг қочадиган жойи йўқ, – жиддий жавоб берди Пуаро. – Бундан хавотирланмаса ҳам бўлади.

– Мен ҳозир фақат Пат ҳақида ўйлайпман, – деди Жимми. – Пат уни севган, деб ҳисоблайсизми?

– Mon ami, бу ёғи энди сизга боғлиқ бўлади, – секин жавоб берди Пуаро, – унга суюнчиқ бўлиш ва барчасини унутишига кўмак бериш... Сиз учун бу оғирлик қилмайди, деб ўйлайман.



БУЛБУЛЛАР ОШЁНИ

- Кўришгунча, азизам.
- Кўришгунча, севгилим.

Аликс Мартин кўпол ўрнатилган кичкина эшикка суюниб, қишлоқ йўлидан кетаётган эрига қараб қолди.

Эри муюлишгача бориб, кейин кўздан фойиб бўлди, Аликс эса юзига тушган чиройли қизғиши рангли соchlарини тўғрилаб, қимирламасдан вазмин бир ҳолатда турарди.

Унинг кўзлари ўйчан ва орзуманд эди.

Аликс Мартин чиройда тенгсиз эмасди, ҳаттоқи ўртacha ҳам деб бўлмасди. Юзлари ёшгин на аёлницидек бўлмаса-да, баҳтиёрлик ва мулоийимликдан шундай ярақлардики, илгари бирга ишлаганлар уни танимай қолишлари, бу ўша аввалги саранжом-саришта, ишchan, уddабурон, бироз кўпол, аммо қобилиятли ҳамда орзу-халлардан йироқ бўлган Аликс Кинг эканлигига ишонмасликлари тайин эди.

У бир амаллаб мактабни аранг битирди. Ўн беш йил – ўн саккиз ёшидан ўттиз уч ёшигача машинкачилик қилиб кун кечирди. Бу орада етти йил касал онасини боқди. Яшаш учун кураш хушбичим юзини кўпollaштириб юборганди.

Тўғри, бир пайтлар Дик Виндифорд билан ишқий саргузаштга ўхшаш кечмиши йўқ ҳам эмасди. Чинакам аёлларга хос равища унга

ёқишини сезарди-ю, аммо буни билдирмасди. Ташқи томондан қараганда, улар бор-йўғи дўст эди гўё. Шароити қийинлигидан Дик кичик укасининг ўқишига зўрға маблағ ажрата оларди. Бу пайтда уйланишни хаёлига ҳам келтиролмасди.

Мутлақо кутилмаганда қиз қора меҳнатдан халос бўлди. Узоқ қариндоши тўсатдан вафот этди ва бир неча минг фунт маблағини васият қилиб қолдирди. Бу эса Аликс учун озодлик, хаёт ва мустақилликни англатарди. Энди Дик билан турмуш курса бўлади.

Аммо Дик ўзини бошқачароқ тута бошлади. Аликсга ҳис-туйфулари ҳақида сира очиқ айтмасди: энди бира тўла оғзига талқон солиб олганди. Қиздан ўзини олиб қочар, ўйчан ва ғамгин бўлиб қолганди. Аликс бунинг сабабини тезда тушунди: йигитнинг фурури ва нозик табиати Аликснинг қўлини сўрашига тўсқинлик қилмоқда. Бу ҳолат Дикдан заррача ҳам кўнгли қолишига сабаб бўлмасди. Биринчи қадамни ўзим ташласаммикан, деб ўйлаб турганда, қизнинг ҳаётида иккинчи кутилмаган воқеа содир бўлди.

Дугонасининг уйида у Жеральд Мартин билан танишди. Йигит уни жуда қаттиқ севиб қолди, бир хафтадан кейин унаштириш маросимини ўтказишиди. Ўзини «севиб қоладиганлардан эмас» деб ҳисоблайдиган Аликс деярли ҳушидан кетаёзди.

Қиз ногаҳон Дик Виндифорднинг ҳиссиётларини жунбушга келтириб юборди. У қизнинг олдига келиб ғазабдан дудуқланиб бақирди:

– У сенга бутунлай бегона! Сен у ҳақда ҳеч нарсани билмайсан!

– Мен уни севишимни биламан.
– Уни қаёқдан биласан – бор-йўғи бир ҳафта бўлди у билан танишганингга?!

– Қиз болани севиб қолганини англаши учун ҳаммага ҳам ўн бир йил керак эмас! – жаҳли чиқди Аликснинг.

Йигит докадек оқариб кетди.

– Мен сени биринчи кўрганимдаёқ севиб қолгандим. Сен ҳам мени севасан деб ўйлагандим.

– Мен ҳам шундай ўйлагандим, – тасдиқлади Аликс. – Бироқ афсуски, мен муҳаббат нималигини билмаганим учун шундай деб ўйлагандим.

Дик ялинди, ёлворди, дўқ қилди – ўрнини эгаллаган рақибига таҳдид қилди. Яхши биламан деб ўйлаб юрган инсонидаги ташки вазминлик ортига яширинган хиссиётлар жунбуши Аликсни ҳайратда қолдирди.

Тонгги қуёш нурида, эшикка суюнган ҳолда ўша сухбатни эслади. Турмуш қурганига бир ой бўлди, мутлақо баҳтли. Суюкли эри уйдан чиқиб кетганда, уни қандайдир безовталик чулғаб оларди. Бунинг сабабчиси Дик Виндифорд эди.

Турмушга чиққанидан сўнг Аликс уч маротаба бир хил туш кўрди: эри ўлиб ётганмиш, ёнида Дик Виндифорд турганмиш. Эри Дикнинг зарбидан ўлгани аниқмиш. Энг даҳшатлиси, Аликс эрининг ўлимидан хурсандмиш. Қотилга миннатдорчилик билдириш учун унга қўлини узатиб, раҳмат айтармиш. Туш доимо бир хилда яқун топган: Дик уни қучоқлаб оларди.

Аликс бу даҳшатли туши ҳақида эрига айтмади, бироқ туши уни ўзи истагандан ҳам қаттикроқ хавотирга соларди. Туш нимани англатаркин – огоҳлантиришми? Дик Виндифордан огоҳлантиришми?

Кўққисдан уй телефони жиринглади, Аликс-нинг фикрлари тўзғиб кетди. Уйга кириб гўшакни кўтарди.

– Нима дедингиз? Ким бу?

– Аликс, овозингга нима бўлди? Сени танимапман. Бу мен – Дикман.

– А?... Қаердан қўнфироқ қиляпсан?

– «Сайёҳатчи тамғаси» меҳмонхонаси қовоқ-хонасидан. Менимча, шундай аталади ёки сен бундай бар борлигини билмайсанми? Мен дам олиш кунида балиқ овлагани келдим. Кечқурун сизларникига борсам, қаршимасмисан?

– Йўқ, – қатъий жавоб берди Аликс. – Сен бу ерга келмаслигинг керак.

Сукут. Яна Дик сўзлай бошлади, лекин унинг овози бошқачароқ чиқди.

– Мени кечир, – деди совуққина қилиб. – Сени бошқа безовта қилмайман...

Аликс шошилиб унинг сўзини бўлди. Қизнинг ўзини тутиши Дикка ҳаддан ташқари файритабиий бўлиб туюлди. Қиз ҳақиқатан ҳам ғалати эди: унинг асаблари бўшашиб қолганди.

– Мен айтмоқчи эдимки, биз... бугун кечқурун бандмиз... – У баҳонаси табиий чиқишига ҳаракат қилди. – Эртага кечки овқатга бизниги келгин.

Бироқ Дик унинг овозидаги носамимийликни аниқ сезиб турарди.

– Жудаям миннатдорман, – совуққина жавоб қилди у. – Балки мен кетарман. Бу бир дўстимнинг келиш-келмаслигига боғлиқ. Хайр, Аликс. – Шошилиб бутунлай бошқа овозда қўшимча қилди: – Сенга баҳт тилайман, азизам.

Аликс гўшакни қўйиб, енгил нафас олди. «У бу ерга келмаслиги керак, у бу ерга келмас-

лиги керак, – деб таъкидлади ўзига ўзи. – Қандай аҳмоқман-а! Наҳотки, мен унинг келишини хоҳласам? Йўқ, нима бўлганда ҳам, у келмаслигидан хурсандман».

У столдан похол шляпасини олди ва уйнинг пештоқида ёзилган «Булбуллар ошёни» кошонаси ёзувини кўриш учун боқقا чиқди.

– Номланиши ғалати-я, тўғрими? – дея сўраганди турмушга чиққунча Жеральддан.

– Ўзимнинг миттигинам, – дерди меҳр билан Жеральд. – Ишонаманки, сен ҳеч қачон булбулларни эшитмагансан, мен бундан хурсандман. Булбуллар севишганлар учун куйлаши лозим. Кечқурунлари иккаламиз биргаликда уларни ўз уйимиз олдида тинглаймиз.

Уйининг эшиги олдида туриб, булбуллар хонишини эшитганларини эслаб, баҳтдан қизарип кетди.

«Булбуллар ошёни»ни Жеральд топди. Шундай кунларнинг бирида эри ҳовлиқиб келиб, ҳаётда бир марта бериладиган тухфа – баҳт кошонасини топганини ҳаяжон билан айтди. Уйни кўриб, Аликс ҳам ҳайратдан қотиб қолди. Тўғри, уй жойлашган жой овлоқ эди. Қишлоққача икки чақирим йўл, уй эса жуда шинам, ваннахонаси, иссиқ сув, элекстр энергия, телефон бор эди. Уй унга шунақа ёққандики, бошқа нарса ҳақида ўйлашга имкон ҳам қолмаганди. Бир муаммо пайдо бўлди: уй эгаси ижарага беришга унамади, фақат сотиши мумкин экан.

Жеральд Мартин яхшигина даромади бўлсада, асосий жамғармага тегмокчи эмасди. Накд пулда қўлига тегиши мумкин бўлган энг катта сумма минг фунтдан иборат эди. Уй учун эса уч минг сўрашаётганди. Аликс уй ўзига ҳам ёқиб

қолгани учун Жеральдга ёрдам беришга қарор қилди. Унинг сармояси чек кўрсатилиши билан қўлга тегиши мумкин эди. У уйни сотиб олиш учун ўзининг ярим маблафини ажратиши мумкин эди.

Шундай қилиб, «Булбуллар ошёни» уларнинг уйи бўлиб қолди. Аликс бу хусусида бирон ма-ротаба ҳам пушаймон бўлмади. Тўғри, хизматкорларга унинг одамлардан узоқлиги ёқмаганди, ҳозир эса уйда хизматкор умуман йўқ эди. Бироқ уй ишларига чанқоқ бўлиб қолгани учун ширин таомлар таёrlаш ва хўжалик ишларини юритиш унга завқ бағишларди. Ранг-баранг гулларга бой боғни «Булбул ошёни»га кошонасига ҳафтасига икки маротаба келадиган қишлоқлик бир кекса боғбон парваришлиарди.

Боғининг бурчагига борган Аликс энгашиб гуллар тагига ишлов бераётган боғбонни кўрди. У ҳайрон қолди – одатда боғбон боғда душанба ва жума кунлари келиб ишларди, бугун эса чоршанба.

– Жорж, сиз бу ерда нима қиляпсиз? – сўради у боғбондан.

Кекса отахон эски шапкасини тўғрилаб, эгилган қаддини тиклаганча, ҳиринглади.

– Ўзим ҳам ҳайрон бўласиз деб ўйлагандим, хоним. Жума куни бизнинг заминдоримиз байрам уюштиряпти, шу боис жаноб Мартин ва у кишининг марҳаматли рафиқаси бир сафар жуманинг ўрнига чоршанба куни ишга келсан, қарши бўлмас, деб ўйладим.

– Албатта, йўқ, – деди Аликс. – Ишонаманки, сиз вақтингизни чоғ ўтказасиз.

– Ха, шундай бўлиши аниқ, – деди Жорж. – Пулини тўламаслигингни билиб, бўккунингча еб-

ичиш қандай мазза. Бизнинг заминдор ижарачиларни доим яхши меҳмон қиласди. Ха, айтганча, модомики жўнаб кетар экансиз, йўқлигингизда бажаришим учун бошқа бирор топшириқ бўлмайдими? Қачон қайтишингиз маълум эмасми, бекам?

- Мен ҳеч қаёққа бормоқчимасман.
- Сиз эртага Лондонга кетмайсизми? – хайрон бўлди Жорж.
- Йўқ. Бу гапни қаердан олдингиз?

Жорж елкасини қисди:

- Кечқурун қишлоқда хўжайнини учратгандим. Айтдиларки, икковингиз бирга эртага Лондонга кетаркансиз, қачон қайтишингиз номаълум экан.

– Бўлмагур гап! – Аликс кулди. – Балки сиз уни нотўғри тушунгандирсиз.

Барибир Аликс, Жеральд нима деганини билмоқчи бўлди. Лондонга бориш? Яна-тағин Лондонга бориш унинг хаёлига ҳам келмаганди.

– Лондонни кўргани кўзим йўқ, – Аликснинг оғзидан бирдан шу гап отилиб чиқди.

– А-а, – деди чўзиб Жорж. – Балки мен ҳақиқатан ҳам ниманидир яхши тушунмагандирман... У-ку тушунириб айтди. Шу ерда қолаётганингиздан хурсандман. Сафарда юришга қаршиман, Лондонга боришга оёғим тортмайди. У ерда қиладиган тайинли ишим йўқ. Ҳозир у ерда машиналар ниҳоятда кўп. Машина сотиб олган одам бир жойда қололмайди. Мана, жаноб Эймз, шу уйнинг собиқ хўжайнини машина сотиб олгунча жуда ажойиб, вазмин жентльмен эди. Бир ой ўтмай уйни сотишини эълон қилди. У уйдаги ҳар бир ётоқхонага сув жўмраги ва электр энергияси

ўрнатиш ҳамда бошқа шароитлар учун мўмайгина пул сарфлаганди. «Сиз топганингизни ҳавога со- вурасиз», – дедим унга. У эса менга: «Мен уй учун икки мингни қуртдай санаб оламан», – деб жавоб берди. Худди шундай бўлди ҳам.

– У уч мингни санаб олди, – кулиб туриб чолнинг сўзини тўғрилади Аликс.

– Икки минг, – сўзини қайтарди Жорж. – Бу сумма ҳақида ўша пайтда айтишганди.

– Э, йўқ, у уч минг олди, – деди қатъий Аликс.

– Аёллар рақамларни тушунишмайди, – ўз сўзида туриб олди Жорж. – Жаноб Эймз сурбетлик билан сиздан уч минг талаб қилмагандир?!

– У мен биланмас, эrim билан гаплашганди.

Жорж яна гулларга эгилди.

– Баҳоси икки минг эди, – ўжарлик билан такрорлади боғбон.

Аликс у билан баҳслашмади. Сал четроқдаги гулзорга бориб, гуллардан уза бошлади. Уйга бир даста гул билан қайтаётганда, барглар орасидан тўқ яшил рангли кичкина нарса кўринганини сезиб қолди. Ўша нарсани қўлига олди. Майлум бўлдики, бу эрининг ёзув дафтарчаси экан. Дафтарчани очиб, қизиқиш билан ўқий бошлади.

Оила қурган дамларининг бошиданоқ, у Жоржнинг табиатан ҳиссиётли ва таъсирчан бўлса-да, тартибли ва саранжомлиги билан ажралиб туришини сезганди. Жеральд учун қатъий бир хил вақтда овқатланиш муҳим эди. Шунингдек, эртанги кун учун вақтини тартиб билан тақсимларди.

Ёзув дафтарига қараб туриб Аликс ўзига фаройиб туюлган ёзувга эътибор қаратди. Ёзув

«14 май» деб белгилаб қўйилганди: «Аликсга уйланиш. Авлиё Пётр черкови, 2.30».

Аликс «Тентаккинам», дея кулиб бошқа бетни очди. «Чоршанба, 18 июнь». Бугун чоршанба-ку! Ҳусниҳат билан: «Кечқурун соат 9.00 да», – деб ёзилганди. Бошқа ҳеч нарса йўқ. «Кечқурун соат 9.00 да нима қилмоқчи?» – ҳайрон бўлди Аликс. Кулиб туриб ўйлай бошлади: агар Жеральдда қандайдир севги можароси бўлганда, ён дафтарчасидан билиб олган бўларди. Ўша бегона аёлнинг исми ёзиларди. Аликс эриниб ён дафтарчанинг сўнгти сахифаларини вараглади, қандайдир тушунарсиз иш юзасидан ёзув ва фақат биргина аёлнинг исми бор эди, у ҳам бўлса ўзининг исми. Аликс ён дафтарчани чўнтағига солди ва уйига йўналди, кўнглини тушунарсиз безовталик қамраб олди. Шунда Дикнинг сўзларини эслади: «Бу одам сенга бутунлай бегона. У ҳақда ҳеч нарса билмайсан!»

Бу тўғри. Ростданам, эри ҳақида нима билади? Жеральд қирқ ёшда, албатта, шу пайтгача унинг ҳаётида бошқа аёллар бўлган...

Бу ҳақда ўйламасликка қарор қилди. Шундогам ишлари бошидан ошиб-тошиб ётиби. Эрига Дик Виндифорд қўнғироқ қилганини айтиш керакмасмикин? Балки Жеральд уни қишлоқда учратгандир? Уйга келиб, бу ҳақда албатта эслатарди, шунда ҳаммаси ўрнига тушарди. Ёки... Аликс бу ҳақда эрига мутлақо оғиз очишни истамаётганини тушуниб етди. Агар эрига айтса, у Дикни албатта уйга таклиф қиласи. Унда Дик келмоқчи бўлгани ва жўяли баҳона билан унга рад жавобини берганлигини тушунтиришга тўғри

келади. Жеральд нега бундай қилганини сўраса, нима деб жавоб беради? Ўзининг қўрқинчли тушини айтадими? Эри устидан кулади ёки унданам ёмони – бу ташрифга ортиқча аҳамият берилган ва у ҳеч қандай аҳамият касб этмайди, деб ўйлади.

Нихоят, ҳеч нарса айтмасликка қарор қилди. Бу унинг эридан яширган биринчи сири эди, шу боис ўзини ёмон ҳис этди.

Кечки овқат олдидан Жеральд келаётганини эшитиб, саросимадалигини яшириш мақсадида ошхонага шошди ва ўзини егулик тайёрлаш билан жуда банддек тутди.

Жеральдинг Дик Виндифордни кўрмагани дарров билинди. Аликс ўзида енгиллик ва бир вақтнинг ўзида саросималик ҳис этди, чунки авваллари эридан ҳеч нарса яширмаганди. Кечки овқатдан кейин барча жиҳозлари дубдан ясалган, кенг, очиқ деразаларидан оқшомнинг муаттар нафаси уфуриб турадиган ошхонада ўтиришганди. Аликс ёзув дафтарчасини эслади.

– Ҳа, айтгандай, сен бугун гулларни нима билан сугординг, – Аликс эрининг тиззасига ёзув дафтарчасини ташлади. – Балки, боғда қаердадир уни тушириб қолдиргансан? Энди мен сенинг барча сирларингни биламан.

– Айбим йўқ, – бошини чайқади Жеральд.

– Бугун кечқурун соат тўққизда қанақа учрашув белгилагансан?

– Э, ҳа, буми... – Аввалига Жеральд эсанкираб қолди, бир сониядан сўнг жилмайди. – Бу ажойиб севги учрашуви, жуда гўзал бир қиз билан, исми Аликс. Унинг қўнғир сочи, мовий кўзлари сеникига жуда-жуда ўхшайди.

– Тушунмаяпман, – деди Аликс жиддийлик билан. – Сен жавоб беришдан қочяпсан.

– Йўқ. Тўғрисини айтсам, бугунги бир нечта негативларни сурат қилиб чиқаришни режалаштиргандим. Менга ёрдаминг керак.

Жеральд Мартин сураткашликка муккасидан кетганди. Уннинг фотоаппарати бор эди. Озигина эскирган бўлса-да, линзаси жуда яхши эди. У пластинкаларни ертўлада фотолабораториясида қоғозга чиқаарди.

– Шуни роппа-роса соат тўққизда тайёрлаш керакми? – эрининг қитиқ патига тегди Аликс.

– Азизам, – унинг овозидан жаҳли чиққанлиги билиниб турарди, – барча нарсани аниқ режалаштириш лозим. Ана шунда ўз ишингни ўзинг истаганингдек бажарасан.

Бир зум Аликс эрини жимгина кузатди. Эри бошини стулнинг суянчиғига ташлаб, сигарет чекди: соқоли топ-тоза қилиб қиртишлаб олинган юзининг шакл-шамойили қоронфида аниқ кўринарди.

Кутилмаганда Аликсни қўрқинч эгаллаб олди, ўзини тутиб ололмай шундай деди:

– О, Жеральд, мен сен ҳақингда ҳамма нарсани билишни хоҳлайман!

Эри ажабланиб унга қаради.

– Азизам Аликс, сен мен ҳақимда барча нарсани биласан-ку. Мен сенга Нортумберленддаги ёшлигим, Жанубий Африкадаги ҳаётим ва Канадада ўн йил яшаганим-у, омадим келиб бойиб кетганим тўғрисида сўзлаб бергандим.

– Булар ҳаммаси иш бўйича!

– Ҳа, нимани билишни истаётганингни тушундим! – бирданига кулиб юборди Жеральд. – Сиз,

аёллар, ҳаммангиз бир хилсиз. Сизларни шахсий ишдан бошқа ҳеч нарса қизиқтиримайди.

Томоғи қуриб қолаётганини сезган Аликс тушиниб бўлмайдиган тарзда сўзлади:

— Лекин... сенда бошқа аёллар ҳам бўлган-ку. Мен айтмоқчиманки... агар билсан...

У жим бўлиб қолди. Жеральд энсасини қотирди; сўзлаганда унинг овозида мулоҳимлик йўқ эди.

— Аликс, сен бу... «Кўк соқол хонаси»га¹ ишонасанми? Ҳа, менинг ҳаётимда аёллар бўлган, буни инкор этмайман. Агар буни инкор этсан, сен бунга ишонмасдинг. Мен қасам ичишим мумкинки, уларнинг бирортаси менга сенчалик азиз бўлмаган.

Унинг овозидаги самимилик Аликсни тинчлантириди.

— Таскин топдингми? — кулиб туриб сўради Жеральд. Унинг нигоҳида меҳрибонлик бор эди. — Сени бу нарсалар ҳақида гапиришга нима мажбур қилди?

Аликс ўрнидан туриб хона ичида безовта юра бошлади.

— Ўзим ҳам билмайман. Кун бўйи асабийлашдим.

— Фалати-ку, — деди деярли пичирлаб Жеральд. — Жуда фалати.

— Нега фалати?

— Азизам, менга ундай қарама. Бундай дейишимнинг сабаби, сен, одатда, шундай босик ва мулоҳимсанки...

Аликс зўрама-зўраки жилмайди.

— Бугун мени барча нарса худди атайнин жаҳлимни чиқараётгандек, — тан олди у. — Кекса

¹ Шарль Перонинг эртагидаги дофули эр назарда тутилмоқда.

Жорж бизни Лондонга боради деб юрибди. Буни сен айтганмишсан.

– Сен уни қаерда кўрдинг? – Жеральднинг овози кескин ўзгарди.

– У бугун жума куни хисобидан ишлади.

– Миясини еган аҳмоқ чол, – жаҳли чиқди Жеральднинг.

Жеральднинг юзи ўзгаргани Аликсни ҳайратлантириди. У ҳеч қачон уни бундай фазабланган ҳолатда кўрмаганди. Унинг ҳайратини сезиб қолган Жеральд ўзини қўлга олишга харакат қилди.

– У ҳақиқатан ҳам ақлдан озган чол, – тақрорлади Жеральд.

– Чол шундай деб ўйлашига сабаб бўладиган нима дегандинг?

– Мен ҳеч нарса демадим. Ҳар ҳолда... ҳа-а-а, эсладим. Мен ҳазил аралаш унга Лондонга кетамиз деб айтгандим, у эса буни жиддий қабул қилибди-да. Балки у яхши эшитмагандир. Сен ўзинг унга тушунтиргандирсан?

– Ҳа, албатта. Жорж шундай қариялар тоифасиданки, миясига бир нарсани қўйиб олса, тамом, уни чиқариб ташлаши қийин.

Шунда Аликс Жорж уй учун икки минг маблағ тўланган, деб туриб олганини гапириб берди.

Бироз жим туриб, Жеральд секин сўзлади:

– Эймс икки минг нақд, қолган мингини эса гаров асосида олишни хоҳлади. Мана, қарияда бу фикр қаердан пайдо бўлган.

– Ана энди барчаси аён бўлди, – деди Аликс. У девор соатига қаради ва эрига нозланиш билан ишора қилди.

– Биз ишни бошлишимиз керак. Беш дақиқага кечикибмиз.

Жеральднинг юзида фалати табассум пайдо бўлди.

– Фикрим ўзгарди. Бугун мен суратлар билан шуғулланмайман.

Аёл ақли – жуда ажойиб. Аликс уйқуга кетишдан олдин хотиржам ва ғам-ташвишсиз эди. Бир ларзага тарк этган баҳти яна илгариғидек жойига тушди. Эртаси куни кечқурун баҳтига нимадир халақит берәётганини хис қилди. Дик Виндифорд бошқа қўнғироқ қилмади. Аммо айнан шу инсон фалаёнли нотинчлик сабабчисидек туюлди. Қайта-қайта унинг сўзларини эслади: «Бу инсон сенга мутлақо бегона. Сен уни умуман билмайсан». Шу лаҳзадаёқ эрининг: «Сен шу ... «Кўк соқол хонаси»га ишонасанми?» – деб гапираётгандаги юз ифодаси қўз олдида жонланди. Эри нега бу гапларни айтдийкин? Унинг сўзида огоҳлантириш ёки деярли қўрқитиш, яхшиси, менинг ҳётимга аралашма, деган иддао бордек эди.

Жума куни эрталаб Аликс Жеральднинг ҳаёттида «Кўк соқол хонаси»да яширишга ҳаракат қилаётган бошқа аёл борлигига қатъий ишонч ҳосил қилди.

Энди секинлик билан Аликсни рашк ўти алангаси эгаллай бошлади. Кечқурун соат 21.00 да учрашув белгилаган! У негативларни қофозга чиқаришим керак, деб баҳона ўйлаб топмадимкан?

Уч кун олдин у, эримни тўла-тўқис, мукаммал биламан, деб қасам ичиши мумкин эди. Энди эса эри ҳақда ҳеч нарса билмайдиган, бегона одамдек бўлиб қолди. Эри ўтган кеча Жоржга қандай

жаҳл қилганлигини эслади: бу оғир, босиқ Жеральднинг ўзига ҳеч ҳам ўхшамас эди. Балки шу арзимас нарса унинг кўзини очгандир: у эри хақида мутлақо ҳеч нарса билмайди-ку!

Жума қуни Аликс қишлоққа бориб нимадир сотиб олиши лозим эди. Бу борада у Жеральдга боғда қолишни таклиф қилган ҳолда хабар қилди. Жеральд қизишиб бу режани рад этди, қишлоққа ўзим бораман, сен уйда қоласан, деди. Бу Аликсни бироз ажаблантириди. Аликс эрига ён берди, бироқ Жеральднинг қатъияти уни баттар таажжублантириди ва хавотирга солди. Нега Жеральд Аликснинг қишлоққа боришига бунчалик қарши чиқдийкин?

Бирдан унинг хаёлига балки Жеральд Дик Виндифордни учратган-у, бу ҳақда менга бирор сўз айтмаган бўлиши мумкин деган фикр келди. Мудраб ётган рашки авж олди. Жеральд билан ҳам худди шундай бўлиши мумкинми? У Аликс Дик Виндифорд билан яна учрашиб қолиши мумкинлигидан безовта бўлмадимикин? Бу фикр шунчалик маъқул келди, Аликс хотиржам тортириди.

Вақт ўтиб борарди, Аликс яна безовталанди. У ўзидаги истакни Жеральд кетиши билан енгишга ҳаракат қилди. Ниҳоят, у ўз виждонини тинчтишиб, эрининг хонасини яхшилаб йиғишириш мақсадида юқорига кўтарилди. Гёёки хонани тозалаган киши бўлиб латта олди.

«Қанийди ишончим комил бўлса, қанийди ишончим комил бўлса эди», – дея ичида такрорларди.

У, агар Жеральдда обрўни тўқадиган бирор ишқали бўлган тақдирда ҳам, бу нарсалар-

ни аллақачон йўқ қилиб бўлган, деб бекорга ўзини ишонтириди. Ичидаги бошқа овоз эса, эркаклар ўта ҳассослик, ортиқча сертакаллуфликлари туфайли жиноят белгиларини фош қилиб қўйишади, дерди. Ниҳоят, Аликс чидаб туролмади. Уятдан чаккалари қизиб, ҳаяжондан ҳаво етишмай, бир даста хат ва ҳужжатларни кўриб чиқди, эрининг барча кийим чўнтакларини кавлаб кўрди.

У фақат икки жойга кўз ташлолмади – кийим жавонининг пастки тортмаси ва ёзув столининг ўнг томонидаги кичик тортма. Энди эса Аликсда уятдан асар ҳам қолмаганди. Энди унда ушбу тортмалардан Жеральднинг ўтмишидаги аёлга тегишли бирор нарсаларни топишига ишонч пайдо бўлганди. Бу фикр Аликснинг онгини қамраб олди. Аликс Жеральд калитларини пастда – ошхонада қолдирганини эслади. У бир шода калитларни келтириб, тўғри келиш-келмаслигини бирма-бир текшира бошлади. Учинчи калит ёзув столининг тортмасига тушди. Аликс шошилмай уни очди. У ерда бир даста пуллар солинган ҳамён чиқди, тортманинг орқа томонида эса ипда бойланган бир даста хат бор эди. Аликс нафаси бўғилиб ипни ечди. Унинг юзи уятдан қизарди, хатларни тортмага ташлади, шартта ёпиб қулфлади. Бу турмушга чиққунча Жеральдга ўзи ёзган хатлар эди.

Энди умуман шубҳа қолмаслиги учун кийим жавонига уннади. Қидирган нарсасини топа олмаслигига қўзи етди.

Афсуски, Жеральднинг калитларидан бирортаси бу тортмага тўғри келмади. Аликс мағлубиятга кўнмади ва бошқа хонага бориб, калитлар шо-

дасини күтариб келди. Ниҳоят, бўш жавон қалити тўғри келди. У қалитни бураб тортмани қўзғатди. Аммо унда чант босиб, вақт ўтган сари сарғая бошлаган газета қирқимларидан бўлак ҳеч вақо йўқ эди.

Аликс енгил нафас олди. Чанг босган газета қирқимларини сақлаш нима учун керак бўлиб қолганини билмоқчи бўлди. Деярли барча газета қирқимлари бир неча йил илгари Америкада нашр этилган газеталардан эди. Уларда фирибгар ва кўп хотинли Чарльз Леметр ҳақидаги шовшувли воқеа хусусида ёзилганди. Леметр бир аёлни ўлдирғанлиги борасида гумон қилинганди. У ижарага олган уй пол тагидан аёл киши жасадининг суюклари топилгани, у «уйланган» жуда кўп аёллар ҳақида қайтиб ҳеч ким ҳеч нарса эшитмаган экан.

У қўйилган айбларни жуда устамонлик билан рад этибди. Бунда унга АҚШнинг энг зўр адвокати ёрдам берибди.

Бундай холатларда Шотландиянинг нуфузли суд ҳайъати аъзоларининг қарори қўйидагича эди: «Жиноят исботланмади». Худди шу сабаб, у асосий айбловда айбсиз деб эълон қилинганди. Аммо-лекин у бошқа жиноятлари учун қамоқ жазосига ҳукм қилинганди.

Аликс ушбу воқеа барчани қандай хаяжонга соганини эслади. Леметр уч йилдан кейин қамоқдан қочиб кетганди. Уни тутишолмади. Бу одамнинг шахси ва аёллар устидан ҳукмронлиги Англиядаги газета сахифаларида узоқ вақт мухокама қилинди. Сахифаларда унинг суддаги ҳаяжонли ҳолатлари, жонли эътиrozлари тасвириланарди: гар-

чи баъзилар бу шунчаки ўйин деб ҳисоблашса-да, унинг юрак хасталиги туфайли кучсизланиб қолиши ҳақида ёзишганди.

Газета қирқимларидан бирида унинг сурати чоп этилганди. Аликс қизиқиш билан узун соқолли, ўқимишли, зиёлига ўхшаш жентльменга тикилди. У кимнидир эслатарди. Кутимаганда, ҳайратда қолди – бу Жеральд эди. Расмдаги эркакнинг кўзи ва қошлари худди Жеральднига жуда-жуда ўхшарди. У сурат тагидаги сўзларни ўқий бошлади. У ерда келтирилган саналарнинг баъзиларини ёзув дафтарчасида кўргандек туюлди. Бу саналар қурбонлар гумдан қилинган кунлар эди.

Гувоҳ сифатида сўзга чиқкан бир аёл маҳбусни чап қўлининг кафтидан сал қуйироқдаги кичкина холидан таниганди.

Аликс қофозни қўлидан тушириб юборди ва чайқалиб кетди. Эрининг чап қўлида, айнан кафтининг пастрогида кичик чандиқ бор эди...

Уй унинг кўзи олдида сузаётгандай бўлиб туюлди. Кейинроқ у нега Жеральд Мартин – бу Чарлз Леметр эканлигини англаб етмаганига ҳайрон қолди. Аликс аччиқ ҳақиқатга дарров ишона қолди.

Сирли ҳодисанинг таркибий қисми сифатида алоҳида ҳодисалар унинг хаёлида юзага чиқа бошлади: уйга тўланган пуллар – Аликснинг пуллари, фақат унинг маблағлари; эрига ишониб топширган облигациялари¹. Файриихтиёрий равища Аликс ҳар доим Жеральд Мартиндан кўркарди ва ундан халос бўлишни истарди. Ўзи

¹ Облигация – қимматли банк қофози.

истамаган ҳолда ёрдамни Дик Виндифорддан кутарди. Бу Аликснинг ҳақиқатни қанчалик дарајада енгиллик билан, шубха ва иккиланишларсиз қабул қилғанлигини изохларди. У Леметрнинг навбатдаги қурбони бўлиши керак эди. Эҳтимол, яқин орада...

Аликс ён дафтардаги ёзувни эслаб, бақириб юборди: «чоршанба, кечқурун соат 21:00». Деворидан осонгина тошни суғуриб олиш мумкин бўлган ертўла! Ҳаммаси чоршанба куни кечқурунга мўлжалланган. Аммо ўзининг қатъий режаларини ўзгартирган ҳолда буни ёзув дафтирига ёзиш – ахир бу телбалик-ку! Йўқ, бу мантиқан тўғри. Жеральд ниманидир режалашибирса, ёзиг борарди. Қотиллик унинг учун гўёки бошқа оддий бизнесдек гап бўлган.

Аммо Аликсни нима қутқариб қолди? Уни нима қутқариб қолиши мумкин эди? Сўнгги дақиқаларда раҳми келиб қолдимикан? Йўқ... Бирдан Аликснинг хаёлига кекса Жорж келди... Эрининг ичидаги сақлай олмаган фазабининг сабаби энди тушунарли бўлди. Шубҳасиз, Жеральд бунга олдиндан замин тайёрлаган, ким учраса, унга, биз эртага Лондонга кетамиз, деб айтган. Кейин Жорж кутилмаганда боқقا ишлаш учун келди, Аликсга бу ҳақдаги сухбатни айтиб ўтди. Аликс эса Лондонга бормоқчи эмаслигини айтди. Аликсни ўша кеча ўлдириш ўта қалтис иш бўларди – Жорж бекасининг сўзларини эслаб қолган бўлиши мумкин эди. Аликс аранг қутулиб қолган. Шу арзимас сухбатини эслаб, тилга олмагандаги борми... Аликс сесканиб кетди.

Бирор дақиқани ҳам зое кетказмаслик керак. Ҳозироқ, у келмасидан олдинроқ бу ердан қочиш керак.

Аликс шошилиб боғламни жойига қўйди ва тортмани қулфлади.

Кутилмаганда Аликс жойида қотди: йўлга олиб чиқувчи эшикнинг фичирлаган товушини эшитди. Эри қайтди. Бир лаҳзада Аликс гўёки жонсиз танага айланди. Кейин оёқ учида юриб, дераза ёнига келди ва секин пардани очиб қаради.

Ха, бу эри экан. Жеральд нимагадир жилмайиб, қайсиdir қўшиқни минғирлаб хиргойи қиласарди. Эрининг қўлидагини кўриб Аликснинг қўрқувдан жон беришига бир баҳя қолди. Бу япянги белкурак эди.

Аликс ҳаммаси бугун кечқурун содир бўлишини тушуниб етди...

Бироқ ҳали имконият бор. Жеральд қўшигини хиргойи қилиб, уйнинг бурчагидан бурилди. Аликс бир сония ҳам иккиланмай, зинапоядан пастга қараб югуреди. Уйдан югуриб чиқсан заҳоти ҳовлининг бошқа томонида пайдо бўлган Жеральд билан тўқнаш келди.

– Салом! Қаерга шошиляпсан? – ҳайрон бўлди Жеральд.

Аликс ҳар доимгидек хотиржам бўлишга ҳаракат қилди. Ҳозирча қочишга имконият йўқ. Аммо эҳтиёткор бўлса, шубҳа уйғотмаса, бундай имконият кейинроқ пайдо бўлиши мумкин. Балки ҳозир ҳам пайдо бўлар...

– Мен йўлак бўйлаб сайр қилмоқчийдим. – Аликс овози заиф ва ишончсиз янграганини сезди.

– Яхши, – деди Жеральд. – Сен билан бирга бораман.

– Йўқ... Жеральд, қўй, керакмас. Мен... бошим бироз оғрияпти, асабим ҳам жойида эмас, яххиси, мен ўзим бораман.

Жеральд Аликсга диққат билан разм солди. Хотинининг кўзида шубҳа пайдо бўлганини сезди.

– Сенга нима бўлди, Аликс? Оқариб кетибсан, устига-устак, қалтираяпсан.

– Йўқ, ҳечқиси йўқ, – кулди Аликс, бор кучини йигиб ўзини одатдагидек тутишга уринди. – Шунчаки, бошим оғриб қолди, холос. Айланиб келсам, ўтиб кетади.

– Сен бекорга мендан кутулишга уриняпсан, – деди илжайиб Жеральд.

Аликс қаршилик қилишга ботинмади. Агар Жеральд унинг огоҳлигини сезиб қолса борми... Жуда қийинчилик билан у ўзини қўлга олиб, ҳар доимгидай тутишга ҳаракат қилди. Эри эса унга нимадандир шубҳа қилиб, кўз қири билан қараб-қараб қўяётганини қиз қўрқув билан пайқаб турарди. У эрининг гумони ҳали ҳам йўқолмаганини сезиб турарди.

Уйга қайтишганда, эри уни қўярда-қўймай жойига ётқизди ва одеколон билан чаккасини артиб қўйди. Жеральд ҳар доимгидек эътиборли ва фамхўр эр эди. Аликс ўзини худди қопқонга тушиб қолгандек ҳимоясиз сезди.

Жеральд уни бир дақиқа ҳам ёлғиз қолдирмади. Бирга ошхонага йўл олди, олдиндан тайёрлаб қўйилган кечки овқатни олиб келишга ёрдамлашди.

Кечки овқатни ейишаётганда, бир бўлаги томоғига тиқилиб қолди, Аликс эса ўзини ейишга мажбур бўлди ва ҳаттоки, хушчақчақ бўлишга уринди. Ҳозир у ўзининг ҳаёти учун кураш олиб бораётганини билиб турарди. Бу одам билан яккана-якка эди, унинг ҳукмронлиги остида ёрдам кутиш эса бефойда эди – қишлоққача бир

неча чақирим масофа. Ягона имконият – унинг шубҳасини йўқотиб, бир неча дақиқага бўлса ҳам ёлғиз қолиш йўлини топиш. Шу вақт ичида пастга тушиб, қўнғироқ қилиб ёрдам сўрашга улгурди. Энди умид фақат шундан.

Бирданига умидни бошқа томондан қидириш хаёлига келиб қолди. У Жеральднинг биринчи сафар режасидан воз кечганини эслади. Мабодо, агар бугун Дик Виндифорд кўргани келмоқчилигини айтса-чи? Шундай деб айтишига озгина қолганда, яна фикридан қайтди. Бу одамга икки марта халақит беролмайсан. Жеральднинг ташқи хотиржамлиги остида қатъийлик яширинган, унда қувончли ҳаяжон сезилмоқда, бу эса Аликсда нафрат ҳиссини уйғотди. Киз бу билан фақат жиноятни тезлатиши мумкин эди. Жеральд дарров ишини битириб, кейин bemalol Дикка қўнғироқ қилиб, улар кутилмагандан кетишаётганини айтиши турган гап. Эҳ! Қанийди кечқурун Дик келса! Агар Дик... У кўз қири билан эрига қаради, эри фикрини кўзидан билиб олишидан қўрқди. Энди унда қутулиш режаси пайдо бўлганда, жасорати ҳам қайтиб келди. Киз шунчалик хотиржам бўлиб қолдики, бундан унинг ўзи ҳам ҳайрон бўлди.

Аликс қахва тайёрлаб, эр-хотин қўпинча кечки пайт тоза ҳавода гаплашиб ўтирадиган айвонга олиб чиқди.

– Дарвоке, – деди бирдан Жеральд, – бугун расмларни бироз кечроқ чиқарамиз.

Аликс бирдан сесканиб кетди, бироқ у бепарво ҳолатда эътиroz билдириди:

– Нима, сен бир ўзинг бажаролмайсанми бу ишни? Мен бугун чарчадим.

– Бу кўп вақтни олмайди, – Жеральд ўз фикридан завқланиб жилмайди. – Бундан ташкари, мен сенга ишонтириб айтаманки, бу ишдан кейин чарчаш нималигини билмайман.

Бу сўзлардан Жеральд нашъя қилди. Аликс ўз режасини ҳозир бажариши керак, акс ҳолда ҳеч қачон амалга оширолмайди.

У ўрнидан турди.

– Мен қассобга қўнғироқ қилмоқчиман, – деди Аликс. – Сен шу ерда ўтира тур.

– Қассобга? Шундай кеч бўлганда-я?

– Xa, албатта, тентаккинам, унинг дўкони ёпиқ-ку. У балки уйидадир. Эртага шанба, кимдир олиб кетмасидан менга лаҳм бузоқ гўштини олиб келсин дегандим. Мехрибон чол мен учун ҳар нарса қилишга тайёр.

Киз тезда уйга кирди-ю, эшикни ёпиб олди. Жеральднинг: «Эшикни ёпмагин», – деганини эшилди ва хотиржам бўлиб жавоб берди:

– Эшик очиқ қолса, уйга чивин киради. Чивинни ёмон кўраман. Тентаквой, сен, нима, мени қассоб билан нозланиб гаплашади, деб қўрқяпсанми?

У телефон гўшагини қўтариб «Саёҳатчилар герби» меҳмонхонаси рақамини терди. Тезда улаб беришди.

– Бу жаноб Виндифордми? Йўқ? У ҳалим мекмонхонадами? Мен у билан гаплашсам бўладими?

Унинг юраги бирдан ҳаприқиб кетди: эшик очилиб, йўлакдан эри кириб келди.

- Жеральд, кетгин, – хафа бўлиб деди у.
- Телефонда гаплашаётганимни кимдир эшитса, жинимдан ҳам ёмон кўраман.

Жеральд кулди ва стулга ўтириди.

– Сен ростдан ҳам қассобга қўнфироқ қиласанми? – кула туриб сўради у. Аликс тушкунликка тушди: режаси барбод бўлганди. Бир дақиқадан сўнг Дик Виндифорд гўшакни кўтаради. Балки гўшакни кўтариб, таваккалига бақириб ёрдам сўрасамикан? Асабийлашган ҳолда гўшакнигоҳ маҳкам қисиб олар, гоҳ қўйворарди. Бирдан миясида янги режа пайдо бўлди. Агар дастакни босса, унда линиянинг иккинчи томони уни эшитмайди.

«Буни бажариш жуда қийин бўлади, – ўйлади Аликс. – Доимо эсда тутишим керакки, мен қассоб билан гаплашяпман, ҳеч тутилмаслигим керак. Ишонаманки, мен буни уддасидан чиқаман».

Шу фурсатда гўшакда Дик Виндифорднинг овози эшитилди. У дастакни бўшаштириб, чукур нафас олиб сўзлай бошлади:

– «Булбуллар ошёни»дан кошонасидан Мартин хоним бўламан. Марҳамат қилиб (*дастакни босиб*), эртага эрталаб яхшилаб майдаланган олти бўлак бузоқнинг гўштидан олиб келинг (*яна дастакни қўйвориб*). Бу жуда муҳим (*дастакни босиб*). Раҳмат сизга, жаноб Хексуорси. Умид қиласанки, кеч бўлиб қолган бўлса-да, қўнфироқ қилиб безовта қилганимга хафа бўлмайсиз. Бу котлетлар мен учун (*яна дастакни қўйвориб*) ҳаёт-мамот масаласи (*дастакни босиб*). Жуда яхши, эртага эрталаб (*дастакни қўйворди*), қанча тез бўлса, шунча дуруст.

Гүшакни жойига қўйиб, оғир нафас олганча, қайрилиб эрига қаради.

– Демак, қассоб билан шунаقا гаплашар экансан-да-а? – деди тикилганча Жеральд.

– Бошқа аёллар қандай гаплашса, шундай, – деди ҳаяжонини зўрға босиб, эътиборсиз жавоб берди у.

Жеральд хеч нарсадан шубҳаланмади. Дик эса ҳеч нима тушунмаган бўлса-да, барибир келади.

У меҳмонхонага бориб чироқни ёқди. Жеральд унинг ортидан келди.

– Кайфиятинг аъло кўринади, – сўради Жеральд қизиқиб тикилган ҳолда.

– Ҳа. – Баш оғрифим қолди.

У ўзининг ҳар доимги жойига ўтирди, рўпаратасидаги оромкурсига ўтирган эрига қараб жилмайди. Қутулди. Ҳозир саккиздан йигирма беш дақиқа ўтятти. Соат тўққизгача Дик келишга улгуради.

– Менга тайёрлаб берган қаҳванг ёқмади. Жуда аччиқ экан, – шикоят қилди Жеральд.

– Мен янги навини синаб кўрдим. У сенга ёқмаган бўлса, бошқа сотиб олмайман, азизим.

Аликс тикиш-бичишга шўнғиб кетди. Жеральд китоб ўқишига тутиндиги. Бир неча сахифа ўқиб бўлгандан сўнг, соатига қаради ва китобни отиб юборди.

– Саккиз ярим. Ертўлага тушиб, ишни бошлиш вақти бўлди.

Аликснинг қўлидагилари тушиб кетди.

– О, ҳали эмас. Тўққизгача кутайлик-чи.

– Йўқ, қизалофим. Саккиз ярим – мен шу вақтга режалаштирганман. Сен ҳам эртароқ ётар-

динг шунда.

– Мени түккизгача кутгим келяпти.

– Биласан-ку, мен ҳар доим тартиб-интизомга амал қиласман. Кетдик, Аликс. Мен бир дақиқа ҳам кутмоқчимасман.

Аликсни кутилмаганда даҳшат эгаллаб олди. Жеральд гүёки ниқобини ечиб ташлаганди. Унинг кўллари қалтирап, кўзлари аланг-жаланг бўлиб ялтирап, узлуксиз қуриган лабларини яларди. Жеральд энди ҳаяжонини яширишга уринмай қўйди. «Ҳақиқатдан ҳам, – ўйлади Аликс, – у ростдан ҳам кутолмайди, худди савдойига ўхшайди». Жеральд «Ўлжасининг» олдига келди ва елкасидан ушлаб, шартта оёққа турғазди.

– Бўла қолсанг-чи, дўндиқчам, акс ҳолда, сени кўтариб олиб бораман.

Жеральд бу сўзларни хушчакчақ оҳангда айтди, бироқ унинг овозидаги шафқатсизлик Аликсни даҳшатга солди. Сўнгги кучини жамлаб, Аликс унинг кўлидан сирғалиб чиқди, фужанак бўлган ҳолда деворга суюнди. Аликс ноилож ахволда эди. Қочиб кетолмасди, ҳеч нарса қилолмасди, Жеральд эса яқинлашиб келаверди.

– Юрсанг-чи, Аликс...

– Йўқ-йўқ!

Аликс қичқирди ва ўзини ҳимоя қилиш учун кўлларини олдинга чўзди.

– Жеральд... тўхта... Мен сенга бир нарсани айтмоқчиман... иқрор бўлмоқчиман...

Жеральд ростданам тўхтади.

– Иқрор бўлмоқчисан?

– Ха, иқрор бўлмоқчиман.

Аликс буни ҳозиргина ўйлаб топди ва умид билан уни қизиқтира бошлади.

– Собиқ ўйнашингдир балки? – заҳархандалик билан қулди Жеральд.

– Йўқ. Бошқа нарса. Сен буни... ха, сен буни жиноят деган бўлардинг.

Аликс аниқ мўлжалга теккизганини, қотил қизиқиб қолганини пайқади ва тинчланди.

– Сен, яххиси, ўтириб ол, – хотиржам сўзлади Аликс ва туриб ўзининг стулига ўтириди.

Аликс эгилиб ердан чеварчилик ишини олди. Ташқи хотиржамликни сақлаган ҳолда саросима ичида кейин нима дейишини ўйларди. Чунки унинг ҳикояси то ёрдам келгунга қадар Жеральдни чалфитиб, шу ерда ушлаб туриши керак.

– Сенга айтгандим-у, – аста сўзлай бошлади Аликс, – ўн беш йил машинкачи бўлиб ишлаганман. Бу унчалик тўғри эмас. Мен икки марта ишимни ташлаганман. Буни биринчи марта йигирма икки ёшдалигимда қилганман. Мен унча катта мулкка эга бўлмаган, ёши каттароқ одамни учратгандим. У мени севиб қолди ва турмушга чиқишин таклиф этди. Мен унинг таклифини қабул қилдим. Биз турмуш қурдик, – Аликс жим қолиб, сўнг яна гапида давом этди: – Уни ўз ҳаётини менинг номимга суурита қилишга кўндиридим.

Шунда Аликс Жеральднинг юзида катта қизиқиши пайдо бўлганини кўрди. Улкан ишонч билан ҳикоясини давом эттириди.

– Уруш даврида мен бир фурсат госпитал ичидаги дорихонада ишлагандим. Ўша пайтларда камёб дорилар ва заҳарлар билан иш кўришга рухсат олгандим.

Аликс худди ўйга ботгандек гапидан тўхтади. Энди Жеральд ҳикоянинг давомини сабр би-

лан кутишига шубҳа йўқ. Қотил қотилликларга қизиқади. Аликс шу нарсадан қойилмақом тарзда фойдаланиб қолди. Кўз қири билан соатга қаради: йигирма бешта кам тўққиз.

– Худди оқ кукунга ўхшаш заҳар бор. Озгинасиям ўлдиради. Балки сен заҳарлар тўғрисида нимадир биларсан?

Аликс хавотир билан унинг жавобини кутди. Агар у заҳарларни тушунса, эҳтиёт бўлиш лозим.

– Йўқ, – деб жавоб берди Жеральд. – Мен бу тўғрида жуда кам нарса биламан.

Аликс енгил нафас олди.

– Гиосциамин ҳақида эшитгандирсан? Бу заҳар ўзидан ҳеч қандай из қолдирмайди. Ҳар қандай шифокор юрак ёрилган деб тан олади. Мен жиндак заҳар ўғирлаб, уни ўзимда сақлаб турдим.

– Давом эт, – деди Жеральд.

– Йўқ. Қўрқаман. Сенга бу ҳақда айтольмайман. Бошқа сафар.

– Йўқ, ҳозир, – сабрсизлик билан эътиroz билдириди Жеральд.

– Турмуш қурганимизга бир ой бўлганди. Мен ўзимнинг кекса эримга жудаям яхши муносабатда бўлардим, унга фамхўр ва меҳрибон эдим. У мени барча қўшниларимизга мақтарди. Эримга садоқатли эканлигимни ҳамма биларди. Кечқурунлари унга ўзим қаҳва дамлаб берардим. Бир куни кечқурун ёлғиз қолган пайтимизда унинг финжонига заҳар кукунини солиб қўйдим.

Аликс секингина игнага ип ўтказаётган бўлиб жимиб қолди. Шу дамда у гарчи саҳнада роль ўйнамаган бўлса-да, дунёнинг энг кучли актрисалари билан беллаша оларди. Аликс ҳозир совуқкон қотил ролини ўйнаётганди.

– Ҳаммаси тинчгина ўтди. Мен ўтириб, уни кузатдим. У бўғилишни бошлади, мен унга, ҳаво етишмаяпти, дедим. Деразани очдим. Кейин эса стулдан туролмаяпман, деди. Бир неча дақиқадан сўнг у жон берди.

Аликс жилмайди. Соат ўн бешта кам тўққиз. Энди Дик улгурса керак.

– Суғурта полиси учун қанча олдинг?

– Икки минг фунтга¹ яқин. Мен биржада ўйнаб, барчасини бой бердим. Яна ўз ишимга қайтдим. У ерда узоқ вақт ушланиб қолиш ниятим йўқ эди. Бошқа инсонни учратдим. Яна қизлиқ фамилиямга қайтдим, у эса мени аввал турмушга чиққанимни билмасди. У ёш, кўриниши анча яхши ва бадавлат эди. Тўйимиз бўлди. У мен ўйлаганимдек, ҳаётини менинг номимга суғурта қилмади. Бироқ васиятномани менинг фойдамга тайёрлассидирди. У биринчи эримга ўхшаб, қахва тайёрлаб беришмни яхши кўрарди. – Аликс ўйчан кулиб қўйди. – Мен қаҳвани яхши тайёрлайман, буни ўзинг яхши биласан. Биз яшаган қишлоқда бир қанча дўстларим бор эди. Кечки овқатдан сўнг эримнинг тўсатдан юраги ёрилиб вафот этганидан қайfu чекишиди. Илгариги ишимга нега қайтдим, билмайман. Иккинчи эрим менга тўрт минг фунтга яқин маблағ қолдирди. Бу сафар биржада ўйнамадим; пулларимни фойдали ишга тиқдим. Кейин кўрганингдек...

Гапни тўхтатишга тўғри келди. Жеральд юзи қизарган ҳолда нафас ололмай, қалтираган бармолгини қизга бигиз қилиб:

¹ Фунт – Англия пул бирлиги.

– Қаҳва! Вой Худо! Қаҳва! – деб фўлдиради.

Аликс ҳайратланиб унга тикилди.

– Нима учун аччиқлигини энди тушундим! Сен иблиссан! Яна ўз найрангларингни бошлабсан-да! – Жеральд Аликсга ташланишга жазм қилган ҳолда оромқурсининг тутқичидан ушлади. – Сен мени заҳарладинг!

Аликс каминга қараб югурди. Даҳшатдан барчасини инкор қилмоқчи бўлди-ю, аммо бундай қилмади. Ҳозир Жеральд уни тутиб олади! Аликс бор кучини нигоҳига жамлаб, Жеральднинг баширасига зўр бериб тикилди.

– Ҳа, – деди Аликс. – Мен сени заҳарладим. Заҳар таъсир қилишни бошлади. Сен ҳозир ўрнингдан туролмайсан... қимиirlай олмайсан...

Уни бир неча дақиқага оромкурсида ушлаб туриб, ташқарига чиқиб олишнинг имкони бўлганда эди!.. Нима бу? Йўлакда қадам товушлари эши-тилди. Ташқари эшик очилди.

– Сен ўрнингдан қимиirlай олмайсан, – такрорлади Аликс.

Кейин Жеральднинг олдидан чопиб ўтиб, хондан чиқди, хушидан кетиб, Дик Виндифорднинг қўлига йиқилди.

– Ё Худойим, Аликс! – хитоб қилди Дик ва полиция кийимидағи баланд бўйли, бақувват эркакка юзланди: – Бу ёққа ўтиб, қаранг-чи, у ерда нима бўляпти?

Дик Аликсни күшеткага секингина ётқизиб унга эгилиб қаради.

– Ўзимнинг миттигинам, – эркалади Дик. – Менинг бечора қизалогим! Сени нима қилиб қўйишид?

Қизнинг чаккалари титради ва заиф овозда унинг исмини айтди.

Полициячи қўлидан ушлагандагина Дик ўзига келди.

– Ичкарида ҳеч нарса йўқ, жаноб. Фақат оромкурсида бир киши ўтирибди. У жуда қўрқ-канга ўхшайди ва ...

– Хўш?

– У... ўлган, жаноб.

Улар Аликснинг овозини эшитиб, сесканиб кетишиди. Аликс туш кўраётгандек кўзлари юмуқ ҳолда алаҳсиради:

– Бироз муддатдан сўнг... у жонсиз эди... – Қиз худди кимнингдир сўзларини ёдга олиб, так-рорлаётгандек эди.





ЛҮЛИ ҚИЗ

Макферлейн дўсти Дик Карпентернинг лўлиларни тушунарсиз тарзда ёқтириласлигига бир неча бор гувоҳ бўлди. Бунинг сабабини у сира билолмасди. Дикнинг Эстер Лоэс билан фотиҳаси бузилганидан кейин дўстлар орасидаги муносабат дархол ойдинлашди.

Макферлейннинг ўзи Эстернинг синглиси Рәчел билан унаштирилганига деярли бир йил бўлганди. У ҳар иккала қизни болалик пайтидан биларди. Табиатан сусткаш ва эҳтиёткор бўлган Макферлейн Рәчелнинг маъсума чеҳраси, ҳеч қаҷон алдамайдиган кўзлари тобора ўзига мафтун этиб бораётганига анчагача иқрор бўлолмай юрди. Эстерга ўхшаб соҳибжамол эмасди, йўқ! Бироқ унга нисбатан анча оққўнгил ва нозик! Эркаклар орасидаги қуюқ дўстона муносабат Рәчелнинг опаси билан Дикнинг унаштирилувидан сўнг бошланди.

Мана, орадан бир неча ҳафта ўтгач, Дикнинг фотиҳаси бекор бўлди, қўнгилчан йигит қаттиқ қайфурди. Шу пайтгача унинг ҳаёти силлиқ кетаётганди. У флотга кетиб, яхши касбни танлади. Чунки денгизга муҳаббат унинг қонида бор эди. Жайдари табиатга эга, ниҳоятда соддадил Дик викинглар¹ни әсллатарди. Ҳиссиётларни намоён қилиш ахлоққа зид ҳамда фикрларни сўзда баён

¹ Викинг – қадимги Скандинавияда ҳарбий денгиз аскари.

этиш эса жуда мушкул иш, дейдиган камгап ёш инглизлар тоифасига мансуб әди.

Макферлейн – юрагида кельтилик¹ аждодлари-нинг хаёлпаратлиги яширин, дийдаси қаттиқ шотландиялик әди. Дўсти ўй-хаёллар оқими остида ночор типирчилар, у эса жимгина чекарди. Дўсти ичидағиларни гапириб чиқариб ташлаши лозимлигини Макферлейн тушунарди. Бироқ гап бутунлай бошқа нарса ҳақида кетишини билмаганди. Аввалига Эстер Лоэнснинг исми ҳатто тилга ҳам олинмади. Бу кўпроқ болаликдаги қўрқув ҳақидаги ҳикоя әди.

– Ҳаммаси болалигимда кўрган тушимдан бошланди. Бу шунчаки тушдаги алаҳсираш эмасди. Тушуняпсанми, бу лўли қиз менинг ҳар қандай тушимда пайдо бўлиши мумкин әди. Ҳаттоки, болалар яхши туш деб хисоблайдиган хушчақчақлик, ширинлик, ўйинчоқлар ҳақидагисида ҳам. Мен йиқилгудек даражада ўйин-кулги қилишим мумкин әди, кейин эса билардимки, ҳозир бошнимни кўтарсам, у одатдагидек ҳолатда туриб менга тикилиб қаарди... Биласанми, шундай маъюс нигоҳлар билан менга боқардики, гўёки мен ҳақимда ўзимга ҳам номаълум бўлган нарсани биладигандек әди... Йўқ, бундан нега қўрқишимни ўзим ҳам билмайман, лекин юрак олдириб қўйгандим, қўрқканда ҳам шундай даҳшатга тушардимки... Ҳар сафар бақириб уйгонардим, кекса энагам эса бундай дерди: «Оббо! Хўжайнимиз Дикнинг тушига яна лўли қиз кирди!»

– Ҳақиқий лўли қизлар сени қўрқитмаганмиди?

¹ Кельтлар – Фарбий Европада яшаган қабилалар.

– Бир воқеа содир бўлмагунча, уларни ҳеч қачон кўрмаганман. Мана шуниси ғалати. Мен кучукчамни қидираётгандим. У қочиб кетганди. Мен боғ дарвозасидан чиқиб, ўрмон сўқмоғи бўйлаб йўлга тушдим. Биласанми, биз ўшанда ўрмонда яшардик. Мен ўрмон четидаги ариқ устига қурилган ёғоч кўприкка бориб қолдим. Кўприк ёнида эса лўли қиз турарди. Бошида – тушимда қандай кўрган бўлсам, худди ўшандай қизил рўмоли бор. Шунда мен кўрқиб кетдим! Биласанми, у менга тикилиб қараб турарди... У ҳам худди мен ҳақимда мен билмаган нарсани билар, менга раҳми келарди... Бошини қимирлатиб, бироз эштиладиган қилиб сўзлади: «Яххиси, сен бу ерда юрмагин». Нимагалигини билмайман-у, лекин мен бундан қаттиқ қўрқиб кетдим. Мен унинг ёнидан ўтиб, тўғри кўприкка қараб чопдим. Афтидан, кўприк мустаҳкам эмасди. Хуллас, кўприк синиб кетди ва мен сувга йиқилдим. Сув оқими шунчалик тез эдики, чўкиб кетишимга бир баҳя қолди. Жин урсин, деярли чўкишимга бир баҳя қолганди! Бир умрга эсимдан чиқмайди. Ҳаммаси лўли қиз туфайли эканлигини сезиб турардим...

– Бўлиши мумкин, лекин у сени огоҳлантирди. шундай эмасми?

– Шундай деб ҳисоблашинг мумкин. – Дик жим бўлди, кейин эса сўзида давом этди: – Мен сенга тушим ҳақида сўзлашимнинг сабаби бу содир бўлган воқеага алоқадор деб ўйлаганим учун эмас. Аксинча, мен асло алоқаси йўқ деб ҳисоблайман. Шунчаки, ҳаммаси шундан кейин бошланди, демоқчиман. Энди мен «лўли вассаси» деганда нимани назарда тутишимни би-

ласан. Лоэсларникидаги биринчи кечамдан бошлайман. Унда мен гарбий соҳилдан эндиғина қайтиб келгандим. Мен яна Англияда эканлигим – шундай ажойиб әдики! Лоэслар – оиласизнинг эски қадрдонлари. Қизларини етти ёшимдан бери кўрмагандим, уларнинг кичик укаси Артур менинг қадрдон дўстим эди. Унинг ўлимидан сўнг Эстер менга газеталар жўната бошлади. Қиз жуда қизиқарли хатлар ёзарди. Хатлар руҳимни кўтаарди. Мен ҳар доим муносиб тарзда жавоб хати ёзгим келарди. Қизни кўраман, деб севинчим ичимга сифмасди. Уни хатлари орқали бунчалик яхши билиб олиш жуда антиқа туюларди. Шундай қилиб, мен Лоэсларниги йўл олдим. У ерга етиб келганимда Эстер йўқ эди, уни кутишаётган экан. Кечки овқатда мен Рәчел билан ёнмаён ўтирдим ва ҳар гал бошимни кўтариб, узун стол бўйлаб назар ташлаганимда, ғалати хиссият мени чулғаб олаверди. Гўёки кимдир мени кузатиб тургандек бўлар, ўзимни ўнгайсиз сезардим. Шунда мен уни кўрдим...

– Кимни?

– Ҳаворт хонимни. Мен айнан у ҳақида сенга сўзлаяпман.

Макферлейн: «Мен Эстер Лоэс ҳақида ўйлаётгандим», – деб юборишига озгина қолди, бироқ ўзини тутиб қолди ва Дик сўзида давом этди:

– Унда бошқаларга ўхшамайдиган нимадир бор эди. У кекса Лоэснинг ёнида ўтиради. Фамгин ҳолатда бошини эгиб, бўйини нафис тўрдан тўқилган шарф билан ўраб олибди. Менимча, шарфнинг орқа томони кесилган ҳам эди. Вакти-вакти билан унинг боши атрофида гулхан ёлқинига ўхшаб хилпиарди... Мен Рәчелдан: «Хов,

анави аёл ким? Анави, қора сочли, бүйнида қизил шарф боғлаган аёл?..» деб сўрадим

– Сиз Элистер Хавортни айтаяпсизми? – деди Рэчел. – Қизил шарф ўраган. Ахир у сарфиш сочли хоним-ку. Ростакамига оқ-сариқдан келган хоним.

Ҳақиқатан ҳам аёл оқ-сариқдан келган эди. Ажойиб тилларанг оқиши соchlари бор эди. Бироқ ўша дамда мен унинг соchlари қора эканлигига қасам ичишга ҳам тайёр эдим... Баъзида тасаввуримиз фалати ишларни бажаради. Кечки овқатдан кейин Рэчел бизни таништириди, боғда бирга айландик. Биз руҳларнинг танадан танага қўчиши ҳақида сўзлашдик...

– Бироқ бу сенинг мавзуинг эмас-ку, Дик!

– Ҳа, албатта, биз, одамни биринчи марта учратганингда, гёёки уни кўп йиллардан бери биладигандек бўлишинг ҳақида сўзлашдик. У яна-тағин: «Сиз севишганларни назарда тутаяпсизми?» деб сўради. Бу сўзни шундай оҳиста ва ҳаяжон билан айтишида қандайдир фалати нарса бор эди. Унинг сўзлари ниманидир ёдимга солди, аниқ нималигини эслолмадим ўшанда. Суҳбат давом этарди, бироқ кейин кекса Лоэс айвондан туриб бизни чақирди. Эстер келганини ва мени кўрмоқчилигини айтди. Хаворт хоним кафтини менинг қўлимга қўйиб сўради: «Сиз у ёққа кетяпсизми?» «Албатта, – деб жавоб бердим. – Келинг, бирга борамиз». Шунда... шунда ...

– Нима?

– Бу ёввойиликдек туюлиши мумкин, бироқ Хаворт хоним: «Яхшиси сиз у ерга борманг...» деди, – Дик жим бўлди. – У мени қаттиқ кўркитди. Юрагим қинидан чиқаёзди. Мен

сенга шунинг учун ҳам тушимни сўзлаб бердим... Чунки у бу сўзларни шундай талафғуз қилдики, худди мен ҳақимда ўзим билмаган нарсани биладигандек эди гўё. Бу кўхликкина, мен билан боғда бирга қолишини истаган инсоннинг овози эмасди. У буни қайпули ва ёқимли овозда оддийгина қилиб айтди. Гўёки қандайдир ноҳушликни сезгандек... Балки мен қўполлик қилгандирман, бироқ ўгирилиб, деярли юргурган ҳолда уйга қараб кетдим. Гўёки у ерда мени нажот кутаётгандек эди. Шунда мен аввалбошдан ундан қўрққанимни тушундим. Кекса Лоэсни кўрганимдан ниҳоятда хурсанд бўлдим. Эстер унинг ёнида эди!.. – Дик бир дақиқа жим бўлди, кейин шошилиб фўлдиради: – Уни кўрганимдан сўнг барчаси ойдинлашди. Мен севиб қолгандим.

Макферлейн шу лаҳзада Эстер Лоэсни тасаввур қилди. Бир куни у ҳақда нима дейишганини эшитганди: «Инжил мукаммаллигидаги олти фунт-у бир дюйм¹». «Жуда топиб айтилган», – ўйлади Макферлейн қизнинг нозик қадди-қомати, мармар сингари оқиши юзи, нафис қирғий бурни, соchlари ва кўзларининг қора тусда ярқирашини кўз олдига келтириб. Гўдакларга хос қалб эгаси бўлган Дикнинг маҳв этилгани ажабланарли эмасди. Макферлейннинг юраги эса Эстернинг гўзаллигини тан оларди-ю, аммо уни кўрганда ҳеч нарсани ҳис этмасди.

– Ундан кейин, – давом этди Дик, – биз ни-коҳдан ўтдик.

– Қандай қилиб? Дарров-а?

¹ Фут – 30,48 см га teng узунлик ўлчови; дюйм – 25,5 мм.

– Тахминан бир ҳафталардан кейин. Буларнинг барчаси унга мутлақо керак эмаслигини тушуниши учун яна икки ҳафта керак бўлди... – У синиқ кулимсиради. – Нихоят, кемага қайтадиган сўнгти оқшомим етиб келди. Мен қишлоқдан ўрмон оралаб қайтардим, у ерда Хаворт хонимни кўрдим. Шотландча қизил беретда¹ эди, айтиш мумкинки, мен бир ирғиб тушдим. Мен сенга ўзимнинг ғарой-иб тушим ҳақида сўзлаб бердим, шундай экан, сен буни тушунишинг керак... Бир муддат ёнма-ён кетдик. Биз Эстер хузурида айтиш мумкин бўлмаган бирон-бир сўзни тилга олмадик, тушуняпсанми?

– Ха, шунақами? – Макферлейн қизиқиш билан дўстига қаради. Одамлар ҳали ўзлари охиригача тушуниб етмаган нарсаларни нима учун гапиришлари фалати!

– Эстернинг уйига томон йўл олганимда, Хаворт хоним мени тўхтатди. Хоним айтдики: «Сиз тез орада у ерга борасиз. Яхшиси, хозир бунга шошилманг...» Мана, энди мени даҳшатли нарса кутаётганини билдим ва ... ичкарига киришим билан Эстер мени кутиб олди, у фикри ўзгарганлигини ва буларнинг барчаси унга керак эмаслигини айтди...

Макферлейн ҳамдардлик билан бош чайқади.

– Хўш, Хаворт хоним-чи?.

– Мен уни бошқа кўрмадим... Бугунги оқшомга қадар...

– Бугунги?

– Да, эркаклар шифохонаси қабулхонасида учратдим. Улар торпедо билан боғлиқ баҳтсиз ҳодиса вақтида жароҳатланган оёғимни кўриша-

¹ Берет – гардишсиз, жияксиз енгил ва юмшоқ, ялпоқ бош кийими.

ётганди. Кейинги вақтларда оёғим жуда безовта қиляпти. Қадрдон шифокорим жудаям оддий операция қилишни маслаҳат берди. Хонадан чиқаётганимда, халат устидан қизил кофта кийган қиз билан түқнаш келдим, у шундай деди: «Яхшиси, жарроҳликка рози бўлманг...» Шунда мен бу Хаворт хоним эканлигини кўрдим. Шунчалик тез ўтиб кетдики, уни тўхтатишга улгурмадим. Мен Хаворт хоним ҳақида бошқа ҳамширадан сўрадим. Аммо у бундай исм-шарифли аёл уларда ишламаслигини айтди... Фалати-я?

– Ҳақиқатан ҳам ўша эканлигига ишончинг комилми?

– Ҳа, албатта, биласанми, у шундай гўзал эдики... – Дик жим бўлди ва қўшимча қилди: – Албатта, мен операцияга рози бўламан, аммо... аммо агар нотўғри қартани танлаб қўйсам-чи...

– Қандай бемаънилик!

– Албатта, бу бориб турган сафсата. Шундай бўлса-да, ўша лўли қиз ҳақида сенга гапириб берганимдан хурсандман... Биласанми, унда яна нимадир бор. Эслай олганимда қанийди...

* * *

Макферлейн арчагуллар ўсган тикка йўлдан кўтарилиди. У деярли тепаликнинг чўккисида турган уйнинг дарвозаси томон бурилди. Тишини тишига қўйиб, эшик қўнфиригини босди.

– Хаворт хоним уйдами?

– Ҳа, сэр, ҳозир келганингизни айтаман.

Хизматкор уни ойналари арчагуллар ўсган майдонга қараган, узун, тор хонада қолдирди. Макферлейн бироз қовоини уйди. Бу ерга келиб аҳмоқлик қилмадимикин?

Шунда у бир сесканиб кетди. Тепасида аёл кишининг паст овози эшитилди:

«Лўли қиз, лўли қиз

Ботқоқда яшайди...»

Овоз бирдан тўхтади. Макферлейннинг юраги гупурлаб кетди. Эшик очилди.

Скандинавияликларга хос ғайриоддий гўзалик соҳибаси Хаворт хоним уни ҳайратда қолдирди. Дик тасвирлаган бўлишига қарамай, Макферлейн қизни қора сочли лўли деб тасавтур қилганди... Кутимаганда, у Дикнинг бошқача оҳангда: «Тушуняпсанми, у шундай чиройлики...» – деганини эслади.

Тарифга сифмайдиган даражада бенуқсон, ноёб хилқат – Элистер Хаворт, шак-шубҳасиз, айнан шундай гўзалик соҳибаси эди. Макферлейн ўзини қўлга олишга ҳаракат қилиб, унга юзланди:

– Сиз мени мутлақо билмайсиз, деб қўрқаман. Манзилингизни Лоэслардан олдим. Мен Дик Карпентернинг дўстиман.

Хоним бир дақиқа унга дикқат билан разм солди. Кейин эса тилга кирди:

– Мен юқорига, ботқоқ томон сайд қилишга отланаётгандим. Мен билан бормайсизми?

Элистер ойнали эшикни очиб, тўппа-тўғри тепаликнинг қия жойига чиқди. Йигит унга эргашди. Бу ерда тўқилган оромкурсида оддий, бесўнақай киши чекиб ўтиради.

– Менинг эrim! Морис, биз ботқоқса сайд қилгани бормоқчимиз. Кейин жаноб Макферлейн биз билан овқатланади. Жаноб Макферлейн, сиз бунга қарши эмасмисиз?

– Асло. Миннатдорман.

Макферлейн Элистернинг енгил жуссасига эргашиб, тепаликка кўтарила туриб ўйлади:

«Вой Худо, у қандай қилиб бу инсонга турмушга чиқдийкин?»

Элистер бир тўда тошлар турган жойга қараб йўл олди.

– Келинг, ўтирамиз. Сиз менга айтмоқчи бўлганларингизнинг барчасини айтиб берасиз.

– Сиз гап нима ҳақдалигини биласизми?

– Мен ёмонликни сезяпман. Қандайдир ёмон нарса, тўғрими? Дик борасида?

– У кичик жарроҳлик операциясини бошидан ўтказди. Умуман олганда, операция муввафқиятли кечди. Афтидан, унинг юраги заиф. У наркоз остида вафот этди.

Элистернинг юзида нимани кўришни кутганди, ўзи ҳам билмасди, лекин аниқ ҳозирги кўринишни – туганмас чарчоқлар-у, бутунлай руҳий тушкунлик ҳолатини кутмаганди. У Элистернинг пицирлаганини эшилди: «Яна кутиш керак, узок, жуда узок кутиш...»

Хоним унга қаради.

– Ҳа, сиз нима демоқчийдингиз?

– Фақат шу. Уни кимдир бу жарроҳликдан огоҳлантирган, қандайдир ҳамшира. Дик, бу – сиз деб ўйлаганди. Шу ростми?

Элистер бош ирғади:

– Йўқ, у мен эмасдим. Синглим – ҳамшира. Хирароқ чироқда бизни адаштириш мумкин. Эҳтимол, шундай бўлгандир. – Қиз яна унга қаради. – Бироқ бу муҳим эмас, шундаймасми?

Хаворт хонимнинг кўзлари катта-катта очилди, чуқур хўрсинди.

– Эҳ, – сўзлади қиз, – эҳ, қандай фалати! Сиз тушунмайсиз...

Макферлейн хайрон қолди. Қиз унга тикилиб турарди.

– Мен, сиз тушундингиз деб ўйлагандим... Сизда бўлиши керак ... Сиз ҳам кўринишингиздан шу нарсага қодирдексиз...

– Қайси нарсага?

– Қобилият, тавқи лаънат... қандай хоҳласангиз, шундай атанг. Мен ишонаманки, сиз ҳам бунга қодирсиз... Диққат билан мана бу тошдаги чуқурчага бир назар ташланг! Ҳеч нарса ҳақида ўйламанг, шунчаки қаранг... Ана шундай! – Қиз унинг сесканиб кетганини кўрди. – Ниманидир кўрдингизми?

– Тасаввурда бўлса керак. Назаримда, бирлаҳза тош қонга тўлгандек бўлди.

Элистер бошини силкиди.

– Сиз буни кўришингизни билардим. Мана шу жойда қадимда қуёшга сифинувчилар қурбонликлар қилишган. Бу хусусида менга айтиб беришларидан олдин билганман. Баъзан ҳаттони ўша вактдаёқ худди улар мени ўша ерда тургандек ҳис этишганини тушунаман... Мен шу жойга яқинлашсам, худди уйга қайтаётгандек ҳиссиёт мени чулғаб олади... Умуман, менда Худо берган қобилият борлиги тушунарли. Ахир, мен Фергюссонлар оиласиданман. Бизнинг оиласада келажакни башорат қила оладиганлар бор. Онам турмушга чиққунга қадар медиум¹ бўлган. Исли Кристина эди, анча-мунча одам танирди.

– «Қобилият» деганда сиз келажакни олдиндан кўра олишни назарда тутяпсизми?

– Ҳа, албатта, ўтмишними, келажакними, иккиси ҳам бирдай. Мисол учун, мени нега Морисга турмушга чиқди экан, деб ажабланаётганингиз-

¹ Медиум – спиритизм (марҳумларнинг арвоҳлари билан мулоқотга кира олишга ишониш) таълимотига кўра, одамлар ҳамда руҳлар ўртасидаги воситачи.

ни тушундим. Ҳа, сиз бунга ажабландингиз! Бу жуда оддий: мен доимо унинг устида қандайдир ёмон қисмат хукмронлигини хис этардим. Уни қутқаргим келди... Бу хиссиёт аёлларга хос. Ноёб хислатим билан балои офатнинг олдини олишим мумкин. Мен Дикка ёрдам беролмадим... Аммо Дик буни тушунолмасди... У қўрқиб кетди. У жуда ҳам ёш эди.

– Йигирма икки ёшда эди.

– Мен эса ўттиз ёшдаман. Бироқ гап бунда ҳам эмас. Туташ яқин қўнгиллар жуда кўп нарсада бир-биридан ажратилган бўлиши мумкин. Маконнинг учала ўлчамида ҳам... Аммо энг ёмони, вақт борасида ажратилган бўлса... – У жим туриб, узок ўйлади.

Пастдаги уйдан янграган бонг овози уларни чақирди.

Тушликда Макферлейн Морис Хавортни қузатди. Шубҳасиз, Морис ўз рафиқасини ниҳоятда севарди. Унинг қўзлари гўё забонсиз итларга хос вафодорликдан чақнарди. Макферлейн хонимнинг ҳам ўз эрига меҳрибон онадек мулоийим муносабатини сезди. Тушликда сўнг Макферлейн ўрнидан турди.

– Мен пастда, меҳмонхонада бир неча кунга қолишини ўйлаяпман. Яна бир бор ташриф буюришимга рухсат этсангиз? Эҳтимол, эртага келарман.

– Ҳа, албатта, фақат...

– Нима?

Хаворт хоним қўллари билан қўзларини оҳиста силаб қўйди.

– Билмадим... Биз бошқа учрашмаймиз, деб ўйлаб қолдим бирдан... Бор гап шу... Хайр.

Макферлейн секин-секин йўл бўйлаб пастга қараб тушиб борди. Онгли мушоҳадасига қарши ҳолатда, муздек қўл юрагини фижимлаётгандек ҳис этди ўзини. Албатта, қизнинг сўзларида ножёя нарса йўқ эди, бироқ шундай бўлса-да...

Тўсатдан муюлишда машина чиқиб қолди. Макферлейн тўсиққа ёпишиб олишга улгуриб қолди. Унинг юзи бирданига оқариб кетди.

* * *

Эртаси қуни тонгда уйқудан уйғонган Макферлейн ўтган кечқурун содир бўлган воқеаларни bemalol хотирлай олди: машина, меҳмонхонага тушиб келиш; кутилмаган туман тушиши туфайли шу атрофда ботқоқ борлигини анлаган ҳолда йўлдан адашувига бир баҳя қолиши; деразадан кўмир солинган челякнинг тушиб кетиши; гиламда тутаган кўмир туфайли ёқимсиз куйган хиднинг бурқисиб чиқиши. Аҳамиятсиз! Элистернинг тушунарсиз кучли ишончи бўлмагандага эди, булар аҳамиятсиз бўларди.

Кутилмаганда бир силтаб устидаги адёлни отиб юборди. Энг аввало, бориб, қизни кўриш керак! Шунда восвослардан халос бўлади. Қутулади... agar... етиб боролса. Эй Худоим-ей, бу қандай аҳмоқлик!

У наридан-бери нонушта қилди. Эрталаб соат ўнда йўлдан кўтарилиб борарди. Ўну ўттизда унинг қўли эшик қўнғироғини босди. Шундагина, фақат шундагина, енгил нафас олиши мумкинлигини ҳис этди.

– Хаворт хоним уйдами?

Эшикни яна ўша кекса аёл очди. Фақат кампирнинг юзини таниб бўлмасди, қайфудан ўзгариб кетганди.

– Эҳ, жаноб! Эшитмадингизми?!

- Нимани эшитмадим?
- Элистер хоним, бизнинг момифимиз... Барчаси ўша дори туфайли. Ҳар куни кечқурун шуни ичарди. Бечора капитан ҳеч ўзига келолмаяпти, ақлдан озишига бир баҳя қолди. Капитан қоронғида токчадаги шиша идишларни адаштирибди... Докторга одам жўнатишиди, аммо кеч бўлганди.

Шунда Макферлейн Элистернинг: «Мен доимо унинг устида қандайдир ёмон қисмат хукмронлигини ҳис этардим. Уни қутқаргим келди...» деган гапларини эслади. Ҳа, тақдирни алдаб бўлармиди! Нажот қутилган жойдан фалати ҳазиломуз фожеа келиб тургандек гўё.

Кекса хизматкор давом этди:

– Ўзимнинг жажжигина қизалогим! Шундай бафрикенг ва меҳрибон эдики, у ҳар доим ҳамма нарсага куюнарди. Кимdir азият чекаётанини кўрса, жим қараб туролмасди. – Кейин жим туриб яна қўшимча қилди: – Юқорига чиқиб уни қўришни истайсизми, жаноб? Бекамнинг гапларидан тушундимки, у сизни жуда кўпдан бери биларкан... У жуда ҳам кўпдан бери, деганди...

Макферлейн зинапоядан кеча хониш овози келган меҳмонхона орқали аёлнинг орқасидан юқори қаватга, деразасининг юқориги ойналари рангли бўлган бошқа хонага қўтарилди. Витраждан¹ тушган қизил шуъла ётган аёлнинг бошида акс этарди... Бошида қизил рўмоли бор лўли қиз... «Уф-ф, тағин асабларим ўйнай бошлади!» У сўнгти марта Элистер Хавортга узоқ тикилди.

* * *

- Жаноб, сизни қандайдир хоним сўраяпти.
- Нима? – Макферлейн меҳмонхона бекасига

¹ Витраж – сурат солинадиган рангли ойна.

лоқайд назар ташлади. – Э, кечиринг, Роуз хоним, менга шарпалар кўрингандек бўлди.

– Фақат кўриндими, жаноб? Биламан, ботқоқликда коронфу тушгач, ғалати нарсаларни кўриш мумкин. У ерда оқ кийимдаги хонимни, жин ургур темирчини ва денгизчи билан лўли аёлни...

– Нима дедингиз? Денгизчи билан лўли аёл?

– Шунақа гап-сўз бор, жаноб. Бу воқеаларни ёшлигимда сўзлаб беришарди. Улар узоқ йиллар бир-бирини севишган... Аммо уларни аллақачонлардан бери бу ерда кўришмаган.

– Кўришмаган? Энди яна пайдо бўлишармикин, шуниси қизиқ...

– Вой Худо, нималар деяпсиз, жаноб? Ҳа, ёш хоним нима бўлади?

– Қайси ёш хоним?

– Сизни кутаётган хоним-да. Мехмонхонадаги. Ўзини Лоэс хоним деб таништириди.

– Ў!

Рәчел! Макферлейнни ғайритабиий маконлар алмашинувининг ғалати оний ҳиссиёти қамраб олди. Гўёки у шу пайтгacha ўзга дунёга қараётгандек эди. У Рәчел ҳақида унутганди. Бу оламга тааллуқли Рәчелни...

У меҳмонхона эшигини очди. Ў, Рәчелнинг самимий ва жигарранг кўзлари! Кутилмаганда худди энди уйқудан уйғонган одамлардаги сингари ногаҳоний қувонч, воқеликнинг чинакам қувончи қамраб олди. У тирик, тирик! «Мана, чинакам ҳаёт! Биргина чинакам ҳаёт», – ўйлади Макферлейн.

– Рәчел! – нихоят тилга кирди Макферлейн ва энгашиб қизнинг лабларидан бўса олди.



МАНСАБДОРНИНГ ЎФИРЛАНИШИ

Энди уруш¹ ва у билан боғлиқ муаммолар ўтмишга айланиб бўлган бир пайтда, менимча, миллий инқироз даврида Эркюль Пуаро қанчалик муҳим аҳамият касб этганлигини сира хавфсирамасдан дунё ахлига маълум қилса бўлади. Аслида, бу ҳеч ким тушуна олмайдиган сир эди ва матбуотда бу ҳақда бирон оғиз ҳам сўз айтилмаганди. Эндиликда махфийлик зарурати йўқолди, ниҳоят, Англияликлар уларнинг буюк мамлакати учун менинг кичик, файриоддий дўстим қанчалик кўп хизмат қилганлигини – мамлакатни улкан талафотдан сақлаб қолганлигини билишлари мумкин.

Шундай қилиб, қунлардан бир куни кечки овқатдан сўнг, ўйлайманки, аниқ санасининг аҳамият йўқ, фақатгина Англия душманларининг «Тинчлик ва музокара» деган қулоқни тешар даражадаги қичқириқлари янграган пайтларда, дўстим иккимиз унинг хонасида ўтирган эдик. Соғлиғим туфайли ҳарбий хизматдан бўшаганимдан сўнг менга янги иш – кўнгиллиларни ҳарбий хизматга жалб қилиш ишини тақдим этишди ва мен оқшомлари кечки овқатдан сўнг Пуарони кўргани боришни ўзимга одат қилиб олган эдим. Одатда, биз у-бу нарсалар хақида, хусусан, унинг сўнгги қунларда амалга оширган ишлари хақида сухбатлашардик.

¹ Биринчи жаҳон уруши назарда тутиляпти.

Барчанинг оғзида бўлган энг сўнгги шовшувли хабар: Англия бош вазири жаноб Девид Мак-Адам ҳаётига суиқасд уюштирилганлиги тўғрисида у билан баҳсллашиб қолдик. Матбуотда чоп этилган маълумот қаттиқ цензурадан ўтказилганди. Ўқ чаккасини озгина шилиб ўтган бўлса-да, бош вазир фақат тасодиф туфайли тирик қолганидан бошқа хеч қандай тафсилотлар эълон қилинмаганди. Бундай ҳодисанинг содир бўлиши, афтидан, полициямизнинг бепарволиги туфайли эди. Англиядаги немис разведкаси ўзига керакли натижаларга эришиш учун хар қандай таваккалга қўл уришга тайёр эди. Ахир «жанговар Мак» (бу лақабни унга ўз партиясining вакиллари ўйлаб топишганди) қаттиққўллик ва дангаллик билан пацифистик кайфиятларга қарши кураш олиб бораётган эди. У шунчаки бош вазир эмасди, у Англия тимсолига айланганди. Уни ўйиндан чиқариш, умуман ишнинг моҳиятига қақшаттич зарба бериши Буюк Британияни танг аҳволга солиб қўйиши мумкин эди.

* * *

Пуаро жиддий тусда кулранг костюмини сочиқча билан артарди. Умуман, фикри ожизимча, менинг дўстимчалик олифта инсонни топиш мушкул иш. Ўта покизалик ва барча нарсадаги тартиб-интизом унинг жони дили эди. Ҳаттоқи, ҳозир ҳам хонанинг ўртасида бензин ҳидига бурканган ҳолда, мен билан иши йўқ эди.

— Бир дақиқа ичида мен сизнинг хизматингизда бўламан, азиз дўстим. Мен деярли тугатдим. Хўш... ёғли доғ... бунинг ўрни эмас... уни тозалаб ташлаймиз... шундай!

У тантанавор тарзда сочиқни силкитди.

Мен яна битта сигаретни тутата туриб жилмайдим.

– Бирор қизикроқ нарса борми? – сўрадим бироздан сўнг.

– Ҳа, фаррошлардан бирига эрини қидиришга ёрдам беряпман. Бу ишнинг мураккаб жиҳати шундаки, бунда алоҳида дид-фаросат талаб этилади. Бу борада менда баъзи бир фикрлар бор. Менимча, унинг эрини топсак, бу масала уни унчалик қувонтирмаса керак. Мен бу аёлнинг эрига ачинаман. Бу ҳам инсоннинг олдиндан кўра билиш хусусияти.

Мен бехосдан кулиб юбордим.

– Нихоят! Қаранг, ёғли доғ ҳеч қачон бўлмагандек. Энди мен сизнинг хизматингиздаман.

– Мак-Адамга уюштирилган суиқасд тўғрисида сизнинг фикрингизни билмоқчи эдим?

– Бу бачканалик, – дарҳол жавоб берди Пуаро. – Бу ҳолатга жиддий ёндашиб бўлмайди. Куролдан отиш? Бу омадсизликка маҳкум этилган ҳолат-ку. Бундан ҳам эскироқ қурол топиш мумкинмиди?

– Шунга қарамай, улар муваффақият қозонишига жуда яқин эдилар.

Пуаро бетоқат бўлиб бошини қимирлатди. У ниманидир айтмоқчи бўлганди, шу пайт уй бекаси эшикдан бошини суқиб, пастда икки жаноб ҳозироқ Эркюль Пуарони кўришни қаттиқ талаб қилиштётганини айтди.

– Улар кимлигини сир тутишди, жаноб, бироқ муҳим ишлари борлигини айтишди.

Пуаро тартиб билан ўзининг кулранг шимини тахлаб туриб:

– Майли, юқорига чиқишин, – деди.

Бир неча дақиқадан сўнг ҳар иккала меҳмон кириб келишди, юрагим қаттиқ ура бошлади. Олдинда турган кишини танидим, бу қуий палата раҳбари лорд Эстер, унинг ортида эса ҳарбий кабинет аъзоси жаноб Бернард Дож, мендаги маълумотларга қўра, бош вазирнинг яқин дўсти эди.

– Жаноб Пуаро? – саволомуз назар билан дўстимга қаради лорд Эстер.

Пуаро мулойим таъзим қилди. Обрўли меҳмон мен томонга фурсат пойлагандек қараб қўйди.

– Бизнинг ишимиз ўта шахсий, – сўз қотди у.

– Капитан Гастингс олдида bemalol очиқ-ойдин гапиришингиз мумкин, – жавоб берди дўстим менга қолиш ишорасини қилиб. – Уни мақтолмайман, бироқ унинг ақли расолигига тўлиқ жавоб бера оламан.

Лорд Эстер ҳамон пайсалланарди, аммо кутимаганда гапга жаноб Дож қўшилди.

– Келинглар, масала атрофида айланмайлик-да, бира тўла ишга ўтайлик. Ахир, нима бўлганда ҳам, яқинда бутун Англия бизнинг қандай шарманда бўлганимизни билади. Ҳозир биз учун фурсат ғанимат.

– Марҳамат қилиб, ўтиргилар жаноблар, – таклиф қилди Пуаро. – Катта оромкурсига ўтиринг, милорд.

Лорд Эстер бироз сесканиб кетди:

– Сиз мени танийсизми?

Пуаро жилмайди.

– Бўлмасам-чи! Мен газеталарда чоп этиладиган изоҳли кичкина суратларни доимо кўриб чиқаман. Нима учун мен сизни танимаслигим керак?

– Жаноб Пуаро, мен сизнинг олдингизга пайсалга солиб бўлмайдиган муҳим ҳаётий масала

юзасидан келдим. Шунинг учун сизлардан илтимос, бу иш бутунлай маҳфий бўлиши керак.

– Сизга Эркюл Пуаронинг сўзини бераман, менимча, бу кам эмас, – дўстим мағруона сўз қотди.

– Бош вазир ҳақида сўз кетяпти. Вазият жуда мураккаб.

– Биз ҳозир чорасиз ахволдамиз, – маълум қилди жаноб Дож.

– Демак, жароҳат хавфли экан-да? – сўрадим мен.

– Қандай жароҳат?

– Теккан ўқ жароҳати.

– Эҳ, сиз буни назарда тутяпсизми? – менси-май сўз қотди жаноб Дож. – Эски воқеа.

– Ҳамкасбим таъкидлаганидек, бу ишга нуқта қўйилди, – қўшимча қилишга шошилди Лорд Эстер. – Яхшики, биринчиси чиппакка чиқди. Иккинчи уриниш ҳам натижа бермаслигини истардик.

– Нима, иккинчи уриниш ҳам бўлдими?

– Ҳа, иккинчиси сал бошқача хусусият касб этди. Жаноб Пуаро, бош вазир фойиб бўлди.

– Нима дедингиз?

– Уни ўғирлашди.

– Наҳотки! – бақириб юбордим қулоқларимга ишонмай.

Пуаро менга жим туришим лозимлигини англатувчи нигоҳ ташлади.

– Гарчи бунга ишониш қийин бўлса-да, афсуски, бу ҳақиқат, – уни давом эттирди олий ҳазрат.

Пуаро жаноб Дожга назар солди.

– Жаноб, сиз бироз аввал, ҳозир биз учун фурсат фанимат, дедингиз. Бу билан нима демоқчи бўлдингиз?

Мехмонлар бир-бирига қараб қўйишиди, шундан кейин лорд Эстер сўз қотди:

– Жаноб Пуаро, сиз иттифоқчилар анжумани яқинлашаётганини эшитдингизми?

Дўстим тасдиқ маъносига бош силкиди.

– У қаерда ва қачон бўлиши ҳақида жуда ҳам аниқ ва тушунарли сабабларга кўра, ҳеч бир тафсилот эълон қилинмаган. Бу хусусда газеталарда бирон-бир қатор сўз ҳам ёзилмаган бўлса-да, учрашув жойи ва санаси дипломатик доираларга маълум. Анжуман пайшанба қуни Версалда, яъни, эртага кечкурун ўтказилади. Энди сиз вужудга келган вазиятнинг барча даҳшатларини тасаввур қиласизми? Сиздан яшириб нима қилдим, бош вазирнинг ушбу анжуманда иштирок этиши ўта муҳим. Бизда немис жосуслари пацифистик ғояларни тарқатишида қанчалик фаол ҳаракат қилаётганигини сиз ҳатто тасаввур ҳам қилолмайсиз. Барчада битта фикр: бош вазирдек кучли шахснинг анжуманда пайдо бўлиши – анжуманнинг асосий бурилиш нуқтаси бўлади. Унинг анжуманда иштирок этмаслиги олдиндан башорат қилиб бўлмайдиган оқибатларни, эҳтимолки, биз учун бевақт ва ҳало-катли оқибатларга сабаб бўлиши мумкин. Биз бош вазир ўрнига ҳеч кимни жўнатолмаймиз. Англияning вакили сифатида факат у иштирок этиши лозим.

Пуаронинг юзи жиддийлашди.

– Сиз бош вазирнинг ўғирланиши сабаби – бу анжуманда унинг иштирокига тўсқинлик қилишдан иборат, деб ўйлайсизми?

– Албатта. Ахир у деярли Францияга йўл олиб бўлган эди.

– Анжуман албатта ўтказиладими?

– Эртага, кечқурун соат тўққизда.

Пуаро чўнтағидан каттакон соатини чиқарди.

– Хозир ўн бешта кам тўққиз.

– Йигирма тўрт соат, – ўйга ботиб сўзлади жаноб Дож.

– Яна ўн беш дақиқа, – қўшимча қилди Пуаро. – Ўн беш дақиқани эсдан чиқармаслик лозим, ундан ҳам фойда чиқариш мумкин. Энди ўғирлик тафсилотларига ўтсан. Сиз нима деб ўйлайсиз, бу Англияда содир этилганми ёки Францияда?

– Францияда. Жаноб Мак-Адам бугун эрталаб Франция худудида бўлган. Бош қўмондоннинг меҳмони сифатида Ставкада тўхташи ва эртаси қуни йўлни давом эттириши лозим эди... У эсминцада канални кесиб ўтади. Булонда уни бош қўмондон адъютантларидан бири бош штаб автомобилида кутиб олди.

– Тушунарли, кейин-чи?

– Хуллас, улар Булондан йўлга чиқишган-у, бироқ етиб келишмаган.

– Яъни, қандай қилиб?

– Жаноб Пуаро, автомобиль ҳам, адъютант ҳам ёлғондакам экан. Ҳақиқий автомобилни йўл четидан топишиди. Ичida адъютант ва ҳайдовчи оғзига латта тиқилган холатда топилган.

– Ёлғондакам автомобиль-чи?

– Ҳалигача топилмади.

Пуаро бетоқат бўлиб ҳаракат қила бошлади.

– Ишониш қийин бўлган масала! Албатта, узоқ муддат кўзга кўринмай юриш мушкул.

– Биз ҳам, ҳар холда, шундай ўйлагандик.

Фақат обдон излаш керак. Франциянинг бу қисмида ҳарбий замон қонуни амалда. Автомобилни кимдир кўрганига ишончимиз комил. Албатта, француз полицияси, бизнинг Скотланд-Ярддаги одамлар, шунингдек, ҳарбийлар бор имкониятлари билан ҳаракат қилишяпти. Сиз тўғри айтяпсиз, ҳеч нарсани аниқлашнинг имкони бўлмагани жуда ҳам ажабланарли.

Шу пайт эшик тақиллаб, ёш зобит хонага кирди ва маҳкам муҳрланган хатжилдни Лорд Эстерга узатди.

– Жаноб, бу ҳозиргина Франциядан келди.

Буюрганингиздек тўғри шу ерга келтирдим.

Вазир хатжилдни йиртиб, ичидаги матнни ўқиши билан ҳайратли овоз чиқариб юборди. Зобит шу заҳоти ғойиб бўлди.

– Мана, нихоят, янгилик бор! Шошилинчнома ҳозиргина қабул қилинибди. Улар иккинчи автомобиль ва котиб Даниэльсни топишибди. У хлороформ билан ухлатиб қўйилган, оғзига латта тиқилган, қўли боғланган холда топилган. Унча узоқ бўлмаган жойда, ташландик фермада экан. Лекин у ҳеч нарсани эслай олмабди. Фақат кимдир бурни ва оғзига бир нарса билан босганини таъкидлабди, холос. У қутулишга беҳуда ҳаракат қилган. Полиция унинг кўрсатмаларидан тўла қаноат ҳосил қилган.

– Улар бошқа ҳеч нарса аниқлашмабдими?

– Йўқ.

– Демак, улар бош вазир жасадини топишмаган. Бизда ҳали умид бор. Буларнинг бари жуда ғалати кўриняпти, десам, сиз бу фикримга қўшиларсиз. Уни бугун эрталаб отишга харакат қилиб, нега энди тирик қолдириш учун бунчалик мاشаққат чекишидийкин?

Дож бош чайқади.

– Бир нарса аниқки, нима бўлмасин, унинг анжумандаги қатнашишига йўл беришмайди.

– Агар бу иш инсоният имконият чегараси доирасида бўлса, бош вазир бугун ўша ерда бўлади. Худонинг марҳамати туфайли ҳали жуда ҳам кеч эмас. Энди, жаноблар, менга бир бошдан ҳаммасини батафсил сўзлаб беринглар-чи. Отишма тўғрисида ҳам.

– Кеча кечкурун бош вазир ўзининг котиби капитан Даниэльс билан биргаликда...

– У билан Францияда бирга бўлган ўша котиби?

– Ҳа. Мен айтганимдек, улар бош вазир қабул маросими ўтказиши лозим бўлган Виндзорга қараб йўл олишганди. Тонг сахарда шаҳардан қайтаётганда, унга суиқасд уюштирилган.

– Ижозатингиз билан, бир дақиқа. Капитан Даниэльс ким ўзи? У ҳақда сизда қандай маълумотлар бор?

Лорд Эстер жилмайди.

– Сиз мендан бу ҳақда сўрашингизни билгандим. Бу хусусда унчалик кўп маълумот йўқ. У оддий оиласдан чиқкан. Англия армиясида хизмат қилган, котиб сифатида алоҳида қобилиятларини намойиш қилган, ундан ташқари, у ажойиб тил-

шунос. Билишимча, у еттига тилда сўзлай олади. Худди шу сабаб бош вазир Францияга уни ўзи билан бирга олиб кетган.

- Англияда унинг бирор қариндоши борми?
- Иккита аммаси бор. Эверад хоним Хэмис-тэдда, Данильс хоним эса Аскот ёнида яшайди.
- Аскот? Бу Виндзордан унчалик узоқ эмас-ку?
- Ҳа, бу бизнинг эътиборимиздан четда қолмади. Аммо ҳеч қандай натижа бермади.
- Сизнингча, капитан Даниэльс ҳар қандай шубҳадан холими?
- Йўқ, жаноб Пуаро, – лорд Эстернинг овозда аламнинг енгил шарпаси сезиларди. – Мен энди кимнидир шубҳадан ташқарида дейишга иккilanган бўлардим.
- Жуда яхши. Билишимча, милорд бош вазир полициянинг қаттиқ ҳимоясида ва унга сунқасд қилишнинг деярли иложи йўқ.

Лорд Эстер бошини эгди.

– Сиз ҳақсиз. Бош вазирнинг автомобили ортидан яқин масофада фуқаро кийимидағи изқуварлар машинаси кузатиб борарди. Бироқ Мак-Адам бу эҳтиёт чораларидан бехабар эди. Биласизми, бу инсон жуда ҳам жасур инсон, шу сабаб ҳар қандай қўриқчидан воз кечган бўларди. Аммо полициячиларнинг ўз усуллари бор. Сизга сирни очаман – вазирнинг ҳайдовчиси О’Мэрфи – ЖКДдан¹ эди.

- О’Мэрфи? Бу ирландча исмми?
- Ҳа, у ростданам ирландиялик.
- Ирландиянинг қаеридан?

¹ ЖКД – Жиноят қидирув департаменти – Скотланд-Ярднинг жиноий ишларни текшириш бўлими.

- Клэр графлиги.
- Аха! Марҳамат қилиб, давом этинг, милорд.
- Вазир ёпик автомобилда Лондонга йўл олган. Улар капитан Даниэльс билан машина ичида ўтиришган. Одатдагидек, иккинчи автомобиль уларнинг ортидан юрган. Қандайдир ноаниқ сабаб туфайли бош вазир ўтирган автомобиль асосий йўлдан четга чиқиб кетган...
- Йўлнинг бурилиш жойидами? – сўзини бўлди Пуаро.
- Ҳа... сиз буни қаердан биласиз?
- О, бу шундай ҳам тушунарли-ку. Давом этинг!
- Айтганимдек, хеч қандай сабабсиз бош вазирнинг автомобили асосий йўлдан бурилиб кетган, – давом эттириди лорд Эстер. – Полиция машинаси бундан шубҳаланмаган ва у катта йўлдан юришда давом этган. Бироз вақтдан сўнг хилват жойда бош вазир ўтирган автомобилни кутилмаганда никоб кийган шахслар қўлга олишади. Ҳайдовчи...
- Бу жасур Мэрфи! – фўлдираб қўйди Пуаро.
- Ҳайдовчи бир сонияга ўзини йўқотиб, дарҳол тормозни босади. Бош вазир ойнадан бошини чиқаради. Шу пайтда ўқ отилади, кетидан иккинчиси. Биринчи ўқ унинг чаккасини ялаб ўтади, баҳтига иккинчи ўқ уни четлаб ўтади. Ҳайдовчи вазиятни дарров илғаб олиб, машинани учирганча, хужум қилганларни тўзғитиб, олдинга хайдайди.
- Ҳа, зўрға қутулибди, – хитоб қилдим мен сесканиб.
- Жаноб Мак-Адам ўзининг жароҳатига хотиржам муносабатда бўлди, шунчаки тирналди,

деди. Кейин қишлоқдаги унча катта бўлмаган касалхонада тўхташади. У ерда ярани тозалаб, боғлаб қўйишади. Албатта, касалхона ходимлари кимга ёрдам берганликларини ҳатто хаёлларига ҳам келтиришмаган. Кейин жадвал бўйича бош вазир Чаринг-Кроссга йўл олган. уни Донверга кетадиган махсус поезд кутарди. Қаттиқ таъсирланган Даниэльс полицияга содир бўлган барча воқеани сўзлаб бергандан сўнг бош вазир дархол Францияга жўнаб кетади. Донверда у эсминецга ўтиради. Булонда эса, бундан хабарингиз бор, уни Бирлашган Қиролликнинг байроғи ҳилпираб турган сохта автомобиль кутиб турган.

– Менга сўзлаб бермоқчи бўлганларингизнинг бари шуми?

– Ха.

– Ҳеч нарсани эсдан чиқармадингизми, ми-лорд?

– Умуман олганда, битта фалати нарса ҳам бор.

– Нима экан?

– Бош вазирни Чарлинг-Кrossда қолдиргандан кейин автомобиль қайтиб келмаган. Содир бўлган воқеадан ташвишга тушган полиция О'Мэрфидан барча тафсилотларни суриштирмоқчи бўлган. Шу сабаб уни дархол излашга тушишган. Машинани Сохода ёмон ном чиқарган ресторанинг ёнидан топишган. У ер немис жосуслари учрашадиган жойлиги маълум.

– Хайдовчи-чи?

– Хайдовчини эса ҳеч қаердан топишолмаган.

У ҳам изсиз йўқолган.

– Демак... – ўйланиб фикр юритди Пуаро.

– Демак, икки киши йўқолган: бош вазир Францияда, О'Мэри Лондонда.

Пуаро умидсизликка тушган лорд Эстерга дикқат билан қаради.

– Биласизми, жаноб Пуаро, агар кимdir менга кеча кечқурун О’Мэрфини сотқин деб шама қилганда, мен унинг устидан кулган бўлардим.

– Бугун-чи?

– Бугун эса нима деб ўйлашга ҳам хайронман.

Пуаро жиддий бош силкиб қўйди. У яна ўзининг соатига қаради.

– Билишимча, жаноблар, менга барча йўналишлар бўйича ҳаракатланишим учун эркинлик тақдим этилади. Мен ўзим истаган ерга қандай ва қачон хоҳласам боришим мумкинми?

– Ярим соатдан кейин Донверга маҳсус поезд жўнайди. Унда Скотланд-Ярдга бир неча киши ҳам кетади. Сизни ҳарбий вакил ва ЖҚДдан бир киши кузатиб боради. Улар тўлиқ сизнинг хизматингизда бўлишади. Кўнглингиз тўлдими?

– Жаноблар, хайрлашувдан олдин яна бир савол: айнан менга мурожаат қилишга нима мажбур қилди сизларни? Мени кўпчилик танимайди. Лондондек буюк шаҳарда ҳеч бир ишим билан донг таратмаганман.

– Сизнинг мамлакатингиздан бўлган бир нуфузли инсоннинг қатъий тавсияси билан сизни излаб топдик.

– Нима дедингиз? Эҳтимол, бу полиция бош комиссари, менинг эски дўстимдир?

Лорд Эстер бош чайқади.

– Йўқ, янада юқорироқдан қидиринг. Бу инсоннинг сўзи Бельгияда қонун ҳисобланган, ўйлайманки, яна бир марта шундай бўлади. Англия бунга қасамёд қилади!

Пуаронинг қўли театрдагига хос хатти-ҳара-катлар билан юқорига кўтарилиб кетди.

– Ха, шундай бўлади! Демак, у киши мени унутмабди-да... Жаноблар, менким, Пуаро сизга астайдил, жон-жаҳдим билан хизмат қиласман. Худога илтижо қиласиз, барчаси ўз вақтида ниҳоясига етсин. Лекин ҳозирча ҳаммаси мавҳум ... қоронбулик... Мен ҳеч қандай ёруғликни кўрмаяпман.

– Хўш, Пуаро, – вазир кетиши ҳамоно бетоқат бўлиб сўз қотдим, – сиз булар ҳақида нима деб ўйлайсиз?

– Агар мен билганимда эди... Эс-хушим ўзимда эмас.

– Сиз тўғри айтдингиз. Уни ўғирлаш нима учун керак экан, мисол учун айтайлик, бошга уриш самаралироқ бўлармиди? – шубҳаландим мен.

– Маъзур тутасиз, дўстим, эҳтимол, мен унчалик тўғри тушунтиrolмагандирман. Албатта, уни ўғирлаш анча фойдалироқ бўлади.

– Нима учун?

– Бу шунинг учунки, номаълумлик саросима келтириб чиқаради. Тасаввур қилинг, бош вазир ўлди. Бу албатта, даҳшат, лекин айтиш мумкинки, воқеликнинг юзига тик қарашга тўғри келади. Ҳозир эса атрофда барча нарса мавҳум, худди қотиб қолгандек. Бош вазирни яна қўришармикин ёки йўқми? У тирикми ёки ўлганми? Ҳеч ким билмайди. Масала ойдинлашмагунча, аниқ бир қарор чиқаришнинг иложи йўқ. Мен айтганимдек, ноаниқлик оммавий саросимани вужудга келтиради. Немислар айнан шуни мўлжаллаб иш кўришган. Бундан ташқари, душманлар бош вазирни қаергадир

яшириб қўйишган, уларда жуда катта устунлик бор, улар у томонга ҳам, бу томонга ҳам ўз шартларини қўйишлари мумкин. Германия хукумати сахий хазиначи эмас, албатта, лекин бундай иш учун катта харажат ажратиши мумкин. Учинчидан, улар таваккалчиликдан қочишади. Бу ишлари учун уларни осишмайди. Йўқ, ўғирлаш – бу айнан улар қўл уриши лозим бўлган иш.

– Агар сиз айтгандай бўлса, унда нега уни аввалига отишга ҳаракат қилишган?

– Мен худди мана шуни тушунмаяпман, – зардаси қайнаб жавоб берди Пуаро. – Бу нафақат тушунарсиз, балки аҳмоқона ҳамдир. Модомики, улар ўғирлик операциясини шунчалик қойилмақом бажаришган бўлса, худди кинолардагидек хужум ва отишманинг нима кераги бор эди? Ҳаётда бундай бўлиши қийин. Масалан, мен ниқобдаги қуролланган ғалати тўдага хеч ҳам ишонолмаяпман, бунинг устига, Лондондан йигирма чақирим нарида бўлса!

– Балки бу бир-бирига мутлақо алоқаси йўқ алоҳида-алоҳида уринишлардир?

– Э, йўқ, ўхшашликлар ҳаддан ташқари кўп. Дарвоқе, сотқин ким? Ҳа, ҳар қандайига айлантиранг ҳам биринчи воқеада сотқин мавжуд. Фақат у ким? Даниэльсми ёки О’Мэрфими? Ё униси, ё буниси, умуман олганда, автомобилни асосий магистрал йўлдан нима учун четга бурилиб кетгани тушунарсиз. Бош вазирнинг ўзи унга хужум қилишларига шароит яратиб берган деб биз айта олмаймиз-ку. Хўш, О’Мэрфи ўзи бурилдимикан ёки унга Даниэльс буйруқ берганми, мана, масала қаерда.

– Албатта, афтидан, О’Мэрфининг қўли бор.
– Шуниси эҳтимолга яқинроқ. Агар хоин Да-ниэльс бўлганда, бош вазир буйруқни эшигтан ва нима гаплигини сўраган бўларди. Биз жуда кўп марта «нега» саволини беришимиз мумкин, аммо уларнинг барчаси бир-бирини инкор қиласди. Агар О’Мэрфи садоқатли бўлса, нега у автомобилни асосий йўлдан бошқа ёқка бурган? Агар унинг садоқатини шубҳа остига қўйисак, икки марта ўқ товуши эшитилгандан кейин нега у автомобилни олдинга учирив ҳайдаб кетган? Ахир, бу билан у бош вазирни ўлимдан қутқариб қолган-ку. Агар у сотқин бўлмаса, Чарлинг-Кроссга келгач, нега немис жосуслари йигиладиган ишратхонага йўл олган?

– Ха, бу ерда бир гап бор, – дедим.
– Келинг, мантиқан ўйлайлик. Қайси далиллар бу кишилар фойдасига гапиряпти, қайсилари уларга қарши, шуларни кўриб чиқамиз.

Хўш, О’Мэрфи. Заرارига: автомобилни асосий йўлдан бошқа йўлга бургани жудаям шубҳали; у ирландиялик, Клэр графлигидан; у шундай тарзда фойиб бўлганки, бу унинг фойдасига хulosаса ясашга йўл бермайди. Фойдасига: у вазиятни дарҳол англаб, автомобилни хавфсиз жойга олиб чиқди, яъни, бош вазир ҳаётини сақлаб қолди. У Скотланд-Ярдга тегишли одам, унга ишонилган вазифадан келиб чиқилса, у ишончли ходим.

Энди Даниэльсга ўтамиз. Унинг ўтмиши ҳақида ҳеч нарса аён эмаслиги ҳисобга олинмаса, унга қарши кўп нарсамиз йўқ. Қолаверса унинг бунчалик кўп тил билиши оддий инглизга хос эмас. (Кечирасиз-у, дўстим, аммо тишлинос сифатида, мисол учун, ахволингиз ачинар-

ли). Уни боғланган, хлороформ билан ухлатилган ва оғзига латта тиқилган ҳолда топишган унинг фойдасига. Шу далилнинг ўзи бош вазирнинг ўғирланишига унинг ҳеч қандай алоқаси йўқлигини тасдиқлаяпти.

– Ўзидан гумонни узоқлаштириш учун шуларни уюштириши мумкин эмасми?

Пуаро бош чайқади.

– Бундай ишларда француз полицияси хатоликка йўл қўймайди. Бунинг устига, у ўз мақсадига эришиб бўлди, бош вазирни ўғирлашди, орқада бир ўзи қолишидан қандай маъно бор? Албатта, шериклари бу саҳнани уюштирган бўлишлари мумкин, бироқ мен улар бу йўл билан нимага эришишни истаганликларини тушунишдан бош тортаман. Бундан нима фойда? Ахир, бош вазирнинг аҳволи ойдинлашмагунча, Даниэльс доимий назорат остида бўлишга «маҳкум қилинган».

– Балки, у полицияни чалғитишни кўзлагандир?

– Бўлмаса нега у буни амалга оширмади? Унинг айтишича, орқадан кимдир юзини ўткир хидли латта билан ёпган, у бошқа ҳеч нарсани эслай олмайди. Қандай чалғитиш мумкин? Буларнинг барчаси ҳақиқат, афтидан.

– Жуда яхши, – деб сўз қотдим-у, соатга қарадим. – Хозир тўғри вокзалга йўл олсак, яхши бўларди. Ахир, бу ишнинг калити Францияда.

– Балки шундайдир, дўстим, барибир менинг бунга шубҳам бор. Мен ҳеч нимани тушунмаяпман, бу кичкинагина ҳудудда бош вазирни қандай қилиб топишолмадийкин? Уни бу ерда ишончли тарзда яшириш, мен сизга айтсам, иложи йўқ

иш. Ўзингиз ўйлаб қўринг, агар икки давлатнинг полицияси ва ҳарбийлари тополмаганидан кейин, мен уни қандай топаман?

* * *

Чаринг-Кроссда бизни жаноб Дож кутиб олди.

– Бу Скотланд-Ярд изқувари Барнс ва майор Норман. Улар сизнинг ихтиёригизда. Омад сизларга. Ишлар пачава, бироқ мен умидимни узмайман. Сизлар хозироқ жўнаб кетасизлар.

Биз майор Норман билан бемалол сухбат қуриб кетдик. Платформада турган бир тўда одамлар орасидан бўйи пастроқ, юзи сассиқкузанга ўхшаш бир йигитни таниб қолдим. Бу Пуаронинг эски таниши, Скотланд-Ярдинг энг яхши ходимлардан бири саналган изқувар-инспектор Жэп эди. У хушчақчақ ҳолда дўстим билан саломлашди.

– Эшитишимча, сиз ҳам бу ишга аралашибиз? Мана, сизга иш! Улар ўз ўлжаларини илиб кетишига муваффақ бўлдилар. Бироқ имоним комилки, улар узоқ вақт яширолмайдилар. Биласизми, бизнинг одамларимиз Франция ҳудудини синчилаб текширишяпти. Французлар ҳам ёрдам беришяпти. Ички сезгимга таяниб айтишим мумкинки, биз бир неча соатда уларнинг изига тушамиз.

– Агар у тирик бўлса, – хомуш бўлиб таъкидлади узун бўйли детектив.

Бу лукмадан Жэпнинг юзи сезиларли ҳолда маъюс тортди.

– Ха... Ишонаманки, у тирик ва соғ-омон.

– Тирик, албатта, тирик! – инспекторни қўллаб-қувватлади Пуаро. – Факат уни ўз вақтида

топа олишармикан? Мен ҳам сиз каби уни узоқ вақт яшириш мумкинлигига ишонмайман.

Чўзиқ гудок овози янгради. Бизнинг гуруҳимиздагилар вагонга интилди. Поезд қўзғалди, аммо эзмалик билан, худди истамаётгандек станциядан судралиб чиқиб кетди.

* * *

Бу жудаям ажойиб саёҳат бўлди! Скотланд-Ярд ходимлари шимолий Франция харитаси атрофида уймаланиб олишди. Бетоқат бош бармоқлар йўллар ва қишлоқларнинг эгри-буғри чизиқлари бўйлаб харакатланарди. Бу сафар Пуаро одатий сергаплигини намоён этмади. У олдига қараб ўтирас, юзида нимадандир хавотирда бўлган гўдакнинг ифодаси бор эди. Бу пайтда мен Норман билан хўп гаплашдим, у жуда ҳам антиқа инсон экан. Биз Донверга келганимизда Пуаронинг ўзини тутиши кулгимни қистатди. Кемага оёқ қўйишими билан у қаттиқ қўлимга ёпишиб олди. Енгил эсиб турган шабода кишининг баҳри дилини очади.

– Вой Худойим-ей! – тўнғиллади Пуаро. – Бу даҳшат!

– Бардам бўлинг, Пуаро, – бақирдим мен. – Сизни омад кутмоқда. Мен уни топишингизга ишонаман.

– О, азиз дўстим, сиз менинг ҳаяжонимни нотўғри тушундингиз. Бу ёқимсиз денгиз мени нима безовта қиласди. Йўқ, денгиз касали – бориб турган азоб.

– Шунаقا денг! – дедим, андак ҳайратомуз.

Двигателнинг биринчи тебранма зарбаси кемани ларзага келтирди. Пуаро инграб юборди ва қўзини юмди.

– Майор Норманда шимолий Франциянинг харитаси бор. Балки бир кўз ташларсиз?

Пуаро бетоқат бўлиб бош чайқади.

– Йўқ, йўқ! Мени тинч қўйинг, дўстим. Биласизми, соғлом фикрлаш учун ошқозон ва бош тўла-тўқис муросада бўлиши керак. Лаверье денгиз касалининг олдини олиш бўйича жуда ажойиб маслаҳатлар беради. Чуқур нафас олиш керак... кейин чиқариш... секин... шундай... бошни чапга, ўнгга буриш лозим ва ҳар бир нафас ўртасида олтигача санаш керак.

Уни гимнастика машқларида қолдириб, кема саҳнига чиқдим. Биз секинлик билан Булон бандаргоҳга кирганимизда, кема саҳнида саранжом-саришта ва жилмайган ҳолда Пуаро пайдо бўлди. Пичирлаган ҳолда Лаверье усули жуда ҳам наф берганини айтди. Маълум бўлишича, бу «мўъжиза» экан.

Бу орада Жэпнинг кўрсаткич бармоғи харита устида хаёлий йўналиш бўйича сирфаларди.

– Бўлмағур гап... Автомобиль Булондан чиққач... Мана шу ерда йўналишдан четга бурилишган. Шунинг учун, менимча, шу ерда улар бош вазирни бошқа машинага ўтказишган. Тушуняпсизми?

– Яхши, – дея жавоб берди новча детектив. – Менимча, дengiz портларини текшириш керак. Уни яширинча кема бортига ўтказишгани эҳтимоли ўнга бир.

Жэп бош чайқади.

– Бу эҳтимолдан йироқ. Ахир, зудлик билан барча портларни ёпиш ҳақида буйруқ берилган.

Биз қирғоққа келиб тўхтаганимизда кун ёриша бошлаганди. Майор Норман Пуаронинг қўлини ушлади.

- Жаноб, сизни ҳарбий автомобиль кутяпти.
- Миннатдорман, жаноб. Аммо ҳозир менинг Булонни тарк этиш ниятим йўқ.
- Нима?
- Биз, хув, анави қирғоқдаги меҳмонхонада бўламиз.

Пуаронинг ҳазиллашмаётгани аниқ эди. У ўзи учун алоҳида хона талаб қилди ва талаб дарҳол бажо келтирилди. Бўлаётган ҳодисадан қаттиқ безовталигимизга қарамай, унинг орқасидан эргашишдан ўзга чорамиз қолмаганди.

Пуаро бизга бир назар ташлади.

– Мен сизни жуда яхши тушуняпман. Ақлли детектив ўзини мендек тутмайди. У фаол ҳаракат қилиши, у ер-бу ерда пайдо бўлиши, чанг йўлда эмаклаши, катталаштириб кўрсатадиган лупа билан филдирак изларини қидириши лозим. Тасодифан ташланган сигарет ёки гугурт чўпларини йиғиши керак. Сиз шундай деб ўйлайсиз, мен буни кўзларингиздан уқяпман.

Фақат мен, Эркюль Пуаро, журъат қилиб сизга шуни айтаманки, буларнинг бари сафсата, ҳақиқий жумбоқнинг ечими мана бу ерда! – У бармоғи билан пешонасини кўрсатди. – Мен Лондонни тарк этмаслигим керак эди. Фақат ёлғиз ўзим бир хонада қолишим керак эди, холос. Шунда кичкина, ухлаб ётган ҳужайралар, – у яна пешонасига ишора қилди, – бутун шиддати билан ишга киришарди. Токи ҳаритадан бир нуқтани кўрсатиб: «Бош вазир мана шу ерда!» – деб хитоб қилмагунимга қадар, улар жимлик ва сукунат аро жумбоқни ўйлайдилар. Ўзи, аслида, мана шундай бўлиши керак! Хар бир қадамда мантиқан асосланган маълум бир усул-

га амал қилинса, кароматлар кўрсатиш мумкин. Францияга жадал кириб келишимиз аслида узилкесил хато бўлди. Бу менга ҳозир нимаси биландир болаларнинг бекинмачоқ ўйинини эслатяпти. Мана, ҳозир, кеч бўлмадимикин, деб қўрқаётган бўлсам-да, тўғри йўлни топиб олишимга ишонаман. Илтимос, тинчланинг, дўстларим.

Менимча, Пуаро беш соатларча худди мушукка ўхшаб кўзларини юмиб, пирпиратиб ўтириди. Кўзлари ахён-ахёнда бирмунча ялтираб, тобора кўпроқ яшил тусга кираётгандек бўларди. Скотланд-Ярд ходимлари унга менсимай назар ташлашарди. Майор Норманнинг юзини зерикиш ифодаси эгаллаган, Пуаронинг ўзини тутишига фавзи келарди, менинг ўзимга ҳам вақт жуда чўзилиб кетаётгандек туюларди.

Нихоят, мен ўрнимдан турдим ва деразага томон иложи борича секин одимладим. Ҳаммаси оддий ҳазилга ўхшарди. Ич-ичимдан дўстим учун ташвиш чекардим. Агар у муваффакиятсизликка учраса, мен бундай кулги бўладиган даражада кўринишини истамасдим. Дераза ортида қора тутун қолдирганча секинлик билан бардаргоҳни тарк этаётган кемани эриниб кузата бошладим.

Бирдан ёнимда янграган Пуаронинг овозидан уйғонгандек бўлдим.

– Мана, нихоят, жўнаймиз, дўстларим!

Қайрилиб қарагандим, дўстимдаги ҳайратланарли ўзгаришни сездим. Унинг кўзлари мамнунлиқдан ёнарди, кўкраги ҳаяжондан тез-тез кўтарилиб тушарди.

– Мен қанчалик аҳмоқ эканман, дўстларим!

Мана, энди ёруғликни қўряпман.

- Майор Норман тезда эшикка йўналди.
- Мен машинани келтиришларини буораман.
 - Бунга эҳтиёж йўқ, машина менга керак бўлмайди. Худога шукурки, шамол тўхтади.
 - Сиз, жаноб, пиёда юраман демоқчимисиз?
 - Йўқ, дўстгинам. Камина авлиё Пётр эмасман¹. Мен кемада денгизни сузиб ўтишни афзал биламан.
 - Денгизни сузиб ўтиш?
 - Ҳа. Агар маълум бир усулга амал қилинса, барчасини бошидан бошлиш керак. Бу иш Англияда бошланган. Шунинг учун биз у ерга қайтамиз.

* * *

Биз уч соатда яна таниш Чаринг-Кросс платформасида пайдо бўлдик. Пуаро барча эътиrozларимизни қулоги кар бўлиб эшитди ва бир нарсани такрорлайверди: «Бошланғич нуқтадан бошлиш, албатта, беҳисоб вақт зое кетади, лекин бу ягона тўғри йўл». Йўл ниҳоясида дўстим Норман билан ниманидир маслаҳатлашди ва у Пуаро топшириғига кўра, Донвердан бир даста шошилинчномаларни жўнатди.

Норманинг махсус рухсатномаси бор эди. Шунинг учун биз ҳамма жойдан тўхтамасдан ўтиб кетдик. Лондонда бизни катта полиция автомашинаси ва бир неча изқувар кутарди. Улардан бири Пуарога машинкада ёзилган бир варақ қофозни узатди.

¹ Бу ерда Библия эпизодига ишора бор. Авлиё Пётр ўз қайифини денгиз ўртасида қолдириб, сувда сузиб Исо Масих олдига боради.

– Бу Фарбий Лондон ҳудудидаги барча қишлоқ касалхоналарининг рўйхати, – дея жавоб берди Пуаро менинг саволомуз нигоҳимга. – Мен Донвердан телеграф сўрови жўнатгандим.

Биз катта тезликда Лондон қўчаларидан ўтиб борардик. Мана, Бас Роуд ортда қолди, кейин Хаммерсмит, Чизвик Брэнтворт. Менга сафаримизнинг якуний нуқтаси аён бўла бошлади – биз Виндзор орқали тўғри Аскотга йўналгандик. Юрагим тез-тез ура бошлади, ахир Аскот – бу Даниэльснинг холаси яшайдиган жой-ку. Демак, Даниэльс керак, Мэрфи эмас.

Кўп ўтмай, ҳашаматли вилла эшиги олдида тўхтадик. Пуаро машинадан тез сакраб тушди ва уй қўнғирогини босди. Унинг мамнун юзи бироз буришди. Фахмимча, нимадандир унинг кўнгли тўлмади. Эшик қўнғирогига дарров бўлмаса-да, жавоб беришди. Пуарони уйга киритишди. Бир неча дақиқадан сўнг у яна пайдо бўлди, машинага ўтирди ва бошини бир марта чайқади. Менинг умидларим сўнди. Мисол учун дейлик, у Даниэльсга қарши қандайдир далиллар топар ҳам, лекин бундан нима маъно? Ахир, бош вазирни Франциянинг қаерига яширганликларини кимдир тан олишига эришиш лозим-ку.

Лондонга юришимизда бир неча марта узилиш бўлди. Биз бир-икки бор катта йўлдан четга ўтдик. Ташқи томондан қараганда унчалик катта бўлмаган қишлоқ касалхонаси эканлигини англаш мумкин бўлган бинолар олдида тўхтаб ўтдик. Пуаро уларнинг ҳар бирига бир неча дақиқага кириб чиқар ва биз яна йўллимизда давом этардик. Қанча узоққа кетганимиз сари дўстимнинг юзи шунчалик ёришиб борарди.

Пуаро Норманга ниманидир шивирлади, у эса қүйидагича жавоб берди:

– Ҳа, биз чапга бурилган заҳотиёқ улар күп-рикда бизни кутишади.

Хақиқатан ҳам хира ёруғликда ён томондаги йўл чеккасида турган яна битта автомашинани дарров пайқадим. Унда фуқаро кийимида икки киши бор эди. Пуаро машинадан тушиб, улар билан гаплашди ва биз шимолга қараб юрдик, иккинчи машина бироз масофа қолдириб, ортимиздан йўл олди.

Тушунишимга кўра, Лондоннинг шимолий туманларидан бири томон йўналдик. Унчалик катта бўлмаган, атрофи боғ билан ўралган баланд уй олдида тўхтадик.

Норман икковимиз машинадан тушдик. Пуаро эса изқуварлардан бири билан ҳашаматли эшик олдига келиб, қўнғироқни чалишди. Эшикни чиройли оқсоқ очди.

– Мен полиция зобитиман, менда уйингизни тинтуб қилишга хужжат бор, – деди дарҳол изқувар.

Қиз қаттиқ қичкирди ва бу қичкириқдан сўнг йўлакда ўрта ёшлардаги келишган аёл пайдо бўлди.

– Эдит, эшикни ёп! Бу, менимча, ўғрилар.

Пуаро ярим очиқ эшик орасига оёғини сукди ва хуштак чалди. Шу заҳотиёқ бошқа изқуварлар ҳам югуриб келишди. Улар уйга кириб эшикни ёпишди.

Биз Норман билан мажбурий бекорчилигимизга лаънатлар ўқиб, уларни беш дақиқа кутдик. Мана, нихоят, эшик ланг очилиб, бизникилар

кўринди. Уч нафар маҳбус: бир аёл ва икки эркакни олиб чиқишиди. Аёл билан бир эркак маҳбусни бир машинага, иккинчи эркак маҳбусни бизнинг машинага жойлаштириб қўйишиди. Пуаронинг ўзи бу ишни бажарди.

— Дўстим, аслида мен нариги машинада кетишм лозим. Унда бу жентльменга ким қарайди? Сиз у билан танишмасмисиз? Унда О'Мэрфи билан таниширишга рухсат этинг.

О'Мэрфи! Машина қўзғалди, мен эса оғзимни ланг очиб, унга қараб турдим. Унда қўл кишани йўқ эди, аммо кўринишдан қочишини хаёлига ҳам келтирмаётганди. Менимча, у ҳали ҳам шок ҳолатида, ўзига келолмаганди. Яширмайман, биз Норман иккимиз ҳам худди О'Мерфининг аҳволида эдик.

Ажабланарлиси, биз яна шимолга қараб юрдик. Демак, биз Лондонга қайтмаяпмиз! Бу нимани билдиради? Машина тезлигини оширганида мен Хэндон аэродромидан унча узоқ бўлмаган жойда эканлигимизни кўрдим. Шунда мен Пуаро нима истаётганини дархол англаб етдим. У аэропланда Францияга учишга қарор қилганди.

Фоя, албатта, жуда яхши, лекин тўғрисини айтганда, бефойда. Ахир шошилинчнома олдин-роқ борарди! Ҳозир вақт фанимат. Айни чоғда шахсий обрўни қурбон қилиш ва бош вазирни бошқа бирор қутқаришига имкон бериш лозим эди.

Тўхташимиз биланоқ, майор Норман машинадан сакраб тушди ва унинг ўрнини кийимини алмаштириб олган полициячи эгаллади. Апилтапил Пуаро билан маслаҳатлашиб, у ҳам машинадан тушди-да, қўздан фойиб бўлди. Мен

ҳам ташқарига чиқдим-да, Пуаронинг қўлидан ушладим.

– Отахон, табриклайман сизни! Улар бош вазирни қаерда яширганини сизга айтишган, шундайми? Қулоқ солинг, зудлик билан Францияга шошилинчнома юбориш керак. Агар ўзингиз бормоқчи бўлсангиз, унда жуда ҳам кеч бўлади, менимча.

Пуаро бироз ажабланиш билан унга қаради.

– Афсуски, ошнажон, шошилинчномада барча нарсани жўнатиб бўлмайди.

Шу вақт ичидаги майор Норман ҳарбий ҳаво кучлари кийимидағи ёш зобити билан биргаликда қайтиб келди.

– Бу капитан Лайэл. У сизни Францияга кузатиб қўяди. Самолёт ҳозироқ учишга тайёр.

– Жаноб, иссиқроқ кийининг, – маслаҳат берди учувчи. – Агар хоҳласангиз, мен пальтоимни бериб туришим мумкин.

Пуаро соатига қаради ва тўнфиллади: «Ха, вақт, бу ёғи энди вақт масаласи». Кейин осмонга қаради ва зобитга таъзим қилди:

– Миннатдорман, жаноб. Аммо сиз билан учмайман, мана бу жентльмен учади!

Шу гапни айтиб Пуаро четга сурилди ва бошқа биронинг сояси кўринди. Бу ўша иккинчи машинада юборилган маҳбус эди. Унинг юзига ёруғлик тушганидан сўнг мен беихтиёр хайратдан бақириб юбораёздим.

Бу бош вазир эди!

* * *

– Худо хайрингизни берсин, буларнинг барчаси қандай содир бўлди, айтиб беринг, – деб хи-

тоб қилдим машинада Лондонга қайтаётганимизда қизиқишдан ёниб. – Англияга уни яширин ра-вишда қайтариб жүннатиб юборишни қандай қилиб улдалашди?

– Мак-Адамни қайтариб жүннатишган, деб сиз-га ким айтди? – саволимга савол билан жавоб берди Пуаро. – Баш вазир умуман Англияни тарк этмаган. Уни Винздордан Лондонга кетаёт-ганда ўғирлашган.

– Нима?

– Хозир тушунтираман. Баш вазир ўз машинасида кетаётганда, ёнида котиби бўлган. Кутил-маганда унинг юзига кимдир хлороформ сингди-рилган ёстиқчани босади...

– Бу ким эди?

– Бизнинг ақлли тилшуносимиз, капитан Даниэльс. Баш вазир ҳушини йўқотгандан сўнг Даниэльс сўзлашув гўшагини кўтариб О’Мэрфига ўнгга бурилишни буюрган, ҳайдовчи ҳеч нарса-дан гумонсирамай асосий йўлдан четта бурилган. Бир неча чақиридан сўнг кимсасиз кўчада ни-масидир бузилган машинани кўришади. Ҳайдовчи О’Мэрфига тўхташ учун ялиниб сигнал беради. О’Мэрфи дарров тезликни оширмайди. Нотаниш одам машинага яқинлашади. Шу пайтда Дани-эльс ойнадан энгалиб, дарҳол таъсир қиладиган этилхлориддан фойдаланиб ухлатиш операция-сини такрорлаган. Бутунлай ҳушини йўқотган икки нафар кишини машинадан чиқарадилар, бошқа машинага ўтқазадилар, уларнинг ўрнига қиёфадошларини жойлаштирадилар.

– Ишониш қийин!

– Нега энди? Мюзик-холлда машҳурларни ўхшатиб роль ижро этганларини кўрмаганмисиз?

Бирор жамоат арбоби ролини ўйнашдан осони йўқ. Хўп денг, Клэпхэмдаги жаноб Жон Смитдан кўра Англия бош вазирини ижро этиш осонроқ. О’Мэрфининг «қиёфадоши»га келсак, марҳамат қилиб айтинг-чи, бош вазир йўлга чикқандан кейин у билан ким ҳам қизиқарди? «Қиёфадош» учун ҳеч кимнинг кўзига кўринмаслик айни муддао. Шундай қилиб, Чаринг-Кросдан тўғри дўстлари учрашадиган жойга жўнайди. Тўғри, у ерда аввалига О’Мэрфи сифатида пайдо бўлади, кейин бутунлай бошқа инсонга айланади. Шу алфозда О’Мэрфи «йўқолади», устига-устак, орқасидан шубҳали из қолдиради.

– Бироқ бош вазир «ролини ўйнаган»ни ҳамма кўрмаганмиди?

– Ҳамма деганингиз кимлар? Шахсан бош вазирни танийдиганлардан бирон киши уни кўрмаган. Даниэльс у билан ҳеч ким учрашмаслиги учун барча имкониятларни ишга солган. Бундан ташқари, унинг боши бинт билан ўралганди. Агар кимdir нимадандир шубҳаланган тақдирда ҳам бош вазир суиқасдан қаттиқ ҳаяжонда, шу боис у ҳар хил учрашувлардан қочяпти, деб баҳона қилиши мумкин эди. Шунингдек, жаноб Мак-Адамнинг томоги нозик, муҳим нутқ сўзлашдан олдин овозини зўриқтирмаяпти, деган далил келтирилса, табиийдек қабул қилинарди. Францияда бу далилни қийинчилклариз пеш қилиш мумкин эди, кейинчалик бош вазир фойиб бўлгандан сўнг бу ҳеч қандай маъно касб этмасди. Англия полицияси шошилинч тарзда канал ортига интилди ва биринчи хужум тафсилотларига ҳеч ким эътибор ҳам бермаган. Бош вазирни

Францияда ўфрилашди, деган тасаввурни яратиш жуда осон кечган. Даниэльснинг оғзига латта тиқишигандан ва ҳаттоқи ишонарли тарзда «ухлатиб қўйишигандан».

– Баш вазир ролини ўйнаган одам-чи?

– Ўзидан ниқобни ечиб ташлаган. Албатта, уни ҳам, алдамчи машина ҳайдовчисини ҳам гу-монсираб қўлга олишлари мумкин эди. Бироқ спектаклда уларнинг бевосита роль ўйнагани ҳеч кимнинг хаёлига ҳам келмасди. Нихоят, уларни далиллар йўқлиги учун қўйиб юборишаради.

– Ҳақиқий бош вазир-чи?

– Уни О’Мэрфи билан биргаликда Хэмис-тэддаги «Эверад хоним», яъни Даниэльснинг «холаси»никуга олиб боришидаги. Аслида эса бу – фрау Берта Эбентални кейинги пайтда полиция фаол равишда қидираётганди. Хуллас, шу маъно-да мен уларга «қимматли совфа» тақдим этдим, Даниэльснинг қўлга тушганини-ку айтмасак ҳам бўлади! Ҳа, режа ақл билан тузилган, аммо улар бу жумбоқни ечишга Эркюл Пуаронинг ақли етишини тахмин қилишмаган!

Ўйлайманки, дўстимни мағруронга нутқ ироқ қилаётган пайтида кечириш мумкин.

– Сиз қачон тўғри изни аниқладингиз?

– Шу йўлга ички томондан... чиққанимдан сўнг.... Аввалига мен отишма билан боғлиқ бу тўполон усталик билан уюштирилганини тахмин ҳам қилмагандим, кейин ўйлаб қолдим: унинг амалий натижаси қандай? Бундай бўлган: бош вазир юзлари дока билан ўралган ҳолда Фран-цияга жўнаганди! Шунда мен гап нимадалигини ўйлай бошладим. Биз Винձор ва Лондон ўртасидаги қишлоқ касалхоналарининг деярли

барчасини айланиб чиққанимизда юзлари дока билан ўралган бирорта инсон ўша машъум тонгда мурожаат қилмаганлиги маълум бўлгач, вазижат бутунлай ойдинлашди. Ана шундан сўнггина қолган барчаси бундай ақлнинг олдида болалар ўйинидек бўлиб қолди.

Эртаси куни эрталаб Пуаро ҳозиргина олган шошилинчномасини менга узатди. Шошилинчномада на юборувчининг манзили, на имзоси бор эди. Шошилинчномада шундай ёзилганди:

«Ўз вақтида».

Кейинроқ эса кечки газетанинг шошилинч сонида чоп этилган иттифоқчилар анжумани ҳисобтини ўқиб чиқдим. Унда вазир Мак-Адамнинг нутки қанчалик қизғин олқишлиар билан қабул қилингани алоҳида таъкидланганди. Унинг кўтариинки руҳдаги нутки барчада катта таассурот қолдирибди.





МУНДАРИЖА

Иштар ибодатхонасидаги қотиллик	3
Бойваччанинг қасри	22
Йўқотилган калит	54
Булбуллар ошёни.....	80
Лўли қиз.....	111
Мансабдорнинг ўғирланиши.....	126

Адабий-бадиий нашр

Агата КРИСТИ

ИЗҚУВАР ПУАРО

Хикоялар

Рус тилидан Иззат Ахмедов таржимаси

Мухаррир С. Саидмуродов

Рассом-дизайнер Ш. Курбонов

Техник мухаррир Т. Харитонова

Кичик мухаррирлар: Д. Холматова,

Г. Ералиева

Мусаххих Ш. Ҳакимова

Компьютерда саҳифаловчи К. Ҳамидуллаева

Нашриёт лицензияси АI № 158.14.08.2009.

Босишга 2016 йил 17 июнда рухсат этилди.

Бичими 80x100¹/₃₂. «Газетная пухлая» қофози.
«Virtec Peterburg Uz» гарнитураси. Шартли босма
табофи 7,4. Нашр табофи 6,89. Адади 3000 нусха.
Буюртма №16-425.

Ўзбекистон Матбуот ва ахборот агентлигининг «O'zbekiston»
нашриёт-матбаа ижодий уйи. 100011, Тошкент,
Навоий кўчаси, 30.

Телефон: (371) 244-87-55, 244-87-20

Факс: (371) 244-37-81, 244-38-10.

e-mail: uzbekistan@iptd-uzbekistan.uz

www.iptd-uzbekistan.uz

Кристи, Агата

K81 Изқувар Пуаро [Матн]: Ҳикоялар / А. Кристи;
Русчадан И. Ахмедов таржимаси. – Тошкент:
«O‘zbekiston» НМИУ, 2016. 160 б.

ISBN 978-9943-28-684-9

**УЎК 821.111-3
КБК 84(4Ингл)**